

ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС  
ТАЪЛИМ ВАЗИРЛИГИ


ТОШКЕНТ ДАВЛАТ ТЕХНИКА УНИВЕРСИТЕТИ

"Метрология, стандартлаштириш ва сертификатлаштириш"  
кафедраси

Исматуллаев П.Р., Қодирова Ш.А., Аъзамов А.А.

## МЕТРОЛОГИЯ АСОСЛАРИ

### ЎҚУВ ҚЎЛЛАНМА



Тошкент - 2007 й.

Исматуллаев П.Р., Қодирова Ш.А., Аъзамов А.А.

Эътиборингизга ҳавола этилаётган "Метрология асослари" фани бўйича ўқув қўлланма таянч олий ўқув юрти (ТДТУ) томонидан ишлаб чиқилган намунавий дастур асосида ёзилган бўлиб, олий ўқув юртларининг техника йўналишлари бўйича таълим олаётган бакалаврлар учун ўқув қўлланма сифатида мўлжалланган, ундан илмий-техник ва муҳандис ходимлар, магистрлар, тадқиқотчилар, аспирантлар ҳам фойдаланишлари мумкин. Шунингдек, мазкур ўқув қўлланма Олий ўқув юртларида ҳамда ўрта махсус касб-хунар коллежларида дарс берувчи ўқитувчилар учун ҳам фойдали деб ҳисоблаймиз.

Ушбу ўқув қўлланма ТДТУ илмий-услубий кенгашининг 4.04.07 й. 4-сонли баённомаси билан чоп этишга тавсия этилган.

**Тақризчилар:** "Ўзстандарт" агентлиги бош директор ўринбосари, т.ф.н., Абдувалиев А.А.

"Ўзстандарт" агентлиги СМСИТИ етакчи мутахассиси Фозиев F.A.

© Тошкент давлат техника университети

## Сўз боши

“Метрология асослари” фани бўйича ўқув қўлланмада ҳаётимизнинг барча жабҳаларида, халқ хўжалигининг, саноатнинг барча тармоқлари учун ўта зарур бўлган, метрология ҳақидаги асосий тушунчалар ва таърифлар, ўлчаш, ўлчов ва катталиклар, ўлчаш воситалари, ўлчашдаги хатоликлар, метрология хизмати ва метрологик таъминот каби масалалар хусусида етарли ва зарур маълумотлар келтирилган.

Ушбу ўқув қўлланма моҳиятан ҳозирги кунларда республикамиздаги таълим ва иқтисодиёт борасидаги ривожланиш ва ўзгаришларни хисобга олинган ҳолда яратилди.

“Метрология асослари” фани узоқ тарихга эга бўлиши билан бир қаторда, илмий-фалсафий нуқтаи назардан иқтисодиётнинг барча тармоқларига хос бўлган, доимий равишда ва узлуксиз тарзда ривожланишда бўлувчи фанлар туркумига киради.

Ўзбекистонимиз жуда бой ва қўхна маданий ва маърифий меросларга эга. Ушбу мерос Фарб фалсафасини шаклланишида, буюк олимларни ва алломаларни муваффақият қозонишларида муносиб ўрин эгаллаган. Бундан ташқари республикамиз “Буюк ипак йўли” асосий томирида жойлашганлиги ва йирик савдо марказларига эга бўлганлиги сабабли халқаро иқтисодий муносабатларни ривожланишида алоҳида аҳамият касб этган. Ватанимизда илк илмларини шакллантирган буюк алломаларнинг ҳозирда ҳам аҳамиятли кашфиётлари ва илмий ютуқлари жаҳон фанлари тараққиётида муносиб ўрин эгаллаган. Фарбда Алфраганус номи билан танилган Аҳмад Фарғонийнинг Нил дарёсининг сатҳини ўлчаш учун мўлжалланган “Миқёси Нил” курилмаси, машҳур Улуғбекнинг оддий ва содда ўлчаш асбоблари билан ўта юқори аниқликда тузилган “Юлдузлар жадвали”, энциклопедист олим Берунийнинг моддалар таркибини аниқлаш борасидаги улкан ютуқлари ва ҳоказолар (санаб тугатишимиз мушкул) шулар жумласидандир.

Маълумки, республикамизда туб иқтисодий ислоҳотлар орқали бозор муносабатларини шакллантиришга киришишда энг аввало, унинг стратегик мақсадлари белгиланиб олинди. Бу мақсадлар ичida “рақобатбардош маҳсулотларни ишлаб

чиқаришни таъминлаш” алоҳида таъкидлаб ўтилган. Иқтисодий ислоҳотларнинг устивор саналган йўналишларида ҳам қуидагиларни кўришимиз мумкин:

- илфор технологияларни жорий қилиш орқали тайёр экспертбоб маҳсулотлар ишлаб чиқаришни кенгайтириш;
- аҳолини юқори сифатли озиқ-овқат маҳсулотлари билан таъминлаш;
- мамлакатнинг экспорт қувватидан тўла-тўқис фойдаланиш, уни жадаллик билан ривожлантириш.

Бу борада республикамизда қисқа муддат ичida улкан ишлар амалга оширилди ва натижада Ўзбекистонга факат хом ашё зонаси сифатида қарашларга барҳам берилди.

Ҳозирги кунда ҳар бир мутахассис ўз фаолият соҳасидаги параметрларни ва уларни ўлчаш усусларини, ўлчаш воситаларини, уларнинг техникавий тавсифларини билишлари зарур. Бундан ташқари техника йўналишидаги мутахассислар ўлчанадиган ва баҳоланадиган катталикларни назорат қилиш воситалари ҳамда уларни ишлатиш билан боғлиқ бўлган масалаларни билмоғи зарур.

Илмий-техника тараққиётининг асосий йўналишларидан бири катталикларни янада аниқроқ ўлчайдиган мукаммал назорат-ўлчаш асбобларини, курилмаларини ва тизимларини яратишдир.

“Метрология асослари” фанини ўрганиш талабаларда метрология бўйича асосий тушунчаларни, атамаларни, таърифларни, ўлчаш усуслари ва воситалари ҳамда уларнинг метрологик тавсифларини, ўлчаш хатоликлари ва уларни баҳолаш каби масалаларни билишини тақозо этади.

Бу эса бугунги кунда, айниқса, жаҳон андозаларига мос келувчи маҳсулотларни ишлаб чиқариш ва уларнинг рақобатбардошлигини таъминлашда, энг муҳими республикамизнинг иқтисодий салоҳиятини оширишда ўта муҳим масалалардан бири саналади.

Метрология фаолияти юқорида санаб ўтилган “Мухандислик ва муҳандислик иши”, “Ишлаб чиқариш ва қайта ишлаш тармоқлари”, “Атроф-муҳит муҳофазаси”, “Ўқитувчилар тайёрлаш ва педагогика фани” йўналишлари ва саноатимизнинг барча тармоқларида ишлаб чиқаришдаги замонавийликни акс эттириш, технологик жараёнларни комплекс автоматлаштириш, ишлаб чиқарилаётган ва четдан келтирилаётган ҳар турли

маҳсулотларнинг сифати юқори даражада, меъёрий хужжатларнинг белгиланган талабларига мос бўлишини, истеъмол маҳсулотларининг аҳоли учун хавфсизлигини таъминлаш, илғор, кўп ийллик тажрибадан ўтган жаҳон андозаларидан фойдаланиш ва уларни республикамизда тадбиқ этиш кабиларни ўзига мужассамлаштирган. Табиийки, барча соҳа мутахассислари қайси тоифада бўлишидан қатъий назар ушбу борада етарли билим ва малакага эга бўлишлари лозим.

Шу сабабларга кўра, ушбу ўқув қўлланма республикамиздаги амалга оширилаётган иқтисодий ва таълим борасидаги ислохотларга ёndoшган ҳолда яратишга ҳаракат килинди.

Ўқув қўлланмада ҳар бир мавзу бўйича асосий мазмун талқин қилиниши билан бирга, уларга тегишли режалар, таянч сўзлари ва назорат саволлари ҳам келтирилган.

Ўқув қўлланмага “Метрология асослари” фани нуқтаи назаридан шарқ фалсафасининг тутган ўрнининг киритилиши миллий қадриятларимизни тиклашда ва ривожлантиришда муносиб ўрин эгаллайди деб ҳисоблаймиз.

## I-боб. Метрология асослари бўйича асосий маълумотлар

### Режа.

- 1.1. Метрология асослари фанининг мақсад ва вазифалари.
- 1.2. Метрология фанининг ривожланиш тарихи.
- 1.3. “Метрология тўғрисида” республика қонуни.
- 1.4. Метрологиянинг аксиомалари.
- 1.5. Ўлчашларнинг сифат мезонлари.

**Таянч сўзлар:** метрология, ўлчаш, антропометрик ўлчаш бирликлари.

### 1.1. Метрология асослари фанининг мақсад ва вазифалари

Метрология фан сифатида ўлчашлар, уларга боғлиқ ва тегишли бўлган қатор масалаларни ўз доирасига олади. Метрология аслида юонончадан олинган бўлиб, ўлчаш, ўлчам, нутқ, мантиқ, илм ёки фан маъноларини билдиради. Умумий тушунчасини оладиган бўлсак, метрология - ўлчашлар ҳақидаги фан.


Инсон ақл-идроқи, заковати билан ўрганаётган, шакллантираётган ҳамда ривожлантирган қайси фанни, унинг ўнналишини олмайлик, албатта ўлчашларга, уларнинг турли усусларига, ўзаро боғланишларига дуч келамиз. Бу ўлчаш усуслари ва воситалари ёрдамида уларнинг бирлилигини, ягона ўлчашни талаб этилган аниқликда таъминлаш метрология фани орқалигина амалга оширилади. Шу сабабдан ҳозирдаги қайси бир фан, илмий ўнналиш, у ҳоҳ табиий, ҳоҳ ижтимоий бўлмасин, албатта у ёки бу даражада метрология билан боғлиқ. Инсон қўли етган, фаолияти доирасига кирган аммо ўлчашлар ва уларнинг воситалари ёрдамисиз ўрганилган, изланган ҳамда кўзланган мақсадларга эришиш мумкин бўлган бирорта ўнналиш йўқ. Шунинг учун ҳам метрология асосларини билиш, уни ўз мутахассислиги доирасида тушуниш ва амалий қўллаш техника ва технология соҳаларидаги бакалавриат ўнналишлари битирувчилари учун муҳим омиллардан бири бўлиб ҳисобланади.

Метрология фани техника, менежмент ва маркетинг соҳалари ўнналишларида бакалаврлар ва мухандислар тайёрлашда

үтилиши лозим бўлган фанлардан ҳисобланади. Олий таълим андозасидан келиб чиқиб, ушбу фан талабаларда метрология асослари бўйича зарур ва етарли бўлган асосий тушунчаларни шакллантиради.

Метрология асослари фанини ўрганишдан **мақсад**: талабаларда халқ хўжалигининг техника-технология, менежмент ва маркетинг соҳаларидағи ишлаб-чиқариш, савдо, назорат ва истеъмол билан боғлиқ бўлган турли метрологик масалалар билан шуғулланиш борасида етарли билим ва малакаларни ҳосил қилиш. **Асосий вазифалар** эса талабаларни узлуксиз таълим тизимида метрология асослари бўйича тайёрлашдан келиб чиқади. Бунда маҳсус фанлар доирасида ривожланувчи ва чукурлашувчи метрология, квалиметрия, сифатни ўлчаш бўйича фундаментал маълумотлар ўрганилади.

Сифат масаласи ҳар бир ишда, у қандай иш бўлишидан қатъий назар, унинг асосий баҳолаш критерияси (кўсаткичи) бўлиши керак. Агарда ҳар бир инсон ўз ишига юқори маъсулият билан қараб асосий баҳолаш критериясига муносаб равишда иш кўрса ҳаётимиз кундан – кунга яхшиланиб бориши турган гап, бу эса бутун мамлакат бўйлаб сифат масаласини юқори дараражага кўтаради. Қуйида сифатнинг виртуал схемаси (чизмаси) келтирилган.



## Сифатнинг виртуал схемаси

## 1.2. Метрологиянинг ривожланиш босқичлари ва унинг илмий-техникавий тараққиётга таъсири

Ўлчашлар ҳақидаги фаннинг тарихи минглаб йилларни ташкил этади. Ушбу ривожланиш даврини унинг мазмуни ва моҳиятига асосланган ҳолда қуидаги босқичларга бўлиш мумкин:


1. Антик ривожланиш даври.
2. Стихияли ривожланиш даври.
3. Метрик тизимнинг жорий этилиши.
4. Метрология хизматларининг интеграциялашиш даври.
5. Ўзбекистоннинг мустақиллик давридаги ривожланиш.

**Антик ривожланиш даври.** Ўлчашларга бўлган эҳтиёж қадим замонларда юзага келган. «Ўлчаш» атамасининг том маъноси бўйича таҳлил этадиган бўлсак, қадимги даврда инсоният асосан «органолептик ўлчашлар» - яъни, ўзининг хис этиш аъзолари орқали у ёки бу физикавий хосса бўйича тахминий маълумотлар олган. Бунда мана шу хис этиш органлари ўлчаш воситаси вазифаларини бажарган. Гарчанд бу каби ўлчашларда аниқ бир қиймат олинмаса ҳам, ҳар бил ўлчашда, аниқроғи баҳолашда муайян бир ўлчовга нисбатан солиштириш амалга оширилган. Дастроҳ, солиштириш ўлчови моддий бўлмаган, балки инсоннинг ўз тажрибаси, заковати ва атроф-муҳитни билиш даражасига қараб индивидуал тарзда белгиланган. Кейинчалик иш ва озуқа топиш қуроллари амалда қўллана борган сари солиштириш ўлчовлари моддийлаша борган. Инсон кундалик ҳаётида ҳар хил катталикларни: масофаларни, ер майдонларининг юзаларини, жисмларнинг ўлчамлари ва массаларини, вақтни ва ҳоказоларни бу жараёнларнинг юзага келиш сабабларини, манбаларини билмасдан, ўзининг сезгиси ва тажрибаси асосида ўлчай бошлаган.

Инсоният ривожлана бориб, иш қуролларини ва яшаш тарзини янада такомиллаштира борган. Яшаш ва меҳнат шароитларини янада қулайлаштириш ҳаракатида бўлган. Моддий бўлмаган ўлчовлар билан ишлаш нокулайлиги, ва индивидуаллиги туфайли, уни моддийлаштириш йўлларини ахтара борган. Шу аснода турли ўлчаш бирликлари пайдо бўлган.

Энг қадимги ўлчаш бирликлари – антропометрик. У инсоннинг муайян аъзоларига мувофиқликка ёки мойилликка асосланган ҳолда келиб чиққан. Масалан: **қарич** - қўл кафти

ёйилган ҳолда бош бармоқ ва жимжилоқ орасидаги масофа, **қулоч** - қўллар икки томонга ёйилганда орасидаги масофа, **қадам** - балоғат ёшидаги одамнинг сокин одимлашидаги юриш бирлиги, **тирсак** - кафт ва тирсак орасидаги масофа, **чакирим** - очик дала шароитида бирининг товушини иккинчиси эшита олиши мумкин бўлган масофа, **ладонь**- бош бармоқни хисобга олмаганда қолган тўрттасининг кенглиги; **фут**- оёқ тагининг узунлиги; **пядь**- ёзилган бош ва кўрсаткич бармоқлар орасидаги масофа, ва ҳоказолар.



Метрологиянинг тарихида бу каби бирликларни жорий этишда йирик фан ёки давлат арбобларининг антропометрик ўлчамларини асос қилиб олиш ҳоллари ҳам учрайди. Масалан, инглиз қироли Генрих I (12-асрнинг боши) **ярд** ўлчаш бирлигини ( $\approx 91,44$  см) жорий этган. Бунда намунавий ўлчов сифатида қиролнинг бурни учидан олдинга чўзилган қўлнинг ўртанча бармоғи учига бўлган масофа олинган.

Антропометрик ўлчаш бирликлари билан бир вақтда табиий ўлчаш бирликлари ҳам пайдо бўла бошлаган. Бу бирликлар сифатида табиатдаги баъзи доимий, ўзгармас хисобланган объектларнинг ҳусусиятлари олинган. Масалан, турли қимматбаҳо

тошларнинг ўлчов бирлиги сифатида кенг қўлланилган, "нўхотча" маъносини англатувчи "карат", "буғдой дони" маъносини билдирувчи "гран" шулар жумласидандир. Дастребки табиий ўлчовларнинг яна бир намоёндаси, ҳамма ерда ишлатиладиган вақт ўлчовлариdir. Мунажжимларнинг кўп йиллик кузатишлари натижасида қадимги Вавилонда вақт бирлиги сифатида йил, ой, соат тушунчалари ишлатилган. Кейинчалик ернинг ўз ўқи атрофида тўла айланишига кетган вақтнинг 1/86400 қисми секунд номини олган. Қадимги Вавилонликлар бизнинг эрамизгача бўлган II асрдаёқ вақтни Миналарда ўлчашган. Мина тахминан икки астрономик соат вақт оралиғига teng бўлиб, бу вақт мобайнида Вавилонда расм бўлган сув соатидан массаси тахминан 500 граммга teng бўлган "мина сув" оқиб кетган. Кейинчалик «мина» ўзгариб, биз ўрганиб қолган минутга айланган.

Кейинчалик табиий «ўлчовлар» турмушда кенг қўллана бошланди.

Шундай ўлчовлардан бири ернинг ўз ўқи атрофида айланишини вақт бирлиги сифатида ишлатилишидир. Жамиятнинг ривожланиши, савдо ва денгиз саёҳатининг ривожланишига, саноатнинг пайдо бўлишига, фаннинг ривожланишига олиб келган бўлса, шу билан бирга маҳсус техника ва ўлчаш воситаларини бунёд этишга ҳам сабабчи бўлди.

Инсоният тараққиёт ривожланишининг ilk даврлариданоқ "моддий" ўлчашлар ва ўлчаш бирликларининг катта аҳамиятини тушуниб етишганлар.

**Стихияли ривожланиш даври.** Метрология хизмати ва метрологик таъминот масалаларининг дастребки куртаклари турли давлатларда турлика тарзда вужудга кела бошлаган. Масалан, рус князи Святослав Ярославич белидаги олтин камаридан узунликнинг намунавий ўлчаш воситаси сифатида фойдаланган. Тарихий маълумотларга кўра князъ даврий равишда бозор расталарини оралаб юриб, турли мато сотувчиларининг узунлик ўлчовларини камари билан таққослаб турган. Агар улар орасидаги тафовут белгиланганидан ортиб кетса, сотувчини шафқатсиз жазолаган.

Италияда ҳам бу борада муайян тартиб белгиланган эди (ўрта асрларда). Черков ва бутхоналарда аниқ сондаги марварид

доналари сақланиб, улардан сочилувчан (дисперс) моддаларнинг ҳажм ва масса бирликларини ҳосил қилишда фойдаланганлар.

Марказий Осиёда ҳам ўлчовлар ва уларнинг турғунилигини сақлаш, ўлчаш қоидаларига қатъий риоя этиш масалаларига жиддий эътибор берилган. Аксарият ҳолларда бунинг назорати энг юқори амалдорлар томонидан олиб борилган. Масалан, ислом таълимотида тўғри ўлчаш, яъни ҳаридор ҳақини уриб қолмаслик (буни ҳозирда ҳам «тарозидан уриб қолиш» дейилади) масалаларига жуда қаттиқ қарабан. Бу борада ҳалқимиз манавиятига сингдирилган «ҳаридорнинг ҳақи етти пуштингга уради», «тарозидан уриб қолувчининг жойи дўзахнинг энг тўрида бўлади», «ҳаридор ҳақига хиёнат қилувчи оллоҳнинг биринчи душманларидандир» каби иборалар бу таълимотнинг исботидир.

Тарихий ёзишмаларда давлатлар орасида урушларнинг келиб чиқишлирида баъзан ўлчашлардаги келишмовчилик ҳам сабаб бўлганлиги каби маълумотлар ҳам келтирилган.


Гарчанд, ўлчашлар назариясининг, бундаги ёндошувларнинг турли давлатлардаги ривожланиши турлича услугуб ва усулларда, муайян маънода стихияли тарзда бўлган бўлсада, барча ҳолларда қўйидаги умумийлик принциплари сақланиб қолган:

- ўлчовнинг ўз хоссаларини узок муддат сақлаб қолиши;
- ўлчов қийматининг такроорий ўлчашларда ўзгармаслиги (доимилиги);
- ўлчанаётган катталиктининг турли қийматларини ҳосил қилиш имкониятини мавжуд бўлиши.

Бу даврдаги ўлчашларнинг асосий камчилиги сифатида ўлчов бирликларининг ўзаро мутаносиблиги бўлмаганлиги ҳамда асосий катталикларнинг бирликларини бир-бирига боғлиқ эмаслигини кўрсатиш мумкин.

**Метрик тизимнинг жорий этилиши.** Вақт ўтиши билан савдо-сотик ва ўзаро иқтисодий алоқаларнинг ривожланиши мобайнида ўлчовларга аниқлик киритиш, янгиларини ҳосил қилиш, ўзаро солиштириш ва қиёслаш усуллари шаклланиб, ўнлаб янги ва мукаммалроқ ўлчаш бирликлари ҳосил бўла бошлаган. Бу бирликларнинг ўзаро боғлиқлиги масалалари эса тобора муҳим аҳамият касб эта бошлаган. Шу боис олимлар бир асосий катталиктининг ўлчаш бирлигини бошқа асосий катталиктининг ўлчаш бирлиги билан боғлиқлигини таъминлаш устида бош қотира

борганлар. Бунда яна бир талаб - катталиктининг турли ўлчовларининг қийматлари орасидаги ўзаро боғлиқлик муайян қонуният асосида бўлишини таъминлаш лозим бўлган. Узоқ тадқиқотлардан сўнг олимлар қадимги Бобил давлатида қўлланилган «ўнлик тизими»га қайтишган. Айнан шу тизим асосида метрик тизим таъсис этилган.



Метрик тизим 1875 йил 20 майда Парижда 20 та мамлакатлар вакилларининг конференциясида қабул қилинган ва Метрик Конвенцияси номини олган. Метрик Конвенция метрология бўйича илмий фаолият кўрсатувчи биринчи халқаро келишув ҳисобланади. Конвенция метрик эталонларни сақлаш ва текшириш учун илмий муассаса сифатида ўлчовлар ва тарозилар халқаро бюросини хам таъсис этади.

Шу аснода юқоридаги талабларнинг тўлиқ таъминланишига эришилган, яни катталиктининг турли қийматлари ўзаро ўнга карраги бояганишда бўлган бўлса, бир нечта асосий катталикларнинг бирликлари орасида ўзаро бояганишга ҳам эришилган (Ер меридианининг қирқ миллиондан бир улуши бўйича - "метр", бир куб дециметр сувнинг температураси  $4^{\circ}\text{C}$  бўлгандаги массаси - "килограмм" ва ҳоказолар).

Фан ва техниканинг ривожланиши ҳар хил катталикларнинг ўлчамларини муайян ўлчовларга қиёслаб киритишни тақозо эта

бошлади. Бундай фаолият жараёни ва ривожланиши давомида ўлчашлар ҳақидаги фан, яни метрология юзага келди.

Россияда **ўлчовларни метрик тизими** 1899 йил 4 июнь куни қонун билан ихтиёрий тартибда қўлланишга, мажбурий тартибда эса Россия СНК 14.09.1918 й. да чоп этилган декретига мувофиқ қўлланишга қабул қилинган.

Ўрта Осиёда ўлчовларнинг метрик тизими 1923 йил 18 апрел Туркистон Республикаси СНК қарори бўйича "Ўлчовлар ва тарозилар тўғрисида Низом" тасдиқланган ва ички савдони йўлга кўйиш бўйича қўмита хузурида ўлчовлар ва тарозиларнинг Туркистон бюроси тузилгандан сўнг бошланган.

**Метрология хизматларининг интеграциялашиш даври.** XX асрдаги илм-фан ва техниканинг, шу жумладан давлатлар орасидаги иқтисодий муносабатларнинг шиддатли тусдаги ривожланиши метрологияга ҳам ўз таъсирини ўтказган. Бундаги асосий мақсадлардан бири - ўлчаш бирликларнинг турли туманлигига барҳам бериш, умумий қабул қилинган ўлчаш бирликларни жорий этиш, маҳсулотнинг сифатини назорат этишда умумий қоидаларни амалга ошириш ҳисобланган. Шу аснода олдинги асрнинг ўрталарида асосий иқтисодий салоҳиятга эга давлатлар ўртасида СГС ва МКГСС тизимлари жорий этилди. Унинг мантикий якуни сифатида 1960 йил ўлчовлар ва оғирликларнинг XI Бош конференциясида бирликларнинг ягона халқаро бирликлар тизими (SI) жорий этилди. Бизнинг мамлакатимизда ушбу тизим 1982 йилнинг 1 январидан бошлаб ГОСТ 8.417-81 асосида жорий этилган.

Хозирда асосан SI ва СГС тизимлари амалда қўллансада, биринчиси иккинчисини тобора сиқиб чиқармоқда. Бунинг асосий сабаби, бу тизимдан дэярли барча давлатларда фойдаланилиши ва унинг қатор қулагиларга ва афзалликларга эгалиги эканлиги:

- универсаллиги, яни илм-фан ва техниканинг барча соҳаларини қамраб олганлиги;
- ўлчашларнинг барча турлари ва соҳаларини бирхиллаштириш имконияти;
- катталикларнинг көгерентлиги;
- бирликларни юқори аниқликда ҳосил қилиш мумкинлиги;
- физика, кимё ва бошқа шу каби фанларда қўлланадиган формулаларни содда шаклда ифодалаш мумкинлиги;

- ўзномларига эга бўлган каррали ва улушли бирликларни хосил килишнинг ягона тизимда бўлиши;

- ўқитиш жараёнларини юқори дидактиклигини таъминлаш мумкинлиги (ортиқча ва тизимдан ташқари бўлган бирликларни ўрганиш эҳтиёжи йўқлиги);

- давлатларо илмий-техника ва иқтисодий алоқаларни ривожлантиришда умумий ечимларни олишда кулагай имкониятлар мавжудлиги.

**Ўзбекистоннинг мустақиллик давридаги ривожланиши.** Хозирда метрология соҳаси янада тез ривожланмоқда чунки саноатнинг ривожланиши, хозирги замон талабларининг бажарилиши назорат-ўлчаш асбобларига боғлиқдир. Бу эса Ўзбекистон мустақилликга эришгандан сўнг яққолроқ намоён бўла бошлади. Чунки собиқ иттифоқ даврида Ўзбекистонга асосан ҳомашё яратишга асосланган давлат сифатида қаралар эди. Бундан 15-20 йил муқаддам республикамида ишлаб чиқарилган ялпи ички маҳсулотнинг (ЯИМ) 70-80 фоизи ҳом ашё (acosan қишлоқ хўжалик) маҳсулотлари бўлган бўлса, хозирга келиб ЯИМнинг таркибида турли хизмат турлари, истеъмолга тайёр саноат ва қишлоқ хўжалик маҳсулотлари ўрин олган. Республикализнинг экспорт салоҳияти салмоқли ортишига эришилди. Мамлакатимиз ўз автосаноатига, энергетикасига, коммуникациясига эга бўлди, Халқаро стандартлаштириш ташкилотининг (ISO) тўла хукуқли аъзоси сифатида қабул қилинди.

Мустақиллик йилларида, қисқа давр ичida маҳсулотлар, хизматлар ва жараёнларнинг сифати ва хавфсизлигини ўлчаш воситалари, ўлчаш услубиятлари, малакали мутахассислар, бир сўз билан айтганда метрологик фаолият талабларини амалга оширадиган Метрология бўйича Миллий идора сифатида дастлаб Ўзбекистон Республикаси стандартлаштириш, метрология ва сертификатлаштириш маркази “Ўздавстандарт” (1992), кейинчалик эса “Ўзстандарт” агентлиги (2002) ташкил этилди. Шу боис барча Ўлчашлар бирлигини таъминлаш давлат тизими (ЎБТДТ) ҳам яратилди. Бу тизим миллий конунчиллик талаблари билан бир қаторда Метрология бўйича халқаро ва регионал ташкилотлар тартиб қоидалари асосида ташкил этилди.

Шундай қилиб бошқа давлатлар билан бир қаторда ўзбек метрологияси турли тарихий тараққиёт босқичларини ўтиб,

шаклланди, ривож топа бошлади ва ҳозирда ҳам такомиллашиб ривожланиб келмоқда. Бу соҳани ривожига, академиклардан: М.З.Хамидхонов, Д.А.Абдуллаев, Н.Р.Юсупбеков, В.Қ.Қобилов, Т.Д. Ражабов, профессорлардан: О.А.Азимов, Р.К.Азимов, М.Ф.Зарипов, Ш.М.Ғуломов, Х.З.Игамбердиев, П.Р.Исматуллаев, Б.И.Мухамедов, О.Ш.Ҳакимов ва кўплаб фан номзодлари, олимлар, тажрибали метрологлар ўзбек метрологиясининг ривожига катта хисса қўшмоқдалар.

Бу борадаги яна бир муҳим аҳамиятга молик бўлган ижобий янгилик сифатида республикамида стандартлаштириш, метрология ва сертификатлаштириш соҳасида миллий кадрлар тайёрлаш тизимини шаклланганлигини кўрсатиб ўтиш лозим. Агар, сабиқ иттифоқ даврида мазкур соҳадаги мутахассислар асосан Россия ўқув муассасаларида тайёрланган бўлса, эндиликда ўрта ва олий маълумотли мутахассислар маҳаллий таълим муассасаларида тайёрланиши йўлга қўйилди. Мустақилликнинг дастлабки йиллариданоқ ушбу масалага жиддийлик билан киришилди ва 1992 йилда проф. П.Р.Исматуллаевнинг ташаббуси билан мазкур соҳада мутахассис тайёрловчи кафедра **Тошкент Давлат техника университети таркибида ташкил этилди**. Мазкур кафедра базасида ҳар йили ўнлаб стандартлаштириш, метрология ва сертификатлаштириш соҳасида олий маълумотли бакалавр ва магистр академик даражасидаги ёш мутахассислар ҳаётга йўлланма олмоқдалар.

Метрология, стандартлаштириш ва сертификатлаштиришнинг қарийб 40 дан зиёд йўналишлари бўйича кадрларни қайта тайёрлаш “Ўзстандарт” агентлиги қошидаги “Стандартлаштириш, метрология ва сертификатлаштириш” илмий-тадқиқот институтида фаоллик билан олиб борилмоқда.

Хозирда ўзбек метрология хизматининг олдида турган асосий вазифалардан бири - Ўзбекистоннинг Халқаро савдо ташкилотига (ХСТ) аъзо бўлиши борасида соҳага оид барча тадбирларни амалга оширишдир.

Кишилик жамиятининг тараққиёти ўлчаш маданиятининг пайдо бўлиши ва ривожланиш тарихи билан чамбарчас боғлиқдир. Бу боғлиқлик эса ўлчашлар, ўлчаш воситалари ва ўлчашлар бирлигигини таъминлаш тизимининг узлуксиз тарзда такомиллашуви жараёнини ташкил этади.

Бошқача қилиб айтганда, кишилик жамиятининг ривожланиш (тараққиёти) бу уларнинг сезги органлари ва маълум даражадаги тажрибалари орқали оддий ўлчашларнинг илмий асосларигача босиб ўтилган йўлдан иборатdir.

Бу йўл эса замонавий метрологиянинг энг асосий: яъни – ўлчашлар ҳақидаги фанни, унинг усуслари ва воситалари ёрдамида ўлчашлар бирлилигини ва уни талаб этиладиган аниқликда таъминлаш йўлларини ўргатадиган фанни ташкил этади.

Метрологиянинг, яъни ўлчашларнинг моҳияти, аҳамияти фан-техниканинг ривожланишида бекёс бўлиб ва у билан боғлиқ муаммоларни ечишда кенг имкониятларни очиб бермоқда.

Ўлчаш соҳасида кенг кўламда олиб борилаётган ишлар унинг фан-техникадаги ва кишилик жамиятининг хаётдаги роли ниҳоятда юқори эканлигидан далолат беради. Ва, албатта жамиятнинг тараққиёти ўлчашларнинг ҳолати ва имкониятлари ва унинг метрологик таъминоти билан белигиланади. Ўлчашлар бирлилигини таъминлаш метрологиянинг энг долзарб (устивор) масалаларидан бири ҳисобланади. Шунинг учун ҳам ўлчашлар натижасида олинган ҳар қандай ўлчаш инфомацияси (ўлчашлар қандай шароитда, қандай вактда, қаерда ўтказилишидан қатъий назар) талаб этиладиган аниқликда ўлчаш бирлилигини таъминлашдек талабга жавоб берсагина унинг аҳамияти ва фойдаси кўпроқ (юқори) бўлади.

Кўпгина олимлар ўлчашларни аҳамиятини юқори баҳолаганлар. Масалан, буюк рус олими Д.М. Менделеев бу ҳақда шундай деган эди; “Ҳар қандай фан ўлчашдан бошланади, аниқ фанни ўлчовсиз тасаввур қилиб бўлмайди”.

У. Кельвин эса ўлчаш тўғрисида шундай деган; “Ҳар қандай нарса уни қай даражада ўлчаниш даражаси орқали аниқланади”.

Философларнинг талқинича физиковий хоссалар, жараёнларни текшириш, ўрганишда энг асосий йўл (метод) ўлчашлар ҳисобланади.

Техник аспектда эса ўлчашларнинг аҳамияти технологик жараёнларни бошқариш, маҳсулотнинг юқори сифатлилигини таъминлаш, объектни бошқариш, назорат қилиш бўйича инфомация ҳосил қилиниши билан белгиланади.

Энди эса ўлчашларни фанда тутган аҳамияти (роли) тўғрисида тўхталамиз. Ўлчашлар ҳақидаги фаннинг тарихи

минглаб йилларни ташкил этади. Халқ хўжалигида, ишлаб чиқаришда қўлланилаётган мураккаб тизимларнинг яратилиши ўз навбатида хусусан метрология ва ўлчашлар техникасининг ҳар хил соҳаларини ривожланиши истиқболини очиб бермоқда. Ўлчаш ҳақидаги фаннинг, яъни метрологиянинг ривожланиши ўз навбатида университетимизда информацион ўлчаш техникаси ва технологияси бўйича илмий тадқиқот ишларини автоматлаштириш бўйича назарий метрология бўйича янги ўкув мутахассисликлари йўналишларини очилишига сабаб бўлмоқда. Бу эса албатта, деярли хамма йўналиш мутахассисларнинг метрология бўйича билим ва қўнікларини юқори босқичга кўтаришни тақазо этади. Шу сабабли илгаридан қўлланиб келаётган кам қувватли, инертли асбоблар секин-аста жуда тезкор, юқори унумдорли асбоблар билан алмаштирилмоқдаки, бу ўлчаш амалини бажараётган шахсларнинг фаолиятини ва албатта табиийки уларга қўйиладиган талабни ҳам ўзгартиримоқда.

Хозирги кунда ўлчаш жараёнларини автоматлаштирилиши, комьютерлаштирилиши ва замонавий технологияларнинг ишлатилишига фақат программалаштирилган тизимга таянган ҳолда эришиш мумкин. Замонавий метрологиянинг ривожланишида мураккаб эмпирик (танлаш, илғаш) методларини, эҳтимоллик назариясига таянган ҳолда статистик методларини қўлланилиши катта ўрин тутмоқдаки, бу метрологиянинг илмий асосларини ташкил этади.

Илмий тадқиқот ўтказишда ёки ишлаб чиқаришда бирор ўлчашни амалга ошириш учун, аввало: 1) нима ўлчаниши керак ёки ўлчаш обьекти аниқланиши керак ва у обьект қандай физик катталиклар орқали характерланади; 2) қандай восита ёрдамида ўлчанади, яъни талаб этиладиган натижага эришиш учун энг оптимал вариантили ўлчаш воситасини ишлатиш зарур ва ниҳоят; 3) ўлчаш қандай аниқликда олиб борилиши зарур. Бошқача қилиб айтганда, даставвал ўлчаш масаласи аниқ белгиланиб олиниши керак.

Ўлчашлар саноатнинг қайси соҳасида электро-энергетикадами, механика соҳасидами, тиббиёт соҳасидами, илмий изланишдами ва хоказо катталикларни ўлчаш аниқлигига қўйиладиган талабларни умумлашган ҳолда маълумотлар орқали берилиши мумкин.

Ўлчашларни юқоридаги мажмуи албатта юқори даражада ташкил этилган ва замонавий асбоблар инфраструктураси билан жиҳозланган миллий ўлчаш тизими ёрдамида ҳамда ўлчашлар бирлигини, уларни ишончлигини аниқлигини таъминлаш шартлари бажарилиши билан амалга оширилиши мумкин.

### 1.3. “Метрология тўғрисида” Республика қонуни

Маълумки, 1993 йилнинг 28 декабрида Президентимиз томонидан кетма-кет учта, яъни “Стандартлаштириш тўғрисида”, “Метрология тўғрисида” ва “Махсулот ва хизматларни сертификатлаштириш” Қонунлари имзоланган эди. Бу қонунларнинг ҳаётга тадбиқ этилиши республикамиздаги мавжуд метрология хизматини янги ривожланиши босқичига кўтарилишига асос бўлди. Шулардан бири, яъни “Метрология тўғрисида” ги қонун устида бироз тўхталиб ўтамиз.

Бу қонун республикамизда метрологиянинг ривожланишига ва метрологик таъминот масалаларини ҳал этишининг мутлақо янги босқичига олиб кирди.

“Метрология тўғрисида” ги қонун 5 бўлимдан иборат бўлиб, бу бўлимлар 21 моддани ўз ичига олган. Республика мизда метрология хизматини йўлга кўйиш ва бунда жисмоний ва юридик шахсларнинг иштироки ва функциялари, бу борадаги жавобгарликлар бўйича кенг маълумотлар берилган.

Қонунда кўрсатилганидек, ўлчаш воситаларининг давлат синовларини ўтказиш, уларнинг турларини тасдиқлаш ва давлат рўйхатига киритиш “Ўзстандарт” агентлиги томонидан амалга оширилади.

Қонунда яна бир масала - давлат рўйхати белгисини қўйиш тўғрисида ҳам баён этилган. “Метрология тўғрисида” ги қонунда айтилишича, тасдиқланган ўлчаш воситаларига ёки уларнинг фойдаланиш ҳужжатларига ишлаб чиқарувчи давлат рўйхати белгиси қўйилиши шарт.

Маълумки, ишлаб чиқаришдаги ўлчаш воситаларининг ҳолати ва уларни вакти-вакти билан қиёслашдан ўтказиб туриш ҳар доим эътиборда бўлмоқлиги лозим. Улар бўйича рўйхатлар тузилади ва ўлчаш воситалари туркумларининг рўйхати “Ўзстандарт” агентлиги томонидан тасдиқланади. Илмий-

тадқиқотлар билан боғлиқ ўлчаш воситалари, асбоблари, қурилмалари ҳамда ўлчовлари “Метрология тўғрисида”ги қонуннинг 17-моддаси асосида “Ўзстандарт” агентлигининг даврий равишда қиёслашдан ўтказилиб турилиши лозим бўлган ўлчаш воситалари гурухининг рўйхатига киритилган бўлиб, шу қонуннинг 7-моддасига биноан, амалий фойдаланишда бўлган ўлчаш воситалари белгиланган аниқликда ва фойдаланиш шартларига мос ҳолда, қонуний бирликлардаги ўлчаш натижалари билан таъминлашлари лозимлиги алоҳида кўрсатиб ўтилган.

### 1.4. Метрологиянинг аксиомалари

Ҳар бир фанда бўлгани каби метрологияда ҳам талайгина аксиомаларни кўришимиз мумкин. Лекин ҳозир биз шулардан учта, энг асосий ва умумийларини кўриб чиқмоқчимиз. Ушбу аксиомалар ҳар қандай ўлчашлар учун хос бўлиб, бу ўлчашлар ҳоҳ оддий, ҳоҳ мураккаб бўлсин, ҳоҳ юзаки, ҳоҳ аниқ бўлсин, ҳоҳ тезлаштирилган, ҳоҳ мукаммал бўлсин, уларнинг барчасида шу аксиомаларнинг уйғунлашганини кўришимиз мумкин:

#### 1-Аксиома.

*Априор маълумотсиз ўлчашни бажариб бўлмайди.*

1-аксиомани изоҳлашдан бошлаймиз. Энг аввало “априор маълумот” нима ўзи деган савол туғилиши табиий. Априор сўзи *a priori* - олдин келувчи, дастлабки (лотинча) маъносини билдириб, бошланғич, муайян воқеа, воқелик ёки тажрибагача бўлган маълумотлар, билимлар мажмуини англатади. Бу сўз билан кетма-кет келувчи яна бир тушунча бор - апостериори, (*a posteriori*) яъни кейинги, орқадаги, тугалланувчи деган маъноларни билдиради. Бу сўзларни илк бора қадимги грек файласуфлари киритганлар. Уларнинг талқинича, ҳар бир инсон англайдиган илм, маълумот ёки ахборот муайян бир тажрибадан, воқеликдан ёки амал (сабоқ олиш, ёдлаш, ўқиш ва шу кабилар) дан сўнг мужассамлашади. Ҳосил қилинган ахборот кейинги амаллар мобайнида ортиб боради ва маълум бир даврдаги апостериор маълумот априор маълумотга айланади.

Шундай қилиб, ўлчашлар назарияси нуқтаи назаридан қарайдиган бўлсақ, муайян ўлчашни амалга оширишдан олдин шу ўлчашга тегишли бўлган маълум доирадаги маълумотлар айнан

априор маълумотни билдиради. Агар бизда мана шу маълумотлар бўлмаса, у холда умуман ўлчаш тўғрисидаги тушунчанинг ўзи шаклана олмайди ҳам.

Тажриба орқали, юқорида айтилганларга ишонч ҳосил қилишингиз мумкин.

Тили чиккан, bemalol сўзлаша оладиган 4-5 ёшлар атрофида бўлган боғча боласига электр тармоғидаги кучланиш қандай қийматга эга эканлигини аниқлаб беришни сўраб мурожаат қилиб кўринг-а...

Натижаси олдиндан маълум. Дарҳақиқат бу болада электр кучланиши деган катталиктинги моҳияти, уни қандай бирликларда ва қандай ўлчаш асбобида, қандай қилиб ўлчаш мумкинлиги борасида деярли ҳеч қандай маълумотлар йўқ. Шунинг учун ҳам болакай кўзини пирпиратганича сизга қараб тураверади. Чунки бу болада ҳали, ҳеч қандай априор маълумот йўқ.

**Албатта, бу айтилган гаплар шартлидир, яъни ҳозирча, вақти келиб 4 яшар бола электр кучланиши у ёқда турсин, ҳатто ЭҲМ қандай таркибий бирикмалардан ташкил топганлигини, ҳам айтиб бериб, кўз олдингизда шахсий компютерни йиғиб бериши ҳам мумкин.**

Шундай қилиб, тажриба ўтказишдан (ўлчашдан) олдин бизда айнан шу ўлчашга тегишли бўлган муайян маълумотлар ва кўнилмалар бўлиши лозим бўлади.

## 2- Аксиома.

### **Хар қандай ўлчаш - таққослаш (солишириши) демакдир.**

Энди иккинчи аксиоманинг изоҳига ўтамиш.

Ўлчаш дегани, содда қилиб айтганда олинган обьектда текширилаётган катталиқ қанчалик кўп ёки кам тадбиқ этганлигини аниқлаш ҳисобланади. Масалан, кўз олдимизда турган ихтиёрий бир нарсани, айтайлик столни олайлик. Унинг томонларининг узунлигини аниқлаш керак бўлса, бизнинг кўз олдимизга бир метрга teng бўлган узунлик келади ва унга нисбатан киёс қилиб тахминий тарзда эни ва бўйи тўғрисидаги маълумотларни олишимиз мумкин. Лекин бу шундай тез ва файри оддий бир тарзда юз берадики, биз бу ҳақда ўйлашга улгурмаймиз ҳам, кўз олдимизга келтира олмаймиз ҳам. Бошка бир катталиқ, масалан, танаввул қилаётган овқатнинг мазасини кўрайлик.

Бу катталиқ ҳозирча ўлчаб бўлмайдиган катталиклардан. Уни одатда факат баҳоланади. Баҳолаш эса, индивидуал тарзда бўлиб муайян мезон асосида амалга оширилади. Бунда мезонларнинг сони бирдан тортиб, бир нечтагача бўлиши мумкин. Масалан, "яхши" ва "ёмон" (2 мезон); "яхши", "ёмон" ва "ўртача" (3 мезон); "яхши", "ёмон", "ўртача", "жуда яхши" ва "жуда ёмон" (5 та мезон) ва ҳоказолар. Агар овқатнинг фақат мазаси ёки соддароқ бўлиши учун тузнинг яхши-ёмонлигини кўриб чиқайлик. Бунда биз худди шу катталикинг (яъни туз микдорининг) яхши бўлган қийматини оламиз ва шу қийматга нисбатан юқорида ёки паства бўлган ҳолатга шаҳодат келтирамиз.

## 3- Аксиома.

### **Ўлчаш амалидан олинган натижажа тасодифийдир.**

Энди учинчи аксиома хусусида. Бир учи очилмаган қалам оламиз ва шу қаламнинг 10 марта чизгич ёрдамида узунлигини аниқлаймиз. Натижаларни ёзib борамиз. Шунда энг ками билан икки ёки уч марта олган қийматларимиз бошқачароқ бўлади. Хўш, нима учун бундай бўляпти? Ахир обьект ва субъект ўзгаргани йўқку!

Бу нарса тасодифийлик деган тушунча билан боғлиқ. Бу тушунча хусусида бир оз кейин изоҳ берилади.

Биз юқорида қайд этилган аксиомаларни фақат оддийгина ўлчашлар воситасида тушунтиришга харакат қилдик. Агар нисбатан мураккаброқ ўлчашларга ўтадиган бўлсак бу аксиомаларнинг кучини яққолроқ сезишимиз, кўришимиз ва англашимиз мумкин бўлади.

## 1.5. Метрологиянинг асосий постулатлари

Ушбу мавзуни кўриб чиқишидан олдин биргаликда оддийгина бир тажриба қилиб кўрамиз:

Бир дона чиройли олма оламиз (ҳақиқий, истеъмол қилинадиган олма). Уни бирор бир тарозида, масалан савдо дўйконларидағи ўлчаш тарозисида тортиб кўрамиз. Айтайлик массаси 74 g чиқди. Сўнгра уни каттароқ, масалан қопланган маҳсулотларни тортадиган ерга кўйиладиган тарозида ўлчаб кўрамиз. Энди олган қийматимиз 75 g. Кейин худди шу олмани юк автомобилларининг массасини (10 тоннагача) ўлчайдиган катта

тарозида ўлчаймиз. Бу тарози олманинг массаси йўқ деб унинг оғирлигини сезмайди. Энди охирги тажриба, олмани бир неча бўлакларга бўлиб, лаборатория тарозисида ҳар бир бўлакни тортамиз ва якуний натижани хисоблаймиз. Олинган қийматимиз қуидагича бўлиши мумкин - 74,3718 g. Қаранг-а, тўрт хил ўлчаш воситасида тўрт хил қиймат олдик.

Хўш, қайси бир қийматни ҳақиқий деб олишимиз мумкин. Аслида, олманинг массаси қандай? Албатта, тажрибада кўрилаётган олманинг айнан олинган қиймати мавжуд. Бу қийматни биз **чинакам** қиймат деб атаемиз.

Чинакам қиймат катталиктин микдор жиҳатдан ҳар томонлама, беками-кўст ва буткул тавсифлайдиган қиймат хисобланади. Аммо, уни аниқ ўлчаш имконияти мавжуд эмас. Шуни кўриб чиқамиз:

Фараз қиласилик, ўта аниқ ўлчайдиган тарози топдик ва олманинг массасини аниқламокчимиз. Лекин бу тарозида аниқ бир тўхтамга келган қийматни ололмайсиз. Чунки олмадан жуда оз микдорда (1-2 молекула бўлса ҳам) намлик камайиб туради. Демак аниқ қийматни ололмайсиз. Биз ҳозир аниқ ўлчайдиган восита бор деб хисоблаяпмиз. Лекин аслида бундай ўлчаш воситаси йўқ ва бўлмайди ҳам. Нима учун дейишингиз табиий, албатта. Агар ўзга сайдераликлар келиб бизга айнан шундай, беками-кўст, мутлақо аниқ ўлчайдиган асбоб олиб келиб беришганда ҳам қуидаги парадокс бўлиши табиий. **Метрологик** нуқтаи назардан ўлчаш воситасиниг муайян метрологик **тавсифлари** мавжуд бўлиб, бу тавсифларга эга бўлгандан сўнггина биз олинган натижани баҳолашимиз мумкин. Биз айтаётган ўлчаш воситасини метрологик тавсифлаш учун ундан ҳам аниқ ўлчайдиган бошқа асбоб керак бўлади. Бу худди анальгиннинг таркибида кофеин бор, кофеиннинг таркибида кодеин, кодеиннинг таркибида эса анальгин бор дегандек гап. Хуллас, катталиктин чинакам қийматини ўлчаб бўлмайди. Модомики, чинакам қийматни ўлчаш имкони йўқ экан, ўлчаш амалида қиймати унга яқин бўлган ва уни ўрнига ишлатилиши мумкин бўлган бошқа қиймат, яъни ҳақиқий қиймат кўлланилади. Бу хусусда метрологиянинг учта асосий постулатлари мавжуд:

**1-постулат - ўлчанаётган катталиктин чинакам қиймати мавжуддир.**

**2-постулат - катталиктин чинакам қийматини аниқлаши мумкин эмас.**

**3-постулат - ўлчаш амалида катталиктин чинакам қиймати доимийдир.**

Энди айтишимиз мумкинки, ўлчанаётган катталиктин чинакам қиймати бўлар экан:

- 1 . Чинакам қиймат (уни аниқлаш имкони мавжуд эмас);
- 2 . Ҳақиқий қиймат (чинакам қийматга яқин);
- 3 . Олинган қиймат (тажрибадан олинган қиймат).

Табиийки, ҳақиқий қийматни қаердан оламиз деган савол туғилиши мумкин. Юқорида келтирган мисолимиз бўйича, олмани савдо дўкони тарозисида бир неча марта такрорий ўлчаб, натижаларнинг ўртача қийматини олсак, шу ҳақиқий қиймат деб олиниши мумкин.

## 1.6. Ўлчашларнинг сифат мезонлари

Ҳар бир нарсанинг сифати бўлгани каби ўлчашларнинг ҳам сифати ва унинг мезонлари мавжуд. Бу мезонлар ўлчашлардаги асосий тавсифларни ифодалайди. Бу мезонлар қаторига қуидагилар киритилган:

**Аниқлик** - бу мезон ўлчаш натижаларини катталиктин чинакам қийматига яқинлилигини ифодалайди. Микдор жиҳатдан аниқлик нисбий хатолик модулига тескари тарзда баҳоланади. Масалан, агар ўлчаш хатолиги  $10^{-3}$  бўлса, унинг аниқлиги  $10^3$  бўлади ёки бошқача айтганда, қанчалик аниқлик юқори даражада бўлса, шунчалик, ўлчаш натижасидаги мунтазам ва тасодифий хатоликлар улуши кам бўлади.

**Ишончилик** - ўлчаш натижаларига ишонч даражасини белгиловчи мезон хисобланади. Ўлчаш натижаларига нисбатан ишончиликни эҳтимоллар назарияси ва математик статистика конунлари асосида аниқланади. Бу эса конкрет ҳолат учун хатолиги берилган чегараларда талаб этилган ишончиликдаги натижаларни олишни таъминловчи ўлчаш усули ва воситаларини танлаш имконини беради.

**Тўғрилик** - ўлчаш натижаларидағи мунтазам хатоликларнинг нолга яқинлигини билдирувчи сифат мезони.

**Мос келувчанлик** - бир хил шароитлардаги ўлчашларнинг натижаларини бир-бирига яқинлигини билдирувчи сифат мезони. Одатда, ўлчашларнинг мос келувчанлиги тасодифий хатоликларнинг таъсирини ифодалайди.

**Қайтарувчанлик** - ушбу мезон ҳар хил шароитларда (турли вактда, ҳар хил жойларда, турли усуулларда ва воситаларда) бажарилган ўлчашларнинг натижаларини бир-бирига яқинлигини билдиради.

**Ўлчаш хатолиги** - ўлчаш натижасини чинакам (ҳақиқий) қийматдан четлашувини (оғишуви) ифодаловчи ўлчашнинг сифат мезони.

#### **Такрорлаш учун саволлар.**

1. “Метрология асослари” фанини ўрганишнинг табиий зарурлиги.
2. “Метрология асослари” нинг фан сифатида шаклланиб бориш жараёни қандай кечган?
3. Қандай кўхна ва қадими ўлчаш бирликларини биласиз?
4. Фаннинг ривожланишида ўзига хос ҳисса қўшган олимлардан кимларни биласиз?
5. “Метрология тўғрисида” республика қонунининг асосий аҳамияти нималардан иборат?
6. Метрологиянинг аксиомаларини тушунтиринг.
7. Метрологиянинг нечта постулати мавжуд ва уларни таърифланг.
8. Ўлчашларнинг қандай сифат мезонлари мавжуд?

#### **II-боб. Катталиклар ва уларнинг ўлчаш бирликлари.**

##### **Режа.**

- 2.1. Катталиклар.
- 2.2. Катталиктар ўлчамлиги.
- 2.3. Катталикларнинг бирликлари. Халқаро бирликлар тизими.
- 2.4. Бирликларни ва ўлчамларни белгилаш ва ёзиш қоидалари.
  - 2.4.1. Халқаро бирликлар тизимининг хосилавий бирликлари.
  - 2.4.2. Каррали ва улушли бирликларнинг номлари ва белгиларини хосил қилиш қоидалари.

**Таянч сўзлар:** катталиклар, ўлчамлик, ўлчаш бирлиги, катталиктарнинг асосий бирлиги, хосилавий бирлиги, СИ бирликлар тизими.

#### **2.1. Катталиклар**

Атрофимиздаги ҳаёт узлуксиз тарзда кечадиган муайян жараёнлар, воқеалар, ходисаларга ниҳоятда бой бўлиб, уларни кўпини аксарият ҳолларда сезмаймиз ёки эътиборга олмаймиз. Четдан қараганда уларнинг орасида боғлиқлик ёки узлуксизлик билинмаслиги ҳам мумкин. Баъзиларига эса шунчалик кўникиб кетганмизки, аниқ бир сўз билан ифодалаш керак бўлса, бироз қийналиб турамизда, “...мана шу-да!” деб қўямиз. Бутун сухбат барчамиз билиб-билмайдиган, кўриб-кўрмайдиган ва сезиб-сезмайдиган **катталиклар** ҳақида боради.

Катталикларнинг таърифини келтиришдан олдин уларнинг моҳиятига муқаддима келтирсак.

Ён-верингизга бир назар ташланг, ҳар хил буюмларни, жонли ва жонсиз предметларни кўрасиз. Балки олдингизда дўстларингиз ҳам ўтиришгандир (албатта дарс тайёрлаб!). Гарчи бу санаб ўтилганлар бир-бирларидан тубдан фарқ қилса ҳам ҳозир кўришимиз керак бўлган хоссалар ва хусусиятлар бўйича улардаги муайян умумийликни кўришимиз мумкин. Масалан, ручка, стол ва

дўстингизни олайлик. Булар бир-биридан канчалик ўзгача бўлмасин, лекин ўзларида шундай бир умумийликни касб этганки, бу умумийлик уларнинг учаласида ҳам бир хилда тавсифланади. Агарда гап уларнинг катта-кичиклиги хусусида борадиган бўлса, бирор бир йўналиш бўйича олинган ва аниқ чегарага (оралиққа) эга бўлган маконни ёки масофани тушунамиз. Айнан мана шу хосса учала обьект учун бир хил маънога эга. Ушбу маъно нуқтаи назаридан қарайдиган бўлсақ, улар орасидаги тафовут фақат қийматдагина бўлиб қолади. Ёки оғирлик тушунчасини, яъни мисол тариқасида олинган обьектларнинг Ерга тортилишини ифодалайдиган хусусиятини оладиган бўлсақ ҳам, мазмунан бир хилликни кўрамиз. Бунда ҳам улар орасидаги тафовут уларнинг Ерга тортилиш кучининг катта ёки кичиклигига, яъни қийматдагина бўлади. Биз буни оддийгина қилиб **оғирлик** деб атаб қўямиз. Бу каби хусусиятлар талайгина бўлиб, уларга **катталик** номи берилган.

Катталиклар жуда кўп ва турли-туман, лекин уларнинг барчаси ҳам иккитагина тавсиф билан тушунтирилади. Бу сифат ва миқдор тавсифлари.

Сифат тавсифи олинган катталикнинг моҳиятини, мазмунини ифодалайдиган тавсиф хисобланади. Гап масофа борасида кетганда муайян олинган обьектнинг ўлчамларини, узун-қисқалигини ёки баланд-пастлигини билдирувчи хусусиятни тушунамиз, яъни кўз олдимизга келтирамиз. Буни оддийгина бир тажрибадан билишимиз мумкин. Бир дақиқага бошқа ишларингизни ийиштириб, кўз олдингизга оғирлик ва температура номли катталикларни келтиринг... Хўш, уларнинг сифат тавсифларини сеза олдингизми. Бир нарсага аҳамият беринг-а, оғирлик деганда қандайдир бир мавхум, оғир ёки енгил обьектни, аксарият, тарози тошларини кўз олдига келтирсангиз, температура тўғрисида гап борганда эса, иссиқ-совукликни билдирувчи бир нарсани гавдалантиргансиз. Айнан мана шулар биз сизга тушунтиromoқчи бўлган катталикнинг сифат тавсифи бўлиб хисобланади.

Энди олинган обьектларда бирор бир катталик тўғрисида сўзлайдиган бўлсақ, бу обьектлар ўзида шу катталикни кўп ёки кам “мужассамлаштирганлигини” шоҳиди бўламиз. Бу эса катталикнинг миқдор тавсифи бўлади.

Мана энди катталикнинг таърифини келтиришимиз мумкин:  
**Катталик** - сифат томонидан кўпгина физикавий обьектларга (физикавий тизимларга, уларнинг ҳолатларига ва уларда ўтаётган жараёнларга) нисбатан умумий бўлиб, миқдор томонидан ҳар бир обьект учун хусусий бўлган хоссадир.

Таърифда келтирилган хусусийлик бирор обьектнинг хоссаси иккинчисиникига нисбатан маълум даражада каттароқ ёки кичикроқ бўлишини ифодалайди.

Биз ўрганаётган метрология фани айнан мана шу катталиклар, уларнинг бирликлари, ўлчаш техникасининг ривожланиши билан чамбарчас боғлиқдир. “Катталик” атамасидан хоссанинг фақат миқдорий томонини ифодалаш учун фойдаланиш тўғри эмас (масалан, “масса катталиги”, “босим катталиги” деб ёзиш), чунки шу хоссаларнинг ўзи катталик бўлади. Бунда “катталик ўлчами” деган атамани ишлатиш тўғри хисобланади. Масалан, маълум жисмнинг узунлиги, массаси, электр қаршилиги ва ҳоказолар.

Ҳар бир физикавий обьект бир қанча обьектив хоссалар билан тавсифланиши мумкин. Илм-фан тараққиёти ва ривожланиши билан бу хоссаларни билишга талаб ортиб бормоқда. Ҳозирга келиб замонавий ўлчаш воситалари ёрдамида 70 дан ортиқ катталикни ўлчаш имконияти мавжуд. Бу кўрсаткич 2050 йилларга бориб 200 дан ортиб кетиши башорат қилинмоқда.

Кўпинча катталикнинг ўрнига параметр, сифат кўрсаткичи, тавсиф (характеристика) деган атамаларни ҳам кўлланишига дуч келамиз, Лекин бу атамаларнинг барчаси моҳиятан катталикни ифодалайди.

Муайян гурухлардаги катталикларнинг орасида ўзаро боғлиқлик мавжуд бўлиб, уни физикавий боғланиш тенгламалари орқали ифодалаш мумкин. Масалан, вакт бирлигидаги ўтилган масофа бўйича тезликни аниқлашимиз мумкин. Мана шу боғланишлар асосида катталикларни икки гурухга бўлиб кўрилади: асосий катталиклар ва ҳосилавий катталиклар.

**Асосий катталик** деб кўрилаётган тизимга кирадиган ва шарт бўйича тизимнинг бошқа катталикларига нисбатан мустақил қабул қилиб олинадиган катталикка айтилади. Масалан, масофа (узунлик), вакт, температура, ёруғлик кучи кабилар.

**Хосилавий катталик** деб тизимга кирадиган ва тизимнинг катталиклари орқали ифодаланадиган катталикка айтилади. Масалан, тезлик, тезланиш, электр қаршилиги, кувват ва бошқалар.

## 2.2. Катталикнинг ўлчамлиги

Ҳар бир хосса кўп ёки кам даражада ифодаланиши, яъни миқдор тавсифига эга бўлиши мумкин экан, демак бу хоссани ўлчаш ҳам мумкин. Бу ҳақда буюк италиялик олим Галилео Галилей “Ўлчаш мумкин бўлганини ўлчанг, мумкин бўлмаганига эса имконият яратинг” деган эди.

Катталикларнинг сифат тавсифларини расмий тарзда ифодалашда ўлчамлиқдан фойдаланамиз.

**Катталикнинг ўлчамлиги** деб, шу катталикнинг тизимдаги асосий катталиклар билан боғлиқлигини кўрсатадиган ва пропорционаллик коэффициенти 1 га teng бўлган ифодага айтилади.

Катталикларнинг ўлчамлигини dimension - ўлчам, ўлчамлик маъносини билдирадиган (ингл.) сўзга асосланган ҳолда  $\dim$  символи билан белгиланади.

Одатда, асосий катталикларнинг ўлчамлиги мос ҳолдаги бош ҳарфлар билан белгиланади, масалан,

$$\dim l = L; \quad \dim m = M; \quad \dim t = T.$$

Хосилавий катталикларнинг ўлчамлигини аниқлашда қуидаги қоидаларга амал қилиш лозим:

1. Тенгламанинг ўнг ва чап томонларининг ўлчамлиги мос келмаслиги мумкин эмас, чунки, фақат бир хил хоссаларгина ўзаро солиштирилиши мумкин. Бундан хулоса қилиб айтадиган бўлсақ, фақат бир хил ўлчамликка эга бўлган катталикларнигина алгебраик қўшишимиз мумкин.
2. Ўлчамликларнинг алгебраси кўпаювчандир, яъни фақатгина кўпайтириш амалидан иборатdir.
- 2.1. Бир нечта катталиклар кўпайтмасининг ўлчамлиги уларнинг ўлчамликларининг кўпайтмасига teng, яъни:  $A, B, C, Q$  катталикларининг қийматлари орасидаги боғланиш  $Q = ABC$  кўринишда берилган бўлса, у ҳолда

$$\dim Q = (\dim A)(\dim B)(\dim C).$$

2.2. Бир катталикни бошқасига бўлишдаги бўлинманинг ўлчамлиги уларнинг ўлчамликларининг нисбатига teng, яъни  $Q = A/B$  бўлса, у ҳолда

$$\dim Q = \dim A / \dim B.$$

2.3. Даражага кўтарилган ихтиёрий катталикнинг ўлчамлиги унинг ўлчамлигини шу даражага оширилганлигига tengdir, яъни,  $Q = A^n$  бўлса, у ҳолда,

$$\dim Q = \dim A^n.$$

Масалан, агар тезлик  $v = l/t$  бўлса, у ҳолда

$$\dim v = \dim l / \dim t = L/T = LT^l.$$

Шундай қилиб, ҳосилавий катталикнинг ўлчамлигини ифодалашда қуидаги формуладан фойдаланишимиз мумкин:

$$\dim Q = L^n M^m T^k \dots,$$

бунда,  $L, M, T \dots$  - мос равища асосий катталикларнинг ўлчамлиги;  $n, m, k \dots$  - ўлчамликнинг даражага кўрсаткичи.

Ҳар бир ўлчамликнинг даражага кўрсаткичи мусбат ёки манфий, бутун ёки каср сонга ёхуд нолга teng бўлса, у ҳолда бундай катталикни **ўлчамсиз катталик** дейилади. Бу катталик бир номдаги катталикларнинг нисбати билан аниқланадиган нисбий (масалан, диэлектрик ўтказувчанлик), логарифмик (масалан, электр куввати ва кучланишининг логарифмик нисбати) бўлиши мумкин.

Ўлчамликларнинг назарияси одатда ҳосил қилинган ифода (формула)ларни тездан текшириш учун жуда кўл келади. Баъзан эса бу текширув номаълум бўлган катталикларни топиш имконини беради.

## 2.3. Катталикларнинг бирликлари.

Муайян объектни тавсифловчи катталик шу объект учун хос бўлган миқдор тавсифига эга экан, бу каби объектлар ўзаро биргаликда қўрилаётганда факат мана шу миқдор тавсифларига кўра тафовутланади. Бунинг учун эса солиштирилаётганда объектлараро бирор бир асос бўлиши лозим. Бу асосга солиштириш бирлиги дейилади. Айнан мана шундай тавсифлаш асосларига катталиктарнинг бирлиги деб ном берилган.

Қўрилаётган физиковий объектнинг ихтиёрий бир хоссасининг миқдор тавсифи бўлиб унинг ўлчами хизмат қиласади.

Лекин “узунлик ўлчами”, “масса ўлчами”, “сифат кўрсаткичининг ўлчами” дегандан кўра “узунлиги”, “массаси”, “сифат кўрсаткичи” каби ибораларни ишлатиш ҳам лексик жиҳатдан, ҳам техникавий жиҳатдан ўринли бўлади. Ўлчам билан қиймат тушунчаларини бир-бирига адаштириш керак эмас. Масалан, 100 g,  $10^5$  mg,  $10^{-4}$  t - бир ўлчамни 3 хил кўринишда ифодаланиши бўлиб, одатда “масса ўлчамининг қиймати” демасдан, “массаси (...) kg” деб гапирамиз. Демак катталиктининг қиймати деганда унинг ўлчамини муайян сонли бирликларда ифодаланишини тушунишимиз лозим.

**Катталиктининг ўлчами** - Айрим олинган моддий объект, тизим, ҳодиса ёки жараёнга тегишили бўлган катталиктининг миқдори бўлиб ҳисобланади.

**Катталиктининг қиймати** - қабул қилинган бирликларнинг маълум бир сони билан катталиктининг миқдор тавсифини аниqlаши.

Қийматнинг сонлар билан ифодаланган таркибий қисмини катталиктининг сонли қиймати дейилади. Сонли қиймат катталиктининг ўлчами нолдан қанча бирликка фарқланади, ёки ўлчаш бирлиги сифатида олинган ўлчамдан қанча бирлик катта (кичик) эканлигини билдиради ёки бошқача айтганда Q катталигининг қиймати уни ўлчаш бирлигининг ўлчами [Q] ва сонли қиймати q билан ифодаланади деган маънони англашимиз лозим:

$$Q = q[Q].$$

Энди яна катталиктининг бирлигига қайтамиз. Икки хил металл қувур берилган бўлиб, бирининг диаметри 1 m, иккincinnисиники 0,5 m. Уларнинг икковини диаметр бўйича солиштириш учун, муайян бир асос сифатида олинган бирлик қиймати билан солиштиришимиз лозим бўлади

**Катталиктининг бирлиги деб** - таъриф бўйича соний қиймати 1га тенг қилиб олинган катталик тушунилади

Ушбу атама катталиктининг қийматига кирадиган бирлик учун кўпайтирувчи сифатида ишлатилади. Муайян катталиктининг бирликлари ўзаро ўлчамлари билан фарқланиши мумкин. Масалан, метр, фут ва дюйм узунликтининг бирликлари бўлиб, қуйидаги ҳар хил ўлчамларга эга - 1 фут = 0,3048 m, 1 дюйм = 25,4 mm га тенгдир.

Катталиктининг бирлиги ҳам, катталиктининг ўзига ўхшаш асосий ва ҳосилавий бирликларга бўлинади:

**Катталиктининг асосий бирлиги деб бирликлар тизимидағи иҳтиёрий равишда танланган асосий катталиктининг бирлигига айтилади.**

Бунга мисол қилиб, LMT - катталиклар тизимида метр, килограмм, секунд каби асосий бирликларни олишимиз мумкин.

**Ҳосилавий бирлик** деб, берилган бирликлар тизимининг бирликларидан тузилган, таърифловчи тенглама асосида келтириб чиқарилувчи ҳосилавий катталиктининг бирлигига айтилади.

Ҳосилавий бирликка мисол қилиб 1 m/s - халқаро бирликлар тизимидағи тезлик бирлигини; 1 N = 1 kg·m/s<sup>2</sup> куч бирлигини олишимиз мумкин.

### 2.3.1. Халқаро бирликлар тизими

1960 йили ўлчов ва оғирликларнинг XI Баш конференцияси Халқаро бирликлар тизимини қабул қилган бўлиб, мамлакатимизда буни SI (SI - Système international) халқаро тизими деб юритилади. Кейинги Баш конференцияларда SI тизимида бир қатор ўзгартиришлар киритилган бўлиб, ҳозирги ҳолати ва бирликларга кўшимчалар ва кўпайтиргичлар ҳақидаги маълумотлар 2.1- ва 2.2-жадвалларда келтирилган.

### 2.4. Бирликларни ва ўлчамларни белгилаш ва ёзиш қоидалари

1. Катталикларнинг бирликларини белгилаш ва ёзиш борасида стандартлар асосида меъёрланган тартиб ва қоидалар мавжуд. Бу қоидалар ва тартиблар ГОСТ 8.417-81 да атрофлича ёритилган.

2.1-жадвал

Катталик		Бирлик		
Номи	Ўлчамлиги	Номи	Белгиси	Таърифи
Узунлик	L	метр	m	Метр бу ёруғлик 1/299792458 s вақт оралиғида вакуумда босиб ўтадиган масофа

Масса	$M$	кило-грамм	kg	Килограмм бу масса бирлиги бўлиб халқаро килограмм-прототипининг массасига teng
Вақт	$T$	секунд	s	Секунд бу цезий - 133 атоми асосий ҳолатининг иккى ўта нозик сатҳлари орасидаги бир-бирига ўтишига мувофиқ келадиган нурланишнинг 9 192 631 770 давридир
Электр токи (электр токининг кучи)	$I$	ампер	A	Ампер бу вакуумда бир-биридан 1 m оралиқда жойлашган, чексиз узун, ўта кичик думалоқ кўндаланг кесимли икки параллел тўғри чизиқли ўтказгичлар-дан ток ўтганда ўтказгичнинг ҳар 1 m узунлигига $2 \cdot 10^{-7}$ N га teng ўзаро таъсири кучини ҳосил қила оладиган ўзгармас ток кучи
Термодинамик ҳарорат	$\theta$	кельвин	K	Кельвин бу термодинамик ҳарорат бирлиги бўлиб, у сувнинг учланма нуқтаси термодинамик ҳароратнинг 1/273,16 қисмига teng

Ёруғлик кучи	$J$	кандела	cd	Кандела бу берилган йўналишда 540-10 Hz частотали монохрома-тик нурланишни тарқатувчи ва шу йўналишда энергетик ёруғлик кучи 1/683 W/sr ни ташкил этувчи манбанинг ёруғлик кучидир
--------------	-----	---------	----	--

### Изоҳлар:

1. Кельвин температурасидан (белгиси T) ташқари  $t=T$ -To ifода билан аниқланувчи Цельсий температураси (белгиси t) кўлланилади, бу ерда таърифи бўйича  $T=273,15$  K. Кельвин температураси кельвинлар билан Цельсий температураси - Цельсий градуслари билан ифодаланади (халқаро ва ўзбекча белгиси  $^{\circ}\text{C}$ ). Ўлчови бўйича Цельсий градуси кельвинга teng. Цельсий градуси бу «кельвин» номи ўрнига ишлатиладиган маҳсус ном.

2. Кельвин температуранарининг айрмаси ёки оралиғи кельвинлар билан ифодаланади. Цельсий температуранарининг айрмаси ёки оралиғи кельвинлар билан ҳам, Цельсий градуслари билан ҳам ифодалашга рухсат этилади.

3. Халқаро амалий температура белгисини 1990 йилги халқаро температура шкаласида ифодалаш учун, агар уни термодинамик температурадан фарқлаш лозим бўлса, унда термодинамик температура белгисига «90» индекси қўшиб ёзилади (масалан,  $T_{90}$  ёки  $t_{90}$ )

#### 2.4.1. Халқаро бирликлар тизимининг ҳосилавий бирликлари

SI нинг ҳосилавий бирликлари SI нинг когерент ҳосилавий бирликларини ҳосил килиш қоидаларига мувофиқ келтириб чиқарилади. SI нинг асосий бирликларидан фойдаланиб келтириб чиқарилган SI нинг ҳосилавий бирликларининг намуналари 2-жадвалда келтирилган.

2.2-жадвал – Номлари ва белгилари асосий бирликлар номларидан ва белгиларидан ташкил топган SI нинг ҳосилавий бирликлар намуналари.

Катталиқ		Бирлик	
Номи	Үлчамлиги	Номи	Белгиси
Майдон	$L^2$	метрнинг квадрати	$m^2$
хажм, сигдирувчанлик	$L^3$	метрнинг куби	$m^3$
Тезлик	$LT^{-1}$	секундига метр	$m/s$
Тезланиш	$LT^{-2}$	метр тақсим секунднинг квадрати	$m/s^2$
Зичлик	$L^{-3}M$	килограмм тақсим метрнинг куби	$kg/m^3$
Түлқин сон	$L^{-1}$	метрнинг даражаси минус бир	$m^{-1}$
Солиштирма хажм	$L^3M^{-1}$	метрнинг куби тақсим килограмм	$m^3/kg$
Электр токининг зичлиги	$L^{-2}I$	ампер тақсим метрнинг квадрати	$A/m^2$
Магнит майдоннинг кучланганлиги	$L^{-1}I$	ампер тақсим метр	$A/m$
Компонентнинг моляр концентрацияси	$L^{-3}N$	моль тақсим метрнинг куби	$mol/m^3$
Равшанлик	$L^{-2}J$	кандела тақсим метрнинг квадрати	$cd/m^2$

SI нинг маҳсус номига ва белгиланишига эга бўлган ҳосилавий бирликлари 2.3-жадвалда кўрсатилган.

SI нинг электр ва магнит катталикларининг бирликларини электромагнит майдони тенгламаларини рационаллаштирилган шаклига мувофиқ ҳосил қилиш лозим. Бу тенгламаларга вакуумнинг магнит доимийлиги  $\mu_0$  киради. Уни аниқ қиймати  $4\pi \cdot 10^{-7} \text{ H/m}$  ёки  $12,566\ 370\ 614... \cdot 10^{-7} \text{ H/m}$  (аниқ).

Ўлчовлар ва тарозилар XVII Бош конфернциясининг - ЎТБК (1983 й.) қарорларига мувофиқ узунлик бирлиги - метрни янги таърифи бўйича, текис электромагнит тўлқинларининг вакуумда

тарқалиш тезлигини қиймати  $c_0 = 299792458 \text{ m/s}$  (аниқ) га тенг деб қабул қилинган.

Бу тенгламага шунингдек қиймати  $8,854187817 \cdot 10^{-12} \text{ F/m}$  тенг деб қабул қилинган вакуумнинг электрик доимийлиги  $\epsilon_0$  киради.

Электр бирликлари ўлчамларининг аниклигини Джозефсон эффекти ва Холл квант эффекти асосида ошириш мақсадида Ўлчовлар ва тарозилар халқаро комитети (ЎТХК) томонидан 1990 йил 1 январидан бошлаб Джозефсон константасининг шартли қиймати  $K_{i=90} = 4,83579 \cdot 10^{14} \text{ Hz/V}$  (аниқ) [ЎТХК 1 - тавсияси, 1988 й.] ва Клитцинг константасини шартли қиймати  $R_{k=90} = 25812,807 \Omega$  (аниқ) [ЎТХК, 2- тавсияси, 1988 й] деб киритилди.

Изоҳ - ЎТХК нинг 1 ва 2 тавсиялари электр юритувчи куч бирлиги вольт ва электр қаршилик бирлиги – Ом таърифи Халқаро бирликлар тизимида қайта кўриб чиқилган деган маънени билдирамайди.

2.3-жадвал – SI нинг маҳсус ном ва белгиланишига эга бўлган ҳосилавий бирликлари

Катталиқ		Бирлик		
Номи	Үлчамлиги	Номи	Белгиси	SI нинг асосий ва ҳосилавий бирликлари орқали ифодаланиши
Яssi бурчак	$l$	Радиан	$rad$	$m \cdot m^{-1}=1$
Фазовий бурчак	$l$	стерадиан	$sr$	$m^2 \cdot m^{-2}=1$
Частота	$T^{-1}$	герц	$Hz$	$s^{-1}$
Куч	$LMT^{-2}$	ньютон	$N$	$m \cdot kg \cdot s^{-2}$
Босим	$L^{-1}MT^{-2}$	паскаль	$Pa$	$m^{-1} \cdot kg \cdot s^{-2}$
Энергия, иш, ис- сиқлик миқдори	$L^2MT^{-2}$	джауль	$J$	$m^2 \cdot kg \cdot s^{-2}$
Қувват	$L^2MT^{-3}$	ватт	$W$	$m^2 \cdot kg \cdot s^{-3}$
Электр заряди, электр миқдори	$TI$	кулон	$C$	$s \cdot A$
Электр кучланиш, электр потенциал, электр потенциаллар	$L^2MT^{-3}I^{-1}$	вольт	$V$	$m^2 \cdot kg \cdot s^{-3} \cdot A^{-1}$

айирмаси, электр юритувчи куч				
Электр сифим	$L^{-2}M^{-1}T^4I^2$	фарад	F	$m^{-2}\cdot kg^{-1}s^4A^2$
Электр қаршилик	$L^2M^{-1}T^3I^2$	ом	$\Omega$	$m^2\cdot kg\cdot s^{-3}A^2$
Электр ўтказувчанлик	$L^{-2}M^1T^3I^2$	сименс	S	$m^{-2}\cdot kg^{-1}\cdot s^3A^{-2}$
Магнит индукциясининг оқими, магнит оқими	$L^2MT^2I^1$	вебер	Wb	$m^2\cdot kg\cdot s^{-2}\cdot A^{-1}$
Магнит оқимининг зичлиги, магнит индукцияси	$MT^2I^1$	tesла	T	$kg\cdot s^{-2}\cdot A^{-1}$
Индуктивлик, ўзаро индуктивлик	$L^2MT^2I^2$	генри	H	$m^2\cdot kg\cdot s^{-2}\cdot A^{-2}$
Цельсий температураси	$\theta$	Цельсий градуси	$^0C$	K
Ёруғлик оқими	J	люмен	lm	$cd\cdot sr$
Ёритилганлик	$L^{-2}J$	люкс	Ix	$m^{-2}\cdot cd\cdot sr$
Радиоактив манбадаги нуклидларнинг активлиги (радионуклидинг активлиги)	$T^1$	беккерель	Bq	$s^{-1}$
Ионловчи нурланишнинг ютилган дозаси, керма	$L^2T^{-2}$	грей	Gy	$m^2s^{-2}$
Ионловчи нурланишнинг эквивалент дозаси, ионловчи нурланишнинг эффектив дозаси	$L^2T^{-2}$	зиверт	Sv	$m^2s^{-2}$
Катализатор активлиги	$NT^{-1}$	катал	kat	$mol\cdot s^{-1}$

### Изоҳлар:

1. 2.3-жадвалга ясси бурчак бирлиги - радиан ва фазовий бурчак бирлиги – стерадиан киритилган.

2. Халқаро бирликлар тизимини 1960 йили Ўлчовлар ва тарозилар XI Баш конференциясида қабул қилишда учта бирликлар синфи кирап эди: асосий, ҳосилавий ва қўшимча (радиан ва стерадиан). ЎТБК радиан ва стерадиан бирлигини «қўшимча» деб таснифлади, унинг асосий ёки ҳосилавий эканлиги туғрисидаги масалани очик қолдирди. Бу бирликларнинг иккиланма тушунишни бартараф қилиш мақсадида Ўлчовлар ва тарозилар халқаро комитети 1980 йил (1 - тавсия) қўшимча SI бирликлари синфини ўлчамсиз ҳосилавий бирликлар синфи деб тушунишни қарор қилди, ЎТБК ҳосилавий SI бирликлари учун ифодаларда уларни қўллаш ёки қўлланмаслики очик қолдирди. 1995 йил XX ЎТБК (8-қарор) SI дан қўшимча бирликлар синфини олиб ташлашга, бошқа ҳосилавий SI бирликлари учун ифодаларда қўлланиш ёки қўлланимаслиги мумкин бўлган (заруриятга кўра) радиан ва стерадианни SI нинг ўлчамсиз ҳосилавий бирликлари деб аташга қарор қилди.

#### 2.4.2. Каррали ва улушли бирликларининг номлари ва белгиларини ҳосил қилиш қоидалари

SI нинг ўнли каррали ва улушли бирликларининг номлари ва белгиланиши 2.4-жадвалда келтирилган қўпайтувчи ва олд қўшимчалар ёрдамида ҳосил қилинади.

2.4-жадвал - SI нинг ўнли каррали ва улушли бирликларининг номлари ва белгиланишини ҳосил қилиш учун фойдаланиладиган қўпайтувчи ва олд қўшимчалар.

Ўнли қўпайтувчи	Олд қўшимча	Олд қўшимча белгиси	Ўнли қўпайтувчи	Олд қўшимча	Олд қўшимча белгиси
$10^{24}$	иота	Y	$10^{-1}$	деци	d
$10^{21}$	зетта	Z	$10^{-2}$	санти	c
$10^{18}$	экса	E	$10^{-3}$	милли	m
$10^{15}$	пета	P	$10^{-6}$	микро	$\mu$
$10^{12}$	тера	T	$10^{-9}$	нано	n
$10^9$	гига	G	$10^{-12}$	пико	p

$10^6$	мега	M	$10^{-15}$	фемто	f
$10^3$	кило	k	$10^{-18}$	атто	a
$10^2$	гекто	h	$10^{-21}$	зепто	z
$10^1$	дека	da	$10^{-24}$	иокто	y

Бирликнинг номига ёки белгисига икки ёки ундан қўпроқ олд қўшимчаларни кетма-кет қўшишга йўл қўйилмайди. Масалан, бирлик номи микромикрофарад ўрнига пикофарад ёзилиши керак.

Изоҳлар:

1. Асосий бирликнинг номи - килограмм "кило" олд қўшимчасига эга бўлганлиги сабабли массанинг улушкини бирликларини ҳосил қилиш учун массанинг улушкини бирлиги – грамм ( $0,001 \text{ kg}$ ) ишлатилади ва олд қўшимчалар "грамм" сўзига қўшилиб ёзилиши лозим, масалан, микрокилограмм ( $\mu\text{kg}$ ) ўрнига миллиграмм (mg).

2. Массанинг улушкини бирлиги - граммни олд қўшимчасиз ишлатиш руҳсат этилади (бирликнинг белгиси - g).

Олд қўшимча ёки унинг белгиси бирликнинг номига, ёки мос холда, белгисига қўшиб ёзилиши лозим.

Агар бирлик бирликлар кўпайтмаси ёки нисбати кўринишида тузилган бўлса, у ҳолда олд қўшимчани ёки унинг белгисини кўпайтма ёки нисбатга кирувчи биринчи бирлик номига ёки белгисига қўшиб ёзиш лозим.

**Tўғри:**

килопаскаль-секунда

тақсим метр

( $\text{kPa}\cdot\text{s}/\text{m}$ ).

**Нотўғри:**

паскаль-килосекунда

тақсим метр

( $\text{Pa}\cdot\text{ks}/\text{m}$ ).

Асосланган ҳолларда, бундай бирликлар кенг тарқалган ҳолларда банднинг биринчи қисмига мувофиқ тузилган бирликларга ўтиш қийин бўлса, олд қўшимчани кўпайтманинг иккинчи кўпайтувчисига ёки нисбатнинг махражида ишлатилишига руҳсат этилади, яъни масалан: тонна-километр ( $\text{t}\cdot\text{km}$ ), волть тақсим сантиметр ( $\text{V}/\text{cm}$ ), ампер тақсим миллиметр квадрат ( $\text{A}/\text{mm}^2$ ).

Даражага кўтарилиган бирликнинг каррали ва улушкини бирликлар номи олд қўшимчани асосий бирлик номига қўшиб ёзиш билан ҳосил қилинади. Масалан, юза бирлигининг каррали ёки

улушкини бирлигини ҳосил қилиш учун олд қўшимчани асосий бирлик - метрга қўшиш керак: километрнинг квадрати, сантиметрнинг квадрати ва х.к.

Даражага кўтарилиган бирлик олинган каррали ва улушкини бирликларининг белгиларини шу даражага кўрсаткичини мазкур бирликдан олинган карра ёки улуш белгисига қўшиб тузиш лозим, шунда кўрсатгич каррали (ёки улушки) бирликнинг (олд қўшимча билан бирга) даражага кўтарилилганлигини ифодалайди.

**Мисоллар**

$$1. 5 \text{ km}^2 = 5(10^3 \text{ m})^2 = 5 \cdot 10^6 \text{ m}^2$$

$$2. 250 \text{ cm}^3/\text{s} = 250(10^{-2} \text{ m})^3/\text{s} = 250 \cdot 10^{-6} \text{ m}^3/\text{s}$$

$$3. 0,002 \text{ cm}^{-1} = 0,002(10^{-2} \text{ m})^{-1} = 0,002 \cdot 100 \text{ m}^{-1} = 0,2 \text{ m}^{-1}$$

Катталиклар кийматини ёзиш учун бирликларни харфлар билан ёки махсус белгилар (...°, ...', ...) билан белгилаш лозим.

Бирликларнинг харфли белгилари тўғри шрифт билан босилиши керак. Бирликлар белгиларида нуқта кисқартириш белгиси сифатида қўйилмайди.

Бирликларнинг белгилари катталикларнинг рақамли кийматларидан кейин шу сатрда (бошқа сатрга ўтказмасдан) жойлаштирилиши лозим. Агар бирлик белгиси олдидағи сонли қиймат эгри чизиқли каср кўринишида бўлса, у қавсга олиниши керак.

Соннинг охирги рақами ва бирликнинг белгиси орасида бир харфли очиқ жой қолдириш лозим.

**Tўғри:**

$100 \text{ kW}$

$80 \%$

$20^\circ \text{C}$

$(1/60) \text{ s}^{-1}$

**Нотўғри:**

$100 \text{ kW}$

$80\%$

$20^\circ \text{C}$

$l/60 \text{ s}^{-1}$

Истесно ҳолларида сатр устига кўтарилиб қўйиладиган махсус белги ва сон ўртасида очиқ жой қолдирилмайди.

**Tўғри:**

$20^\circ$

**Нотўғри:**

$20^\circ$

Катталиктарни сонли қийматида ўнли каср борлигига бирликнинг белгисини ҳамма рақамлардан кейин жойлаштириш лозим.

**Тұғри:**

423,06 m

5,758° ёки 5°45,48' ёки  
5°45'28,8".

**Нотұғри:**

423 m 0,6

5°758 ёки 5°45',48 ёки  
5°45'28",8.

Катталиклар қийматлари чегаравий оғишилари билан күрсатилганды сонли қийматлари чегаравий олишлари билан қавс ичига олиниши лозим ва бирликнинг белгиси кавсдан кейин қўйилиши лозим. Ёки бирликлар белгиси катталиктининг сонли қийматидан кейин ва унинг чегаравий оғишидан кейин қўйилиши лозим.

**Тұғри:**

(100,0 ± 0,1) kg

50 g ± 1 g.

**Нотұғри:**

100,0 ± 0,1 kg

50 ± 1 g.

Бирликлар белгисини жадвалнинг устун сарлавҳаларидан ва сатр номларида (ёнбошларидан) қўлланилишига йул қўйилади.

1-мисол

Номинал сарф, $m^3/h$	Кўрсатувлар-нинг юқори чегараси, $m^3$	Роликнинг охирги ўнг томонидаги бўлинмасининг қиймати, $m^3$ . кўни билан
40 ва 60	100 000	0,002
100, 160, 250, 400, 600 ва 1 000	1 000 000	0,02
2500, 4 000, 6000 ва 10 000	10 000 000	0,2

2 - мисол

Кўрсаткич номи	Тортини қувватидаги қиймати, kW		
	18	25	37
Ташқи ўлчамлари, тт: узунлик	3080	3500	4090
Эни	1430	1 685	2395
Баландлиги	2 190	2745	2770
Колия, тт	1090	1 340	1 823
Оралиқ, тт	275	640	345

Бирликлар белгиларини формуладаги катталикларнинг белгиларига берилган изохларда қўллаш рухсат этилади. Бирликлар

белгиларини катталиклар ўртасидаги ёки уларнинг сон қийматлари ўртасидаги боғланишни ифодаловчи ҳарфлар шаклида келтирилган формулалар билан бир сатрда жойлаштиришга йўл қўйилмайди.

**Тұғри:**

$v = 3,6 \text{ s/t}$

бу ерда  $v$  — тезлик,  $\text{km/h}$ ;

$s$  - масофа,  $\text{m}$ ;

$t$  - вақт,  $\text{s}$ .

**Нотұғри:**

$v = 3,6 \text{ s/t km/h}$ ,

бу ерда

$s$  - масофа,  $\text{m}$ ,

$t$  - вақт,  $\text{s}$ .

Кўпайтмага киравчи бирликларнинг ҳарфли белгиларини кўпайтма белгилариdek ўрта чизигига қўйилган нукталар билан ажратиш лозим. Бу мақсаддат «х» белгисидан фойдаланиш мумкин эмас.

**Тұғри:**

$N\cdot m$

$A \cdot m^2$

$Pa \cdot s$

**Нотұғри:**

$Nm$

$Am^2$

$Pas$

Кўпайтмага киравчи бирликларнинг ҳарфли белгиларини, агар бу англашмовчиликка олиб келмаса очик жой колдириб ажратишга йўл қўйилади.

Бирликлар нисбатининг ҳарфли белгиларида бўлиш белгиси сифатида фақат битта қия ёки горизонтал чизик ишлатилиши лозим. Бирликлар белгисининг кўпайтмаси сифатида даражага (мусбат ва манфий) қўтарилиган бирликлар белгисини қўлланилиши мумкин.

Нисбатга киравчи бирликнинг биронтасига манфий даражага кўринишида белги киритилган бўлса (масалан  $\text{s}^{-1}$ ,  $\text{m}^{-1}$ ,  $\text{K}^{-1}$ ,  $\text{c}^{-1}$ ) унда қия ёки горизонтал чизикни қўллашга йўл қўйилмайди.

**Тұғри:**

$W \cdot m^{-2} \cdot K^{-1}$

$\frac{W}{m^2 \cdot K}$

**Нотұғри:**

$W/m^2/K$

$\frac{W}{m^2}$

$K$

Қия чизик қўлланилганда суратдаги ва маҳраждаги бирликлар белгиларини бир сатрда жойлаштириш лозим,

махраждаги бирликлар белгиларининг кўпайтмасини қавс ичига олиш лозим.

*Tўғри:*  
*m/s*  
*W/(m·K).*

*Нотўғри:*  
*m/*  
*s*  
*W/m·K.*

Икки ва ундан ортиқ бирликлардан ташкил топган ҳосилавий бирлик кўрсатилганда бирликларнинг белгисини ва номларини комбинациялаш ёки бир бирликларнинг белгисини, бошқаларнинг номларини келтиришга йўл қўйилмайди.

*Tўғри:*  
*80 km/h*  
*80 километр соатига .*

*Нотўғри:*  
*80 km/coat*  
*80 km соатига.*

Махсус белгилар бирикмаларини ...°, ...', ...", % ва %<sub>оо</sub> бирликларни харфли белгилари билан биргаликда ишлатишга йўл қўйилади, масалан, ...°/s.

### Илова

(маълумот берадиган)

### Ахборот миқдори бирликлари

А. 1 - жадвал

	Бирлик			Изоҳ
	Номи	Белгиси	Киймати	
Ахборот миқдори	Бит <sup>1)</sup> байт <sup>2)3)</sup>	bit B (byte)	1 1 B = 8 bit	Иккили саноқ тизимидағи ахборот бирлиги (Иккили ахборот бирлиги)

<sup>1)</sup> «Ахборот миқдори» атамаси ахборотни рақамли қайта ишлаш ва узатиш қурилмаларида, масалан рақамли хисоблаш техникасида (компьютерларда) эслаб қолувчи қурилмалар ҳажмини, компьютер дастурида фойдаланиладиган хотира миқдорини ёзишда қўлланилади.

<sup>2)</sup> МЭК 600272 ҳалқаро стандартига мувофиқ "бит" ва

"байт" бирликлари SI олд қўшимчалари билан қўлланилади.

<sup>3)</sup> Тарихан шундай вазият мавжудки, бунда "байт" номи билан SI олд қўшимчаси бир мунча нотўғри фойдаланилган ( $1000 = 10^3$  ўрнига  $1024 = 2^{10}$  қабул қилинган): 1 Kbyte = 1024 byte, 1 Mbyte = 1024 Kbyte, 1 Gbyte = 1024 Mbyte ва х.к. Бунда  $10^3$  кўпайтувчисини белгилашда фойдаланиладиган кичик «к» ҳарфидан (фарқли Kbyte белгиси катта «К» ҳарфи билан ёзилади.

### В. Илова

#### Ҳалқаро бирликлар тизимининг көгерент ҳосилавий бирликларини тузиш қоидалари

Ҳалқаро бирликлар тизимининг көгерент ҳосилавий бирликлари (кейинчалик ҳосилавий бирликлар) одатда катталикларни боғлайдиган сонли коэффициенти 1 га тенг бўлган оддий тенгламалар (аниқлайдиган тенгламалар) орқали тузилади. Ҳосилавий бирликларни ҳосил қилиш катталикларни боғлайдиган тенгламаларда катталиклар белгиларини SI бирликларининг белгилари билан алмаштириш орқали амалга оширилади.

Мисол - Тезлик бирлиги тўғри чизиқли ва бир текис ҳаракатланувчи

$$v = \frac{s}{t},$$

бу ерда v - тезлик;

s - ўтилган йўлнинг узунлиги;

t - моддий нуқтанинг ҳаракатдаги вақти.

S ва t ўрнига уларнинг SI бирликлари қўйилса, қўйидағи тенглама чиқади:

$$[v] = [s]/[t] = 1 \text{ m/s}$$

Бинобарин, SI тизимида тезлик бирлиги секундига метр. У, 1 s вақтда нуқта 1 m масофага силжийдиган тўғри чизиқли ва бир текис ҳаракатланувчи моддий нуқтанинг тезлигига генг.

Агар боғланиш тенгламаси 1 дан фарқ қилувчи сон коэффициентга эга бўлса, унда SI көгерент ҳосила бирлигини ҳосил қилиш учун, SI бирликларининг шундай сон қийматлари танлаб

олинадики, уни ўнг қисмидаги коэффициентга кўпайтирилиши натижасида умумий сон қиймати бирга тенг бўлиши керак.

*Мисол - Агар энергия бирлигини ҳосил қилиши учун*

$$E = \frac{1}{2}mv^2$$

*тенглама ишлатилса,*

*бу ерда  $E$  - кинетик энергия;*

*$m$  - моддий нуқта массаси;*

*$v$  - моддий нуқтанинг ҳаракатланиши тезлиги,*

*у холда SI тизимидағи когерент энергиясининг бирлигини ҳосил қилиши учун қуйидаги тенгламадан фойдаланилади.*

$$\begin{aligned}[E] &= \left(\frac{1}{2}\right) \cdot (2[m] \cdot [v]^2) = \left(\frac{1}{2}\right) \cdot (2\text{kg})(1\text{m/s})^2 = \\ &= 1\text{kg} \cdot \text{m/s}^2 \cdot \text{m} = 1\text{N} \cdot \text{m} = 1\text{J} \end{aligned}$$

*ёки*

$$\begin{aligned}[E] &= \frac{1}{2}[m](\sqrt{2}[v])^2 = \frac{1}{2}(1\text{kg})(\sqrt{2}\text{m/s})^2 = \\ &= 1\text{kg} \cdot \text{m/s}^2 \cdot \text{m} = 1\text{N} \cdot \text{m} = 1\text{J} \end{aligned}$$

Шундай қилиб, SI тизимида энергия бирлиги жоуль бўлади (ньютон метрга тенг). Кўрсатилган мисолларда у массаси 2 kg ва ҳаракат тезлиги - 1 m/s ёки массаси 1 kg ва ҳаракат тезлиги -  $\sqrt{2}$  m/s ҳаракатланувчи жисмнинг кинетик энергиясига тенг.

### Такрорлаш учун саволлар.

1. Айнан атрофингизда мавжуд турган катталикларни санаб беринг ва уларни гурӯхланг.
2. Катталиктинг сифат ва миқдор тавсифлари нима асосида изоҳланади?
3. СИ бирликлар тизими ҳақида сўзлаб беринг.
4. Ўлчаш бирликларига кўшимчалар деганда нимани тушунасиз?
5. Ўлчаш бирликларини ёзишда нималарга эътибор бериш лозим?

## III-боб. Метрологик хизмат ва метрологик таъминот

### Режа.

3.1. Ишлаб чиқариш ва унинг тармоқларида метрологик хизмат ва метрологик таъминот.

3.2. Метрология бўйича халқаро ташкилотлар.

3.3. Метрология бўйича асосий атамалар.

**Таянч сўзлар:** Метрологик хизмат, метрологик таъминот, ИСО (ISO), МЭК, МОЗМ, ўлчашлар бирлилиги, этalon, стандарт намуна, метрологик назорат, калибрлаш, лицензия.

### 3.1. Ишлаб чиқариш ва унинг тармоқларида метрологик хизмат ва метрологик таъминот

Ўлчаш информациисига нафақат миқдор бўйича талаблар, балки сифат бўйича ҳам талаблар қўйилади. Бунга унинг (ўлчашнинг) аниқлиги, ишончлилиги, тан нархи ва самарадорлиги каби тавсифлар киради.

Бу сифат тавсифларининг барчасининг асосида метрологик таъминот ётади. Метрологик таъминотни шундай таърифлаш мумкин:

- ўлчашлар бирлилигини таъминлаш ва талаб этилган аниқликка эришиш учун зарур бўлган техникавий воситалар, тартиб ва қоидаларнинг, меъёрларнинг, илмий ва ташкилий асосларнинг белгиланиши ва тадбиқ этилиши.

*Ушибу тавсифдан келиб чиқиб айтиши мумкинки, метрологик таъминотнинг вазифасига қўйидагилар юклатилган:*

- ўлчаш воситаларининг ишга яроқлилигини ташкил этиш, таъминлаш ва тадбиқ этиш;
- ўлчашларни амалга ошириш, унинг натижаларини қайта ишлаш ва тавсия этиш борасидаги меъёрий хужжатларни ишлаб чиқиш ва тадбиқ этиш;
- хужжатларни экспертизадан ўтказиш;
- ўлчаш воситаларининг давлат синовлари;
- ўлчаш воситаларининг ва услубларининг метрологик аттестацияси ва хоказолар.

## **Метрологик таъминотнинг тўртта ташкил этувчиси мавжуддир:**

1. Илмий асоси: метрология - ўлчашлар ҳақидаги фандир;
2. Техникавий асослари - катталиклар бирлигининг давлат эталонлари, катталиклар бирлигини эталонлардан ишчи воситаларга узатиш, ўлчаш воситаларини яратиш ва ишлаб чиқиши йўлга қўйиш, ўлчаш воситаларининг мажбурий давлат синовлари ва уларни бажариш услубларининг метрологик аттестацияси, ўлчаш воситаларини ишлаб чиқишида, таъмиглашда ва ишлатишида мажбурий давлат қиёсласидан ўtkазиш, модда ва материалларнинг таркиби ва хоссалари бўйича стандарт намуналарни яратиш, стандарт маълумотномалар, маҳсулотнинг мажбурий давлат синовлари.
3. Ташкилий асоси - давлат ва маҳкамалардаги метрологик хизматдан ташкил топган Ўзбекистон Республикаси метрология хизмати;
4. Меърий-конуний асослари - тегишли республика қонунлари, давлат стандартлари, давлат ва тармоқларнинг меърий ҳужжатлари.

### **Метрологик таъминотнинг ўз олдига қўйган асосий мақсадлари:**

- маҳсулот сифатини, ишлаб чиқариш ва уни автоматлаштиришнинг самарадорлигини ошириш;
- деталлар ва агрегатларнинг ўзаро алмашувчанигини таъминлаш;
- моддий бойликларнинг ва энергетик ресурсларининг ҳисобини олиб бориш ишончлиигини таъминлаш;
- атроф-муҳитни ҳимоя қилиш;
- саломатликни саклаш ва ҳоказолар.

Метрологик таъминот даражаси маҳсулотнинг сифатига бевосита таъсир қиласи. Бу таъсир самарадорлигини янада ошириш мақсадида метрологик профилактика ишларига ва ишлаб чиқариши тайёрлашдаги метрологик таъминот масалаларига алоҳида аҳамият берилади. Бу эса ўз вақтида республикамизда бозор муносабатларини янада чуқурроқ шаклланишига ва ишлаб чиқарилган маҳсулотларнинг экспорт имкониятини оширилишига муносиб замин яратади.

## **3.2. Метрология бўйича халқаро ташкилотлар**

Турли халқаро ташкилотлар стандартлаштириш, метрология, сертификатлаштириш соҳаларида меърий ҳужжатларни ишлаб чиқиш, дунё мамлакатларини шу соҳалардаги илғор ютуқларини умумлаштириш ва бу соҳалар бўйича ҳар хил ёрдам кўрсатиш билан Халқаро стандартлаштириш ташкилоти, Халқаро электротехника комиссияси, метрология соҳасида қонунлаштирувчи Халқаро ташкилот, сифат бўйича Европа ташкилоти, синов лабораторияларини аккредитлаш бўйича Халқаро конференция, Ғарбий Европа минтақавий ва иқтисодий ташкилотлари, стандартлаштириш ва метрология бўйича Араб ташкилоти ва бошқалар фаол ишлаб турибди.

Ана шу ташкилотлар ва уларнинг олиб бораётган ишлари, фаолият доиралари хусусида кисқача маълумот бериб ўтиш мақсадга мувофиқдир.

### **Халқаро электротехника комиссияси (МЭК)**

Электротехника соҳасидаги халқаро ҳамкорлик бўйича ишлар 1881 йилдан бошланган, чунки бу йили электротехника бўйича биринчи Халқаро конгресс бўлиб ўтган эди. Кейинроқ 1906 йили Лондонда 13 мамлакат вакилларининг конференциясида маҳсус идора - халқаро электротехника комиссияси тузиш тўғрисида бир фикрга келинди. Бу идора электр машиналари соҳаси бўйича атамалар ва параметрларни стандартлаштириш масалалари билан шуғулана бошлади.

МЭК низомига кўра, бу ташкилотнинг мақсади электротехника ва радиотехника ва уларга қўşни тармоқлардаги муаммоларни стандартлаштириш масалаларини ҳал қилишdir.

ИСО ва МЭК фаолиятлари бўйича фарқланади, МЭК электротехника, электроника, радиоалоқа, асбобсозлик соҳалари бўйича шуғулланса, ИСО эса қолган бошқа ҳамма соҳалар бўйича стандартлаштириш билан шуғулланади.

Хозирги вақтда 41 та миллий қўмиталар МЭКнинг аъзолари ҳисобланади. Бу мамлакатларда Ер куррасининг 80% аҳолиси яшаб, 95% дунёдаги ишлаб чиқарилаётган электр қувватининг истеъмолчиси ҳисобланади. Бу асосан саноати ривожланган ҳамда

ривожланаётган мамлакатлардир. МЭК инглиз, француз ва рус тилларида иш олиб боради.

МЭКнинг Олий раҳбар идораси МЭК кенгашидир, у ерда мамлакатларнинг ҳамма миллий қўмиталари тақдим этилган. Унда энг юқори лавозим президент бўлиб, у ҳар 3 йил муддатига сайланади. Бундан ташкари вице-президент, ғазиначи, бош котиб лавозимлари ҳам бор. МЭК ҳар йили бир марта ўз кенгашига ийғилади ва ўз фаолияти доирасидаги масалаларни ҳал қиласди.

1972 йилга қадар МЭК ва ИСО лар томонидан яратилаётган хужжатлар тавсия сифатида фаолият кўрсатар эди. 1972 йили эса МЭК, ИСО ларнинг тавсиялари халқаро стандартларга айлантирилиши ҳақида қарор қабул қилинди.

### **Метрология соҳасида қонунлаштирувчи Халқаро ташкилот (МОЗМ)**

Халқаро миқёсда метрология соҳасида қонунлаштирувчи халқаро ташкилот ҳам мавжуддир. Уни қискартирилган ҳолда МОЗМ (Международная организация законодательной метрологии) деб аталади. Бу ташкилотнинг асосий мақсади - давлат метрологик хизматларни ва бошқа миллий муассасаларнинг фаолиятларини халқаро миқёсда мувофиқлаштиришdir.

МОЗМ фаолиятининг асосий йўналишлари қўйидагилардан иборат:

- МОЗМга аъзо бўлган мамлакатлар учун ўлчаш воситаларининг услугбий меъёрий метрологик тавсифларининг бирлигини белгилаш;
- қиёслаш ускуналарини, солиштириш усуllibарини, эталонларни текшириш ва аттестатлашини, намунавий ва ишчи ўлчаш асбобларини уйғунаштириш;
- халқаро кўламда бирхиллаштирилган ўлчаш бирликларини мамлакатларда кўлланишини таъминлаш;
- метрологик хизматларнинг энг қулай шаклларини ишлаб чиқиш ва уларни жорий этиш бўйича давлат кўрсатмаларининг бирлигини таъминлаш;
- ривожланаётган мамлакатларда метрологик ишларни таъмин этиш ва уларни зарур техник воситалари билан таъминлашда илмий-техникавий ёрдамлашиб;

- метрология соҳасида турли даражаларда кадрлар тайёрлашнинг ягона қонун-қоидаларини белгилаш.

МОЗМ нинг Олий раҳбар идораси метрологиядан қонун чиқарувчи Халқаро конференцияси ҳисобланиб, у ҳар тўрт йилда бир марта чақирилади. Конференция ташкилотнинг мақсад ва вазифаларини белгилайди, ишчи идораларининг маърузаларини тасдиқлайди, бюджет масалаларини муҳокама қиласди. МОЗМ нинг расмий тили - француз тилидир.

### **Сифат бўйича Европа ташкилоти (ЕОКК)**

Сифатни назорат қилиш Европа ташкилоти ЕОКК (Европейская организация по контролю качества) бўлиб, унинг биринчи конференцияси 1957 йилда чақирилган ва шу йилнинг ўзида уни низоми ҳам тасдиқланди.

### **Синов лабораторияларининг аккредитлаш бўйича Халқаро конференцияси (ИЛАК)**

ИСО ва МЭК ишлаб чиқсан халқаро қоидаларга асосан лабораторияларни аккредитлашдан мақсад синов лабораторияларни аниқ синовлар ёки аниқ тур синовлари (ИСО/МЭК Руководство 2.86) ўtkазишга хукуқ беришдан иборат.

### **3.3. Метрология бўйича асосий атамалар<sup>1</sup>**

Метрологияда бот-бот ишлатиладиган айrim тушунчалар қўйидагилардан иборат:

**Метрология** – ўлчашлар, уларнинг бирлигини таъминлаш усуllibари ва воситалари ҳамда керакли аниқликка эришиш йўллари ҳақидаги фан.

**Назарий метрология** – метрологиянинг фундаментал асосларини ишлаб чиқиш предмети бўлган соҳасидаги метрология бўлими.

<sup>1</sup> Хакимов О.Ш. Метрология. Атамалар ва таърифлар кўлланмасидан олинган.

**Қонунлаштирувчи метрология** – метрология бўйича миллий идора фаолиятига қарашли ва бирликлар, ўлчаш усуллари, ўлчаш воситалари ва ўлчаш лабораторияларига давлат талабарини ўз ичига олган метрология қисми.

**Амалий метрология** – назарий метрология ишланмаларини ва қонунлаштирувчи метрология қоидаларини амалий қўлланиш масалалари билан шуғулланувчи метрология бўлими.

**Катталик** – сифат жиҳатидан ажратилиши ва миқдор жиҳатидан аниқланиши мумкин бўлган ҳодисалар, моддий тизим, модданинг хоссасидир.

**Ўлчанадиган катталик** – ўлчаш вазифасининг асосий мақсадига мувофиқ ўлчаниши лозим бўлган, ўлчанадиган ёки ўлчанган катталик.

**Катталик ўлчами** – муайян миқдорий объект, тизим, ҳодиса ёки жараёнга тегишли бўлган катталикнинг миқдорий аниқланганлиги.

**Катталикнинг қиймати** – катталик учун қабул қилинган бирликларнинг маълум бир сони билан катталикнинг ўлчамини ифодалаш.

**Катталикнинг сонли қиймати** – катталикнинг қийматига киравчи номсиз сон.

**Параметр** – берилган катталикни ўлчашда ёрдамчи сифатида қараладиган катталик.

**Ўлчаш воситаси** – метрологик тавсифлари меъёрланган (МТМ), ўлчами (белгиланган хатолик чегараси) маълум вақт оралиғида ўзгармас деб қабул қилинадиган, катталикнинг ўлчов бирлигини қайта тиклайдиган ва (ёки) сақлайдиган, ўлчашлар учун мўлжалланган техник восита.

**Катталик ўлчови** – ўлчов қийматлари белгиланган бирликларда ифодаланган ва зарур аниқликда маълум бўлган бир ёки бир нечта берилган ўлчамларнинг катталигини қайта тиклаш ва (ёки) саклаш учун мўлжалланган ўлчаш воситаси.

**Эталон (ўлчашлар шкаласи ёки бирлиги эталони)** – катталикнинг ўлчамини қиёслаш схемаси бўйича қўйи воситаларга узатиш мақсадида шкалани ёки катталик бирлигини қайта тиклаш ва (ёки) саклаш учун мўлжалланган ва белгиланган тартибда эталон сифатида тасдиқланган ўлчашлар воситаси ёки ўлчаш воситаларининг мажмуи.

**Бирламчи эталон** – бирликни мамлакатда (шу бирликни бошқа эталонларига нисбатан) энг юқори аниқлик билан қайта тикланишини таъминлайдиган эталон.

**Махсус эталон** – бирликнинг алоҳида шароитларда қайта тикланишини таъминлайдиган ва бу шароитлар учун бирламчи эталон бўлиб хизмат қиласидиган эталон.

**Давлат эталони** – давлат ҳудудида ушбу катталикнинг бошқа барча эталонлари билан қайта тикланадиган, бирликларнинг ўлчамларини аниқлаш учун асос сифатида хизмат қилиши ваколатли давлат идорасининг қарори билан тан олинган эталон.

**Иккиласми эталон** – бирликнинг ўлчамини мазкур бирликнинг бирламчи эталонидан оладиган эталон.

**Нусха-эталон** – бирликнинг ўлчамини ишчи эталонларга узатиш учун мўлжалланган иккиласми эталон.

**Ишчи эталон** – бирликнинг ўлчамини ишчи ўлчаш воситаларига узатиш учун мўлжалланган эталон.

**Халқаро эталон** – миллий эталонлар билан қайта тикланадиган ва сақланадиган бирликлар ўлчамларини мувофиқлаштириш учун халқаро келишув бўйича халқаро асос сифатида қабул қилинган эталон.

**Миллий эталон** – мамлакат учун бошланғич эталон сифатида хизмат қилиши расмий қарор билан тан олинган эталон.

**Ўлчашлар бирлилиги** – ўлчаш натижалари расмийлаштирилган катталиклар бирликларида ифодаланган ва ўлчашлар хатолиги берилган эҳтимоллик билан белгиланган чегараларда жойлашган ўлчашлар ҳолати.

**Ўлчашлар бирлилигини таъминлаш** – ЎБТ Қонунлар, шунингдек ўлчашларнинг бирлилигини таъминлашга қаратилган давлат стандартлари ва бошқа меъёрий ҳужжатларга мувофиқ ўлчашлар бирлилигига эришиш ва саклашга қаратилган метрологик хизматлар фаолияти.

**Метрологик хизмат** – МХ ўлчашлар бирлилигини таъминлаш ишларини бажариш ва метрологик текширув ва назоратни амалга ошириш учун қонунга мувофиқ ташкил этиладиган хизмат.

**Давлат метрологик хизмати** – Мамлакатда ўлчашлар бирлилигини таъминлаш бўйича ишларни минтақалароро ва

соҳаларо даражада бажарувчи ва давлат метрологик текшируви ва назоратини амалга оширувчи метрологик хизмат.

**Давлат бошқарув идорасининг метрологик хизмати** – мазкур вазирлик (маҳкама) доирасида ўлчашлар бирлигини таъминлаш ишларини бажарувчи ва метрологик назорат ҳамда текширувни амалга оширувчи метрологик хизмат.

**Юридик шахс метрологик хизмати** – мазкур муассаса (ташкилот) да ўлчашлар бирлигини таъминлаш ишларини бажарувчи ва метрологик текширув ҳамда назоратини амалга оширувчи метрологик хизмат.

**Метрология бўйича миллий идора** – давлатда ўлчашлар бирлигини таъминлаш ишларига раҳбарликни бажаришга ваколатли давлат бошқарув идораси.

**Метрологик текширув** – ўлчаш жараёни элементларини меъёрий ҳужжатлар талабларига мувофиқлигини аниқлаш ва тасдиқлашни ўз ичига олган ваколатли идоралар ва шахслар фаолияти.

**Метрологик назорат** – ўлчаш жараёни элементларининг ҳолати, ишлатилиши ва ўрнатилган тартибда метрологик қоидалар амалга оширилганлигини баҳолаш учун ваколатли идоралар ва шахслар фаолияти.

**Ўлчаш воситаларини текширувдан ўтказиш** – ўлчаш воситаларининг белгилаб қўйилган техникавий талабларга мувофиқлигини аниқлаш ва тасдиқлаш мақсадида давлат метрология хизмати идоралари (ваколат берилган бошқа идоралар, ташкилотлар) томонидан бажариладиган амаллар мажмуи.

**Ўлчаш воситаларини калибрлаш** – метрологик жиҳатларнинг ҳақиқий қийматларини ва ўлчаш бирликларининг қўллашга яроқлигини аниқлаш ҳамда тасдиқлаш мақсадида калибрлаш лабораторияси бажарадиган амаллар мажмуи.

**Ўлчаш воситаларини ишлаб чиқиш, яратиш** (таъмиrlаш, сотиш, ижарага бериш) учун **лицензия** - давлат метрология хизмати томонидан юридик ва жисмоний шахсларга бериладиган, мазкур фаолият турлари билан шуғулланиш хукукини гувоҳлантирувчи ҳужжат.

## Такрорлаш учун саволлар.

1. Метрологик хизмат билан метрологик таъминотнинг қандай ўзаро фарқли томонлари мавжуд?
2. Метрологик таъминотнинг ташкил этувчи асосларини сўзлаб беринг.
3. Нима учун метрологик таъминотнинг илмий асоси метрологиядан иборат дейилади?
4. “Метрология, стандартлаштириш ва сертификатлаштириш” фаолияти бўйича қандай халқаро нуфуздаги ташкилотларни биласиз?
5. Ўлчашлар бирлиги деганда нимани тушунасиз?
6. Эталон деб нимага айтилади ва унинг қандай турлари мавжуд?
7. Метрологик назорат деб нимага айтилади?
8. Лицензия нима?
9. Ўлчаш воситаларини калибрлаш деганда нимани тушунасиз?

#### **IV-боб. Ўлчашлар, унинг усуллари.**

##### **Режа.**

- 4.1. Ўлчашлар тўғрисида асосий таърифлар, тушунчалар.
- 4.2. Ўлчаш турлари.
- 4.3. Ўлчаш усуллари (бевосита баҳолаш усули, таққослаш усули). Статик ва динамик ўлчашлар.
- 4.4. Дискрет ўлчаш усули.

**Таянч сўзлар:** ўлчаш обьекти, ўлчаш усули, ўлчаш воситаси, ўлчов, ўлчаш асбоби.

#### **4.1. Ўлчашлар тўғрисида асосий таърифлар, тушунчалар.**

Катталиктинг сонли қийматини одатда ўлчаш амали билангина топиш мумкин, яъни бунда ушбу катталик миқдори бирга тенг деб қабул қилинган шу турдаги катталиктан неча марта катта ёки кичик эканлиги аниқланади.

**Ўлчаш деб**, шундай солиштириш, англаш, аниқлаш жараёнига айтиладики, унда ўлчанадиган катталик физик эксперимент ёрдамида, худди шу турдаги, бирлик сифатида қабул қилинган миқдори билан ўзаро солиштирилади.

Бу таърифдан шундай хуносага келиш мумкинки: биринчидан, ўлчаш бу хил катталиклар тўғрисида информация ҳосил қилишдир; иккинчидан, бу физик экспериментдир; учинчидан - ўлчаш жараёнида ўлчанадиган катталиктинг ўлчов бирлигининг ишлатилишидир. Демак, ўлчашдан мақсад, ўлчанадиган катталик билан унинг ўлчов бирлиги сифатида қабул қилинган миқдори орасидаги (тафовутни) нисбатни топишдир. Яъни, ўлчаш жараёнида ўлчашдан кўзда тутиладиган **мақсад**, яъни изланувчи катталик (бу шундай асосий катталики уни аниқлаш бутун изланишни, текширишни вазифаси, мақсади ҳисобланади) ва **ўлчаш обьекти** иштирок этади. Ўлчаш обьекти (ўлчанадиган катталик) шундай ёрдамчи катталики, унинг ёрдамида асосий изланувчи катталик аниқланади, ёки бу шундай курилмаки, унинг ёрдамида ўлчанадиган катталик солиштирилади.

Шундай килиб, учта тушунчани бир-биридан ажратса билиш керак; ўлчаш, ўлчаш жараёни ва ўлчаш усули.

**Ўлчаш** - бу умуман хил катталиклар тўғрисида информация қабул қилиш, ўзгартириш демақдир. Бундан мақсад изланадиган катталиктин сон қийматини кўллаш, ишлатиш учун қулаги формада аниқлашдир.

**Ўлчаш жараёни** - бу солиштириш экспериментини ўтказиш жараёнидир (солиштириш қандай усулда бўлмасин).

**Ўлчаш усули эса** - бу физик экспериментнинг аниқ маълум структура ёрдамида, ўлчаш воситалари ёрдамида ва эксперимент ўтказишнинг аниқ йўли, алгоритми ёрдамида бажарилиши, амалга оширилиши усулидир.

Ўлчаш одатда ўлчашдан кўзланган мақсадни (изланадиган катталиктин) аниқлашдан бошланади, кейин эса шу катталиктин характеристини анализ қилиш асосида бевосита ўлчаш обьекти (ўлчанадиган катталик) аниқланади. Ўлчаш жараени ёрдамида эса шу ўлчаш обьекти тўғрисида информация ҳосил қилинади ва ниҳоят баъзи математик қайта ишлаш йўли билан ўлчаш мақсади ҳакида ёки изланадиган катталик ҳакида информация (ўлчаш натижаси) олинади.

**Ўлчаш натижаси** - ўлчанаётган катталиктинг сон қийматини ўлчаш бирлигига кўпайтмаси тариқасида ифодаланади.

**X=n[x]**, бу ерда X - ўлчанадиган катталик;

n - ўлчанаётган катталиктинг қабул қилинган ўлчов бирлигидаги сон қиймати; [x] - ўлчаш бирлиги


Ўлчаш жараёнини автоматлаштириш муносабати билан ўлчаш натижалари ўзгармасдан тўғридан-тўғри электрон ҳисоблаш машиналарига ёки автоматик бошқариш тизимларига берилиши мумкин. Шунинг учун, кейинги пайтларда, айниқса, кибернетика соҳасидаги мутахассисларда ўлчаш ҳакида тушунча қўйидагича таърифланади.

**Ўлчаш** – бу изланадиган катталик ҳакида информация қабул қилиш ва ўзгартириш жараёнидир. Бундан кўзда тутилган мақсад шу ўлчанаётган катталиктинг ишлатиш, ўзгартириш, узатиш ёки қайта ишлашлар учун қулаги формадаги ифодасини ишлаб чиқишидир.

Ўлчаш фан ва техниканинг қайси соҳасида ишлатилишига қараб у аниқ номи билан юритилади: электрик, механик, иссиқлик, акустик ва х.к.

## 4.2. Ўлчаш турлари

Ўлчанаётган катталиктин сонли қийматини топишнинг бир неча хил турлари (йўллари) мавжуддир. Қуйида шу йўллар билан танишиб чиқамиз.



**Бевосита ўлчаш** - Ўлчанаётган катталиктин қийматини тажриба маълумотларидан бевосита топиш. Масалан, оддий симобли термометрда ёки линейка ёрдамида ўлчаш.

$$y = c \cdot x;$$

Бунда:  $y$  - муайян бирликда ифодаланётган ўлчанаётган катталиктин қиймати;

$c$  - шкаланинг бўлим қиймати;

$x$  - шкаладан олинган қайднома.

**Бильвосита ўлчаш** - бевосита ўлчанган катталиклар билан ўлчанаётган катталик орасида бўлган маълум боғланиш асосида катталиктин қийматини топиш. Масалан, тезликни ўлчаш.

$$y = f(x_1 x_2 \dots x_n).$$

**Мажмуйй ўлчаш** - бир неча номдош катталикларнинг бирикмасини бир вақтта бевосита ўлчашдан келиб чиқсан тенгламалар тизимини ечиб, излангаётган қийматларни топиш. Масалан, ҳар хил тарози тошларининг массасини солиштириб, бир тошнинг маълум массасидан бошқасининг массасини топиш учун ўтказиладиган ўлчашлар, ҳароратни қаршилик термометри орқали ўлчаш.

**Биргаликдаги ўлчаш** - тури номли икки ва ундан ортиқ катталиклар орасидаги муносабатни топиш учун бир вақтда ўтказиладиган ўлчашлар. Мисол, резисторнинг  $20^{\circ}\text{C}$  даги электр қаршилиги қийматини тури температуralарда ўлчаб топиш.

**Мутлақ ўлчаш** - бир ёки бир неча асосий катталикларни бевосита ўлчанишини ва (ёки) физикавий доимийликнинг қийматларини қўллаш асосида ўтказиладиган ўлчаш.

**Нисбий ўлчаш** - катталик билан бирлик ўрнида олинган номдош катталиктин нисбатини ёки асос қилиб олинган катталика нисбатан номдош катталиктин ўзгаришини ўлчаш.

## 4.3. Ўлчаш усуслари


**Ўлчаш усули** – деганда ўлчаш қонун-қоидалари ва ўлчаш воситаларидан фойдаланиб, катталиктин үнинг бирлиги билан солиштириш усулларини тушунамиз.

Ўлчашнинг қуйидаги усувлари мавжуд:

**Бевосита баҳолаш усули** - бевосита ўлчаш асбобининг санаш қурилмаси ёрдамида тўғридан тўғри ўлчанаётган катталиктин қийматини топиш. Масалан, пружинали манометр билан босимни ўлчаш ёки амперметр ёрдамида ток кучини топиш.

**Ўлчов билан таққослаш (солиштириш) усули** - ўлчанаётган катталиктин ўлчов орқали яратилган катталик билан таққослаш (солиштириш) усули. Масалан тарози тоши ёрдамида массани аниқлаш. Ўлчов билан таққослаш усулининг ўзини бир неча турлари мавжуд:


**Айирмали ўлчаш (дифференциал) усули** - ўлчов билан таққослаш усулининг тури ҳисобланиб, ўлчанаётган катталиктин ва ўлчов орқали яратилган катталиктин айирмасини (фарқини) ўлчаш асбобига таъсир қилиш усули. Мисол қилиб узунлик ўлчовини қиёслашда уни компараторда намунавий ўлчов билан таққослаб ўтказиладиган ўлчаш. Ёки, вольтметр ёрдамида икки кучланиш орасидаги фарқни ўлчаш, бунда кучланишлардан бири жуда юқори аниқликда маълум, иккинчиси эса излангаётган катталик ҳисобланади.




$$\Delta U = U_0 - U_x; \quad U_x = U_0 - \Delta U$$

$U_x$  билан  $U_0$  қанчалик яқин бўлса, ўлчаш натижаси ҳам шунчалик аниқ бўлади.

**Нолга келтириш усули** - бу ҳам ўлчов билан таққослаш усулининг бир тури ҳисобланади. Бунда катталиктнинг таққослаш асбобига таъсири натижасини нолга келтириш лозим бўлади. Масалан, электр қаршилигини қаршиликлар кўприги билан тўла мувозанатлаштириб ўлчаш.



**Алмашлаш усули** - ўлчов билан таққослаш усулининг тури ҳисобланаби, ўлчанаётган катталиктнинг ўлчов орқали яратилган маълум қийматли катталик билан ўрин алмашишига асосланган. Мисол, ўлчанадиган масса билан тарози тошини бир паллага галмагал қўйиб ўлчаш ёки қаршиликлар магазини ёрдамида текширилаётган резисторнинг қаршилигини топиш:



Бунда “K” ни иккала ҳолатда (1,2) қўйганда  $\alpha_1 = \alpha_2$  шарт бажарилиши керак.

$$I_1 = U / R_0 \rightarrow \alpha_1$$

$$I_2 = U / R_k \rightarrow \alpha_2$$

**Мос келиш усули** - ўлчов билан таққослаш усулининг тури. Ўлчанаётган катталик билан ўлчов орқали яратилган катталиктнинг айрмасини шкаладаги белгилар ёки даврий сигналларни мос

келтириш орқали ўтказиладиган ўлчаш. Масалан, калибр ёрдамида вал диаметрини мослаш.


Ҳар бир танланган усул ўз усулиятига, яъни ўлчашни бажариш усулиятига эга бўлиши лозим. Ўлчашни бажариш усулияти деганда, маълум усул бўйича ўлчаш натижаларини олиш учун белгиланган тадбир, қоида ва шароитлар тушунилади.

Ўлчанадиган катталиктнинг ўлчаш жараёнида ўзгариш характерига кўра **статик** ва **динамик** ўлчашларга ажратилади. **Статик ўлчаш** деганда қиймати ўлчаш жараёни мобайнида ўзгармайдиган катталиктнинг ўлчаш тушунилади. Бундан ташқари, даврий ўзгарувчан катталикларнинг турғун режимидаги ўлчашлар ҳам киради. Масалан, ўзгарувчан катталиктнинг амплитуда, эффектив ва бошқа қийматларини турғун режимида ўлчаш.

**Динамик ўлчашларга** қийматлари ўлчаш жараёнида ўзгариб турадиган катталикларни ўлчашлар киради. Динамик ўлчашга вақт бўйича ўзгарадиган катталиктнинг оний қийматини ўлчаш мисол бўла олади.

#### 4.4. Дискрет ўлчаш усули

Юқорида кўрилган ўлчаш усууларидан тубдан фарқ қилувчи **дискрет ўлчаш усули** ҳам мавжуд. Дискрет ўлчаш усули шундан иборатки, унда вақт бўйича узлуксиз ўзгарадиган катталик вақт бўйича дискретланади, микдор бўйича эса квантланади ёки бошқача қилиб айтганда вақт бўйича узлуксиз ўзгарадиган катталик вақтнинг айрим моментларига тегишли узук қийматларига ўзgartирилади (4.1.-расм).




4.1-расм.

$X(t)$  – вақт бўйича узлуксиз ўзгарадиган катталиктининг ўзгариш графиги;  $X_k$  – квант миқдорлари яъни ўлчанадиган  $X=f(t)$  катталигининг  $t_1, t_2, t_3, \dots, t_n$  моментларига тегишли узук қийматлари. Демак, дискрет ўлчаш усули бўйича ўлчанадиган катталиктининг ҳамма қиймати ( $0 \div t$ ) эмас, балки, айрим моментларга тегишли қийматигина маълум бўлади. Дискретлаш бу муайян дискрет (жуда қисқа) вақт оралиғида қадномаларни олишидир.  $t_1, t_2, t_3, \dots, t_n$  – дискретлаш моментлари дейилади ва  $t_1 \div t_2$  гача оралиқ дискретлаш моментлари дейилади. Квантлаш эса,  $X(t)$  катталиктининг узлуксиз қийматларини  $X_k$  дискрет қийматларининг тўплами (набори) билан алмаштиришидир. Ўлчанадиган катталиктининг узлуксиз қийматлари муайян тартиблар асосида квантлаш даражаларининг қийматлари билан алмаштирилади. Кодлаштириш эса, муайян кетма-кетликда ифодаланган сонли қийматларни тавсия этишдан иборат.

Узлуксиз ўзгарувчан катталиктининг дискрет усули асосида узук дискрет қийматларига, кодларга ўзгартирилиши асосан 3 хил усулда амалга оширилади. (4.2-расм. а, б, в):

- а) кетма-кет ҳисоб усули;
- б) таққослаш (солиштириш) усули;
- в) саноқ усули;



4.2-расм. а, б, в

## V-боб. Ўлчаш хатоликлари.

### Режа:

- 5.1. Ўлчаш хатоликлари, уларнинг табақаланиши.
- 5.2. Мунтазам хатоликлар ва уларни камайтириш усуллари. Аддитив ва мультиплектив хатоликлар.

### 5.1. Ўлчаш хатоликлари, уларнинг табақаланиши.

Ўлчаш хатоликлари турли сабабларга кўра турлика кўринишида намоён бўлиши мумкин. Бу сабаблар қаторига қуидагиларни киритишимиш мумкин:

- ўлчаш воситасидан фойдаланишида уни созлашдан ёки созлаш даражасини силжишидан келиб чиқувчи сабаблар;
- ўлчаш обьектини ўлчаш жойига (позициясига) ўрнатишдан келиб чиқувчи сабаблар;
- ўлчаш воситаларининг занжирида ўлчаш маълумотини олиш, сақлаш, ўзгартириш ва тавсия этиш билан боғлиқ сабаблар;
- ўлчаш воситаси ва обьектига нисбатан ташки таъсиirlар (температура ёки босимнинг ўзгариши, электр ва магнит майдонларининг таъсири, турли тебранишлар ва ҳоказолар) дан келиб чиқувчи сабаблар;
- ўлчаш обьектининг хусусиятларидан келиб чиқувчи сабаблар;
- операторнинг малакаси ва ҳолатига боғлиқ сабаблар ва шу кабилар.

Ўлчаш хатоликларини келиб чиқиш сабабларини таҳлил қилишда энг аввало ўлчаш натижасига салмоқли таъсир этувчилирини аниқлаш лозим бўлади.

Ўлчаш хатоликлари у ёки бу хусусиятига кўра қуида келтирилган турларга бўлинади:

I. Ўлчаш хатоликлари ифодаланишига қараб қуидаги турларга бўлинади:

**Абсолют (мутлақ) хатолик.** Бу хатолик катталиктин қандай бирликларда ифодаланаётган бўлса, шу бирликда тавсифланади. Масалан,  $0,2 V; 1,5 \mu m$  ва х.к. Мутлақ хатолик қуидагича аниқланади:

$$\Delta = A_x - A_u \geq A_x - A_o;$$

бунда,  $A_x$  - ўлчаш натижаси;

$A_u$  - катталиктининг чинакам қиймати;

$A_o$  - катталиктининг ҳақиқий қиймати.

Абсолют хатоликни тескари ишора билан олингани тузатма (- поправка) деб аталади.

$$-\Delta = \delta;$$

Одатда, ўлчаш асбобларининг хатолиги келтирилган хатолик билан белгиланади.

Абсолют хатоликни асбоб кўрсатишнинг энг максимал қийматига нисбатини процентларда олинганига келтирилган хатолик деб аталади.

$$\beta_k = \frac{\Delta}{A_{x\max}} \cdot 100\%;$$

**2. Нисбий хатолик** - абсолют хатоликни ҳақиқий қийматга нисбатини билдиради ва фоиз (%) ларда ифодаланади:

$$\beta = [(A_x - A_o)/A_o] \cdot 100 = (\Delta/A_o) \cdot 100\%.$$

**II. Ўлчаш шароити тартибларига кўра хатоликлар қуидагиларга бўлинади:**

**1. Статик хатоликлар** - вақт мобайнида катталиктининг ўзгаришига боғлиқ бўлмаган хатоликлар. Ўлчаш воситаларининг статик хатолиги шу восита билан ўзгармас катталиктин ўлчашда ҳосил бўлади. Агар ўлчаш воситасининг паспортида статик шароитлардаги ўлчашнинг чегаравий хатоликлари кўрсатилган бўлса, у ҳолда бу маълумотлар динамик шароитлардаги аниқликни тавсифлашга нисбатан тадбиқ этила олмайди.

**2. Динамик хатоликлар** - ўлчанаётган катталиктининг вақт мобайнида ўзгаришига боғлиқ бўлган хатоликлар саналади. Динамик хатоликларнинг вужудга келиши ўлчаш воситаларининг ўлчаш занжиридаги таркибий элементларнинг инерцияси туфайли деб изохланади. Бунда ўлчаш занжиридаги ўзгаришлар оний тарзда эмас, балки муайян вақт давомида амалга оширилиши асосий сабаб бўлади.

**III. Келиб чиқиши сабаби (шароитига) қараб:**

- асосий;
- қўшимча хатоликларга бўлинади.

Нормал (градуировка) шароитда ишлатиладиган асбобларда ҳосил бўладиган хатолик асосий хатолик дейилади. Нормал шароит деганда температура  $20^{\circ}\text{C} \pm 5^{\circ}\text{C}$  ҳаво намлиги  $65\% \pm 15\%$ , атмосфера босими ( $750 \pm 30$ ) мм.сим.уст., таъминлаш кучланиши номиналидан  $\pm 2\%$  ўзгариши мумкин ва бошқалар.


Агар асбоб шу шароитдан фарқли бўлган ташқи шароитда ишлатилса, ҳосил бўладиган хатолик қўшимча хатолик дейилади.

**IV. Моҳияти, тавсифлари, ўзгариш характерига қараб ва бартараф этиш имкониятларига кўра:**

1. Мунтазам хатоликлар;
2. Тасодифий хатоликлар;
3. Қўпол хатоликлар ёки янглишув хатоликларга бўлинади.

**Мунтазам хатолик** деб умумий хатоликнинг такорий ўлчашлар мобайнида муайян қонуният асосида ҳосил бўладиган, сакланадиган ёки ўзгарадиган ташкил этувчисига айтилади.

Умумий хатоликни қуидагича тасвирлашимиз мумкин:



5.1. расм.

Ўлчаш хатоликлари

Бунда:

$\Delta_M$  – мунтазам хатолик

$\Delta_T$  – тасодифий хатолик

$\Delta_K$  – қўпол хатолик

Мунтазам хатоликларнинг келиб чиқиши сабаблари турли туман бўлиб, таҳлил ва текширув асосида уларни аниқлаш ва кисман ёки буткул бартараф этиш мумкин бўлади. Мунтазам хатоликларнинг асосий гурухлари қуидагилар ҳисобланади:

- Услубий хатоликлар;
- Асбобий (курилмавий) хатоликлар;

- Субъектив хатоликлар.

Үлчаш усулининг назарий жихатдан аниқ асосланмаганлиги натижасида услубий хатолик келиб чиқади.

Үлчаш воситаларининг конструктив камчиликлари туфайли келиб чиқадиган хатолик асбобий хатолик деб аталади. Масалан: асбоб шкаласининг нотўғри градуировкаланиши (даражаланиши), қўзғалувчан қисмнинг нотўғри маҳкамланиши ва ҳоказолар.

Субъектив хатолик - кузатувчининг айби билан келиб чиқадиган хатоликдир.

## 5.2. Мунтазам хатоликлар ва уларни камайтириш усуллари.

### Аддитив ва мультипликатив хатоликлар.

Умуман, мунтазам хатоликни йўқотиш йўли бир аниқ ишлаб чиқилмаган. Лекин, шунга қарамай, мунтазам хатоликни камайтиришни баъзи бир усуллари мавжуд.

1. *Хатоликлар чегарасини назарий жиҳатдан баҳолаши*, бу услуг ўлчаш услубини, ўлчаш воситаларининг характеристикаларини, ўлчаш тенгламасини ва ўлчаш шароитларини анализ қилишга асосланади. Масалан: ўлчаш асбобининг параметрлари ёки текширилаётган занжирнинг иш режимини билган ҳолда биз унинг тузатмасини (хатолиги) топишимиз мумкин. Хатолик, бунда, асбобнинг истеъмол қилувчи қувватидан, ўлчанаётган кучланишнинг частотасини ошишидан ҳосил бўлиши мумкин.

2. *Хатоликни ўлчаш натижалари бўйича баҳолаши*. Бунда ўлчаш натижалари ҳар хил принципдаги усул ва ўлчаш аппаратурасидан (воситаларидан) олинади. Ўлчаш натижалари орасидаги фарқ - мунтазам хатоликни характеристлайди. Бу услуг юқори аниклидаги ўлчашларда ишлатилади.

3. *Ҳар хил характеристикага эга бўлган, лекин бир хил физикавий принципда ишлайдиган аппаратура ёрдамида ўлчаш усали*. Бунда ўлчаш кўп маротаба такрорланиб, ўлчаш натижалари мунтазам статистика усали ёрдамида ҳам ишланади.

4. *Ўлчаш аппаратурасини ишлатишдан олдин синовдан ўтказши*. Бу усул ҳам аниқ ўлчашларда ишлатилади.

5. *Мунтазам хатоликларни келтириб чиқарувчи сабабларни йўқотиш йўли*. Масалан: ташқи муҳит температураси ўзгармас


қилиб сақланса, ўлчаш воситасини ташқи майдон таъсиридан химоялаш мақсадида экранлаштирилса, манба кучланиши турғунлаштирилса (стабиллаштирилса) ва ҳ.к.

6. *Мунтазам хатоликни йўқотишнинг маҳсус усулини қўллаш*: ўрин алмашлаш (ўриндошлик), дифференциал усули, симметрик кузатишлардаги хатоликларни компенсациялаш усули.

Ўлчаш воситаларининг абсолют хатолиги ўлчанадиган катталиктининг ўзгаришига боғлиқ, шунинг учун ҳам абсолют хатолик ифодаси икки ташкил этувчидан иборат деб қаралади. Масалан: абсолют хатоликнинг максимал қиймати қўйидагича ифодаланади:

$$|\Delta|_{max} = |a| + |b x|$$

Хатоликнинг биринчи ташкил этувчиси ўлчанадиган катталиктининг қийматига боғлиқ бўлмайди ва у аддитив хатолик дейилади. Иккинчи ташкил этувчиси эса ўлчанадиган катталиктининг қийматига (ўзгаришига) боғлиқ бўлиб, мультипликатив хатолик деб аталади.



### Такрорлаш учун саволлар.

1. Мунтазам хатоликни келтириб чиқарувчи сабаблар нималардан иборат?
2. Мунтазам хатоликлар қандай ташкил этувчилардан иборат?
3. Мунтазам хатоликлар қандай камайтириш усуллари мавжуд?

## VI-боб. Тасодифий хатоликлар.

**Режа.**

- 6.1. Тасодифий хатоликлар ва уларнинг тақсимланиши.
- 6.2. Тасодифий хатоликнинг нормал қонун бўйича тақсимланиши ва унинг эҳтимолий баҳоланиши.
- 6.3. Билвосита ўлчаш натижаларини қайта ишлаш.

**Таянч сўзлар:** мунтазам хатолик, тасодифий хатолик, нормал тақсимот қонуни, ўртача квадратик хатолик, эҳтимолий хатолик, ишончли интервал, ишончли эҳтимоллик.

### 6.1. Тасодифий хатолик ва уларнинг тақсимланиши

Тасодифий хатолик бирор физикавий катталикни тақрор ўлчаганда ҳосил бўладиган, ўзгарувчан, яъни маълум қонуниятга бўйсинмаган ҳолда келиб чиқадиган хатоликдир. Бу хатолик айни пайтда нима сабабга кўра келиб чиқсанлиги ноаниқлигича қолади, шунинг учун хам уни йўқотиш мумкин эмас. Ҳақиқатда ўлчаш натижасида тасодифий хатоликни мавжудлиги тақрор ўлчашлар натижасида кўринади ва уни ҳисобга олиш, ўлчаш натижасига уни таъсири (ёки ўлчаш аниқлигини баҳолаш) математик статистика усули ёрдамида амалга оширилади.

**Бевосита ўлчашлар** натижасининг хатоликларини баҳолашда қуйидаги функциядан фойдаланилади:

$$y=f(x_1, x_2, \dots, x_n),$$

бу ерда  $f$  - аниқ функциядир,  $x_1, x_2, \dots, x_n$  - бевосита ўлчаш натижаси.

Хатоликни баҳолаш учун эса хатоликнинг тахминий формуласидан фойдаланилади.

Абсолют (мутлак) хатоликнинг максимал қиймати қуйидаги формула бўйича ҳисобланади.

$$\Delta y = \sum_{i=1}^m \left| \frac{\partial y}{\partial x_i} \right|_{x_i=x_0} \cdot \Delta x_i$$

Хатоликнинг нисбий қиймати эса қуйидаги формуладан топилади:

$$\delta_y = \frac{\Delta y}{y} = \sum_{i=1}^m \left| \frac{\partial y}{\partial x_i} \right|_{x_i=x_m} \cdot \frac{x_i}{y} \cdot \delta_{x_i}$$

Тасодифий хатолик эса (унинг дисперсияси) қуйидагicha ҳисобланади:

$$\sigma_y^2 = \sum_{i=1}^m \left( \frac{\partial y}{\partial x_i} \right)^2_{x_i=x_m} \cdot \sigma_i^2$$

Ўлчаш воситаларини аниқлигини, қанчалик аниқ ўлчашини баҳолаш учун ўлчаш воситаларининг аниқлик класси (синфи) деган тушунча киритилган. **Аниқлик класси** - бу ўлчаш воситаларини шундай умумлашган характеристикиси бўлиб, уларнинг йўл қўйиши мумкин бўлган асосий ва қўшимча хатоликлари чегараси (доираси) билан аниқланади. Демак аниқлик класси ўлчаш воситасининг аниқлик кўрсаткичи эмас, балки унинг хусусиятлари билан белгиланади, аниқланади.

### 6.2. Тасодифий хатоликнинг нормал қонун бўйича тақсимланиши ва уни эҳтимолий баҳоланиши.

Ўлчаш натижаларини қайта ишлаш усулларини ўрганишдан мақсад, ўлчаш натижасини ўлчанадиган катталикни асли (чинакам) қийматига қанчалик яқин эканлигини аниқлаш, ёки унинг ҳақиқий қийматини топиш, ўлчашда ҳосил бўладиган хатоликнинг ўзгариш характеристерини аниқлаш ва ўлчаш аниқлигини баҳолашдир.

Бир нарсага алоҳида аҳамият беришга тўғри келади. Юқорида олдинги мавзуларда айтилганидек, мунтазам хатоликларни чуқур таҳлили асосида аниқлашимиз ва маҳсус чораларни кўриб, сўнгра уларни бартараф этишимиз, ёки камайтиришимиз мумкин экан. Тасодифий хатоликларда эса бу жумла ўринли эмас. Бу турдаги хатоликларни факат баҳолашимиз мумкин.

Хар кандай физикавий катталик ўлчангандага, унинг тахминий қиймати аниқланади. Бу қийматни эса тасодифий

катталиктеги деб хисоблаш керак ва у икки ташкил этувчидан иборат бўлади. Биринчи ташкил этувчиси такрор ўлчашларда ўзгармайдиган ёки маълум қонун бўйича ўзгарадиган (кўпаядиган ёки камаювчи) бўлиб, уни мунтазам (систематик) хатолик дейилади. Бу ташкил этувчини - **математик кутилиши** деб юритиш мумкин. Иккинчи ташкил этувчи эса, **тасодифий хатолик** бўлади.

Агар ўлчашда хосил бўладиган хатолик нормал қонун бўйича (Гаусс қонуни) тақсимланади десак, у ҳолда уни математик тарзда куйидагича ёзиш мумкин:

$$y(\Delta) = \frac{1}{\sigma\sqrt{2\pi}} e^{-\frac{\Delta^2}{2\sigma^2}},$$

бу ерда  $y(\Delta)$  - тасодифий хатоликнинг ўзгариш эҳтимоллиги;  $\sigma$ - ўртача квадратик хатолик;  $\Delta(\delta)$  - тузатма ёки  $\Delta = \bar{X} - X_i$  бўлиб,  $X_i$  - алоҳида ўлчашлар натижаси,  $\bar{X}$  - эса ўлчанадиган катталиктининг эҳтимолий қиймати, ёки унинг ўртача арифметик қийматидир.

Ўлчанадиган катталиктининг ўртача арифметик қиймати куйидагича топилади:

$$\bar{x} = \frac{x_1 + x_2 + x_3 + \dots + x_n}{n},$$

бу ерда  $x_1, x_2, \dots, x_n$  - алоҳида ўлчашлар натижаси;  $n$  - ўлчашлар сони.


Ўртача квадратик хатолик (ўзгариш) куйидагича топилади:

$$\sigma = \sqrt{\frac{\sum_{i=1}^n (\bar{x} - x_i)^2}{n-1}}$$

Куйида келтирилган чизмада ўртача квадратик хатоликларнинг ҳар хил қийматларида хатоликнинг ўзгариш эгри чизиклари кўрсатилган. Графикдан кўриниб турибдики, ўртача квадратик хатолик қанчалик кичик бўлса, хатоликнинг кичик қийматлари шунчалик кўп учрайди, демак, ўлчаш шунчалик юкори аниқлиқда олиб борилган хисобланади. Ўлчаш аниқлигини баҳолаш, эҳтимоллик назариясининг қонун ва қоидаларига

асосланиб баҳоланади; яъни **ишончли интервал** ва уни характерловчи **ишончли эҳтимоллик** кабул қилинади.

Одатда, ишончли интервал ҳам, ишончли эҳтимоллик ҳам конкрет ўлчашлар шароитига қараб танланади.



Масалан: тасодифий хатоликнинг нормал қонуни бўйича тақсимланишида (ўзгаришида) ишончли интервал  $+3\sigma \div -3\sigma$  гача, ишончли эҳтимоллик эса 0,9973 кабул қилиниши мумкин. Бу деган сўз 370 тасодифий хатоликдан биттаси ўзининг абсолют қиймати бўйича  $3\sigma$  дан катта бўлади ва уни қўпол хатолик деб хисоблаб, ўлчаш натижаларини қайта ишлашда ҳисобга олинмайди.

Ўлчаш натижасининг аниқлигини баҳолашда эҳтимолий хатоликдан фойдаланилади. Эҳтимолий хатолик эса, шундай хатолики, унга нисбатан, қандайдир катталиктин қайта ўлчаганда тасодифий хатоликнинг бир қисми абсолют қиймати бўйича эҳтимолий хатоликдан кўп, иккинчи қисми эса ундан шунча кам бўлади.

Бундан чиқадики, эҳтимолий хатолик, ишончли интервалга тенг бўлиб, бунда ишончли эҳтимоллик  $P=0,5$  га тенг бўлади

Тасодифий хатолик нормал қонун бўйича тақсимланганда эҳтимолий хатолик қуйидагича топилиши мумкин

$$\varepsilon = \frac{2}{3}\sigma_n = \frac{2}{3}\sqrt{\frac{\sum_{i=1}^n (\bar{x} - x_i)^2}{n(n-1)}},$$

бу ерда  $\sigma_n = \frac{\sigma}{\sqrt{n}}$  - ўртача арифметик қиймат бўйича

квадратик хатоликдир. Эҳтимолий хатолик бу усулда, кўпинча ўлчашни бир неча ўн, хаттоки юз маротаба тақорорлаш имконияти бўлгандагина аниқланади.

Баъзида ўлчашни жуда кўп маротаба тақорорлаш имконияти бўлмайди, бундай ҳолда эҳтимолий хатолик Стыодент коэффициенти ёрдамида аниқланади. Бунда, коэффициент ўлчашлар сони ва қабул қилинган ишончли эҳтимоллик қиймати бўйича махсус жадвалдан олинади. Бу ҳолда, ўлчанадиган катталиктининг ҳақиқий қиймати қўйидаги формула бўйича ҳисоблаб топилади

$$\chi = \chi \pm t_n \sigma_n,$$

бу ерда,  $t_n$  - Стыодент коэффициенти.

Шундай қилиб, ўртача квадратик хатолик ўлчанадиган катталиктининг ҳақиқий қиймати исталган унинг ўртача арифметик қиймати атрофида бўлиш эҳтимолини топишга имкон беради,  $n \rightarrow \infty$ , бўлганда  $\sigma_n \rightarrow 0$  ёки ўлчаш сонини кўпайтириш билан  $\sigma_n \rightarrow 0$  га интилиб боради. Бу эса ўз навбатида ўлчаш аниқлигини оширади.

Албатта, бундан ўлчаш аниқлигини исталганча ошириш (кўтариш) мумкин деган хulosага келмаслик керак, чунки ўлчаш аниқлиги, тасодифий хатолик то мунтазам хатоликка тенглашгунча ошади.

Шунинг учун, танлаб олинган ишончли интервал ва ишончли эҳтимолик қийматлари бўйича керакли ўлчашлар сонини аниқлаш мумкинки, бу эса тасодифий хатоликнинг ўлчаш натижасига ҳам таъсир кўрсатишини таъминласин.

Унинг нисбий бирлиқдаги қиймати эса қўйидаги ифода бўйича аниқланади:

$$\varepsilon = \frac{\Delta \chi}{\chi} \cdot 100\%,$$

бу ерда  $\Delta \chi = t_n \sigma_n$

### 6.3. Билвосита ўлчаш натижаларини қайта ишлаш.

Билвосита усулда ўлчаш натижаларини хатолигини аниқлаймиз.

Агар изланаётган катталиктини бевосита усулда ўлчанган катталикларнинг функцияси десак:

$$A = F(B, C) \quad (6.1)$$

В ва С катталикларни ўлчашдаги хатоликлари маълум бўлса изланаётган А катталигини хатолигини топиш мумкун.

В ва С катталикларни ўзгарувчан деб ҳисоблаб (1.1) ифодани логарифмлаб ва дифференциаллаб қўйидагига эса бўламиз:

$$\frac{dA}{A} = F_1(B, C) \frac{dB}{B} + F_2(B, C) \frac{dC}{C}, \quad (6.2)$$

бу ерда:  $F_1(B, C)$  ва  $F_2(B, C)$  ўзгарувчан В ва С ларнинг функцияси.

$dA$ ,  $dB$  ва  $dC$  дифференциалларни абсолют хатоликлар деб ҳисоблаб, уларни кичик орттирмалар билан алмаштирамиз:

$$\frac{\Delta A}{A} = F_1(B, C) \frac{\Delta B}{B} + F_2(B, C) \frac{\Delta C}{C}, \quad (6.3)$$

ёки

$$\delta_A = F_1(B, C)\delta_B + F_2(B, C)\delta_C, \quad (6.4)$$

бу ерда:  $\delta_A = \frac{\Delta A}{A}$ ;  $\delta_B = \frac{\Delta B}{B}$ ;  $\delta_C = \frac{\Delta C}{C}$  – лар А, В, С катталикларининг нисбий хатоликлари.

(6.4) ифода В ва С катталикларининг хатоликларини билган ҳолда изланаётган А катталигининг хатолигини аниқлаш имконини беради. Кўпинча  $\delta_B$  ва  $\delta_C$  хатоликларининг ишораси ноаниқ бўлиб,

$F_1(B,C)\delta_B$  ва  $F_2(B,C)\delta_C$  қўшилувчиларнинг ишораси бир хил деб хисобланади.

Изланаётган А катталигини ўлчаш хатолиги ўлчангандан В ва С катталиклари билан боғлиқ бўлиб, қўйидагича ифодаланади:

$$A = B^n \cdot C^m,$$

бу ерда:  $n$  ва  $m$  – даража кўрсаткичлари бўлиб, улар бутун сон, каср сон, мусбат ва манфий бўлиши мумкин.

Тенгламанинг ўнг ва чап томонларини логарифмлаб уни қўйидагича ифодалаш мумкин:

$$\ln A = n \ln B + m \ln C.$$

Ифодани дифференциаллаймиз ва қўйидагига эга бўламиз:

$$\frac{dA}{A} = n \frac{dB}{B} + m \frac{dC}{C}$$

$dA$ ,  $dB$  ва  $dC$  дифференциалларни кичик орттирумалар билан алмаштирамиз.

$$\frac{dA}{A} = n \frac{\Delta B}{B} + m \frac{\Delta C}{C};$$

ёки

$$\delta_A = n \delta_B + m \delta_C, \quad (6.5)$$

бу ерда  $\delta_A = \frac{\Delta A}{A}$ ;  $\delta_B = \frac{\Delta B}{B}$ ;  $\delta_C = \frac{\Delta C}{C}$       A,      B,      C

катталикларининг нисбий хатоликлари.

Шундай килиб, изланаётган А катталигини B, C ва D катталиклари орқали унинг энг юқори нисбий хатолигини аниқлаш мумкин:

$$A = B + C - D$$

Ифодани логарифмлаб ва дифференциаллаб ва  $dA$ ,  $dB$  ҳамда  $dC$  ларни орттирумалар билан алмаштирасак, изланаётган катталикнинг хатолигини қўйидаги тенглама бўйича топишимиш мумкин:

$$\delta_A = \frac{\Delta A}{A} = \frac{\Delta B + \Delta C - \Delta D}{B + C - D} \quad (6.6)$$

Агар  $B + C \approx D$  бўлса, B, C ва D катталикларининг хатоликлари нисбатан кичик бўлишига қарамай изланаётган А катталигининг хатолиги юқори бўлиши мумкин.

### Такрорлаш учун саволлар.

1. Тасодифий хатоликлар деганда нимани тушунасиз?
2. Нима сабабдан факат тасодифий хатоликлар баҳоланади?
3. Математик кутилиш ва дисперсия нима?
4. Эҳтимолий хатолик нима ва у қандай топилади?
5. Стыодент коэффициенти қандай танланади?

## VII-боб. Ўлчашлар ноаниқлиги.

### Режа.

- 7.1. Ўлчаш ноаниқлиги бўйича атамалар ва таърифлар.
- 7.2. Ўлчаш ноаниқлигини баҳолаш.
- 7.3. Ўлчанаётган катталиктининг тасвиirlаниши.
- 7.4. Ноаниқлик манбаларининг намоён бўлиши.
- 7.5. Ноаниқликни тақдим этиш.
- 7.6. Стандарт намуналар ноаниқлиги.

**Таянч сўзлар:** ўлчашлар ноаниқлиги, стандарт ноаниқлик, якуний ноаниқлик, қамров коэффициенти.

### 7.1. Ўлчаш ноаниқлиги бўйича атамалар ва таърифлар

**Атамалар ва таърифлар.** O'z DSt 8.010.1, O'z DSt 8.010.2, O'z DSt 8.010.3, O'zDSt 8.010.4 га мувофиқ ўлчашлар ноаниқлиги бўйича кўйидаги атамалар ва тушунчалар кўлланилади:

**ўлчашлар ноаниқлиги:** ўлчаш натижалари билан боғлиқ бўлган ва ўлчанаётган катталикка етарли асос билан қўшиб ёзилиши мумкин бўлган қийматлар тарқоқлигини (сочилишини) тавсифловчи параметр.

#### Изоҳлар

1. Параметр, масалан, стандарт оғиш (ёки унга карраги сон) ёки ишонч интервали (оралиғи) кенглиги бўлиши мумкин.

2. Ўлчаш ноаниқлиги одатда кўплаб ташкил этувчиларни ўз ичига олади. Бу ташкил этувчиларнинг баъзилари қатор ўлчашлар натижаларининг статистик тақсимланишидан баҳоланиши мумкин ва экспериментал стандарт оғишлар билан тавсифланиши мумкин. Стандарт оғишлар билан тавсифланиши мумкин бўлган бошқа ташкил этувчилар ҳам тажрибага ёки бошқа ахборотларга асосланган эҳтимолликларнинг тахмин қилинган тақсимланишидан баҳоланади.

3. Шубҳасиз, ўлчаш натижаси ўлчанаётган катталик қийматининг энг яхши баҳоси бўлиб ҳисобланади ва тузатишлар ва таққослаш этalonлари билан боғлиқ бўлган, тартибли (систематик) таъсиrlардан юзага келадиган ташкил этувчиларни ўз ичига олган ҳолда ноаниқликнинг ташкил этувчилари дисперсияга ҳисса қўшади.

**Стандарт ноаниқлик:** стандарт оғиш сифатида ифода этилган ўлчаш натижасининг ноаниқлиги.

**А хил бўйича (ноаниқликни) баҳолаи:** Қатор кузатувларни статистик таҳлил қилиш йўли билан ноаниқликни баҳолаш методи.

**В хил бўйича (ноаниқликни) баҳолаи:** Қатор кузатувларни статистик таҳлил қилишдан фарқ қилувчи усуслар билан ноаниқликни баҳолаш методи.

**Тўлиқ ноаниқлик:** Чегарасида ўлчанаётган катталикка етарли асос билан қўшиб ёзилиши мумкин бўлган қийматлар тақсимотининг катта қисми жойлашган ўлчаш натижаси атрофидаги оралиқни аниқловчи катталик.

#### Изоҳлар

1. Тақсимотнинг бу қисмiga қамров эҳтимоли ёки оралиқ учун ишонч даражаси сифатида қаралиши мумкин.

2. Тўлиқ ноаниқлик, шунингдек, **умумий ноаниқлик** деб ҳам аталиши мумкин.

**қамров коэффициенти:** Тўлиқ ноаниқликка эришиш учун якуний стандарт ноаниқликнинг кўпайтирувчиси сифатида фойдаланиладиган сон билан ифодаланган коэффициент.

**кузатиб бории:** Белгиланган ноаниқликларга эга бўлган солиширишларнинг ажралмас занжири воситасида мувофиқ этalonлар, кўпинча миллий ва халқаро этalonлар билан алоқа ўрнатиш имкониятидан иборат бўлган ўлчаш натижалари ёки этalon қийматларининг хоссалари

**прецизионлик:** Синовларнинг келишилган шароитларда олинган мустақил натижаларининг бир бирига яқинлиги.

#### Изоҳлар

1. Прецизионлик фақатгина тасодифий хатоликларнинг тақсимланишига боғлиқ ва ўлчанаётган катталиктининг ҳақиқий ёки қабул килинган қийматига боғлиқ эмас.

2. Миқдорий прецизионлик кўпинча ноаниқлик сифатида ифодаланади ва синов натижаларининг стандарт оғиши кўринишида ҳисобланади. Камроқ прецизионликка кўпроқ стандарт оғиш мувофиқ келади.

3. «Синовларнинг мустақил натижалари» ифодаси, бу натижалар худди шу ёки айнан ўхшаш синов объектларидан олинган қандайдир аввалги натижалар таъсир кўрсатмайдиган

тарзда олинганилигини билдиради. Прецизионликнинг миқдорий тавсифлари ҳал қилувчи тарзда келишилган шартларга боғлиқ.

**СИ:** Халкаро бирликлар тизими

**СО:** Стандарт намуна

**МВИ:** Ўлчашларни бажариш методикаси

### **Умумий қоидалар**

#### *Методлар яроқлилигини баҳолаш*

Изоҳ - Бу ерда ва бундан кейин метод (методлар) дейилганда ўлчашларни бажариш методикалари ва синовлар методикалари тушунилади.

Амалиётда эскирган ўлчашлар учун қўлланиладиган аниқ мақсаднинг методларини кўпроқ уларнинг яроқлилигини баҳолаш бўйича тадқиқотлар жараёнида белгиланади.

Бундай тадқиқотларнинг натижалари методларнинг умумий тавсифномалари бўйича ҳам, унга таъсир этувчи алоҳида факторлар бўйича ҳам ахборот беради ва бу ахборотдан ноаниқликни баҳолашда фойдаланиш мумкин.

Изоҳ - Методлар яроқлилигини баҳолаш (validation of methods) чет элда қабул қилинган ўлчашлар сифатини таъминлаш тизимининг муҳим ташкил этувчиси бўлиб ҳисобланади. «Validation» атамаси тегишли тушунчаларнинг турли мазмуни сабабли миллий метрологияда қабул қилинган «аттестатлаш» атамаси билан teng маънога эга эмас. Конуний метрология процедураси сифатида амалга ошириладиган методикаларни аттестатлаш методиканинг унга қўйилган метрологик талабларга мувофиқлигини ўрнатишни мақсад қилиб қўяди. Бунда дикқат марказида олинган натижалар хатоликларининг тавсифномалари бўлади. Методнинг яроқлилигини баҳолаш одатда самарадорликнинг қатор кўрсаткичларини белгилашдан (топиш ва аниқлаш чегараси, селективлик/спецификлик, яқинлашиш ва қайта ишлаб чиқариш, барқарорлик ва бошқалар) ва улар асосида аниқ ўлчаш масаласини ечиш учун методнинг яроқлилигини муҳокама қилишдан иборат бўлади. Яроқлиликни баҳолаш бўйича тадқиқотлар натижаларидан ноаниқликни (хатолик тавсифномаларини) топишда фойдаланиш мумкин.

Методнинг яроқлилигини баҳолаш бўйича тадқиқотлар самарадорликнинг умумий кўрсаткичларини аниқлаш мақсадига эгадир. Уларни методни ишлаб чиқиш ва унинг лабораториялараро

тадқиқоти жараёнида ёки ички лаборатория тадқиқоти дастурига риоя этган ҳолда белгилайдилар. Хатоликнинг ёки ноаниқликнинг алоҳида манбалари одатда прецизионликнинг умумий тавсифлари билан солиширилганда аҳамиятлироқ бўлганидагина кўриб чиқилади. Бунда тиргак таҳлил натижаларига тегишли тузатишларни киритишдан кўра, муҳим самарапарнинг аниқланиши ва ўқотилишига қилинади. Бу потенциал муҳим таъсир ўтказувчи факторлар умумий прецизионлик билан солиширилганда аҳамиятлиликка белгиланганда, текширилганда бу факторларга эътоборсизлик билан қараш ҳолатига олиб келади. Бу шароитларда тадқиқотчилар кўпчилик тартибли самарапарнинг аҳамиятсизлиги исботи ва қолган аҳамиятли самарапарнинг баъзи баҳоланишлари билан бир қаторда умумий самарадорлик кўрсаткичларига эришадилар.

Методлар яроқлилигини баҳолаш бўйича тадқиқотлар одатда қуйидаги тавсифномаларнинг баъзилари ёки барчасининг аниқланишини ўз ичига олади:

#### *Прецизионлик*

Прецизионликнинг асосий тавсифномалари яқинлашиш ва қайта ишлаб чиқаришнинг стандарт оғишлиарини (ГОСТ ИСО 3534-1 ва ГОСТ ИСО 5725-2), шунингдек оралиқ прецизионликни (ГОСТ ИСО 3534-3) ўз ичига олади. Яқинлашиш лабораторияда, қисқа вақт оралиғида битта оператор томонидан, бир нусхадаги ускунада кузатилган ўзгарувчанликни тавсифлайди ва уни ушбу лаборатория чегарасида ёки лабораториялараро тадқиқотлар доирасида баҳолаш мумкин. Муайян метод учун қайта ишлаб чиқаришнинг стандарт оғишини бевосита лабораториялараро тадқиқотлар ёрдамида баҳолаш мумкин ва у худди шу намунани бир неча лабораторияларда таҳлил қилинганда натижалар ўзгарувчанлигини тавсифлайди. Оралиқ прецизионлик бир ёки кўпроқ факторлар, жумладан вақт, ускуна ёки битта лаборатория чегарасидаги оператор ўзгарганида кузатиладиган натижалар вариациясини тавсифлайди; бунда қайси факторлар муттасил туришидан қатъий назар турли кўрсаткичларга эришадилар. Оралиқ прецизионликни кўпроқ битта лаборатория доирасида баҳолайдилар, лекин уни лабораториялараро тадқиқотлар ёрдамида белгилаш мумкин. Аналитик методиканинг прецизионлиги у алоҳида дисперсияларни жамлаш орқали ёки методикани тўлиқ тадқиқот қилиш йўли билан аниқланишидан

катый назар умумий ноаниқликтинг муҳим ташкил этувчиси бўлиб хисобланади.

#### *Силжии*

Кўлланилаётган методга боғлиқ бўлган силжиш одатда солиштиришнинг муносабатини ёки маълум қўшимчали намуналарни ўлчаш ёрдамида белгиланади. Мувофиқ таянч қийматларга тегишли умумий силжиши аниқлаш қабул қилинган эталонларга кузатиб боришни белгилашда муҳимдир. Силжиши ажратиб олиш (кутилган қийматга бўлинган кузатилган қиймат) кўринишида ифодаланиши мумкин. Аналитикнинг вазифаси силжишга эътибор бермасдан қараш ёки унга тузатиш киритишини кўрсатишдан иборатdir, лекин ҳар қандай ҳолда ҳам силжиши белгилаш билан боғлиқ ноаниқлик умумий ноаниқликтинг ажралмас ташкил этувчиси бўлиб қолади.

#### *Чизиқлилик (Тўғри мутаносиблик)*

Чизиқлилик баъзи диапазонда ўлчаш учун фойдаланиладиган методларнинг муҳим хоссаси бўлиб хисобланади. Жавоб чизиқлигини тоза моддаларда ва реал намуналарда аниқлаш мумкин. Одатда чизиқлиликни миқдорий аниқланмайди, уни кўз билан ёки начиқлилик аҳамиятилигининг мезонлари ёрдамида текширилади. Аҳамиятли начиқлиликни одатда начиқлини даражаловчи тавсифномалар ёрдамида ҳисобга олинади ёки торроқ ишчи диапазонни танлаш йўли билан бартараф этилади. Чизиқлиқдан қолган ҳар қандай оғишлар одатда бир қанча ўлчанаётган қийматларни қамровчи умумий прецизинлик баҳосига киради ёки даражалаш билан боғлиқ бўлган ноаниқлик чегарасида қолади.

#### *Топиш чегараси*

Методнинг яроқлиигини баҳолаш жараёнида топиш чегараси одатда ишчи диапазоннинг қуий чегарасини белгилаш учунгина аниқланади. Аммо топиш чегараси яқинидаги ноаниқликлар алоҳида кўриб чиқишини ва маҳсус талқин этилишни талаб этиши мумкин, топиш чегараси қандай аниқланганидан қатъий назар унинг ноаниқликтин баҳолашга тўғридан тўғри алоқаси йўқ.

#### *Барқарорлик*

Кўп хужжатлар таҳлил методларининг яроқлиигини баҳолаш ва ишлаб чиқиши бўйича аниқ параметрларни ўзгартиришга натижалар сезувчанлигини бевосита тадқиқот қилишни талаб этади.

Одатда бу бир ёки бир неча факторларни ўзгартириш билан чакирилган таъсиrlар тадқиқот қилинадиган «мустаҳкамлика синаш» ёрдамида амалга оширилади. Агар бундай синов аҳамиятли бўлса (ўз прецизинлиги билан солиширганда) у ҳолда бу таъсиrnинг кенглигини аниқлаш ва мувофиқ йўл қўйилган ишчи диапазонни танлаш учун муфассалроқ тадқиқот олиб борилади. Барқарорлик бўйича маълумотлар муҳим факторларнинг ўзгариш натижаларига таъсири ҳақида ахборот бериш мумкин.

#### *Селективлик/спецификация*

Қандайдир ўлчаш методи аниқ ўлчаш параметрларига бир маънода жавоб берадиган даражада. Селективлик тадқиқотларида одатда мумкин бўлган ҳалал берувчи компонентлар таъсирини бу моддаларни бўш намуналарга ҳам, ишчи намуналарга ҳам қўшган ҳолда ва жавобни кузатган ҳолда ўрганилади. Олинган натижалар одатда ҳақиқий ҳалал берувчи таъсиrlар унчалик аҳамиятга эга эмаслигини кўрсатиш учун фойдаланилади. Бундай тадқиқотларда бевосита жавоб ўзгариши аниқланганлиги учун бу маълумотлардан потенциал ҳалақитлар билан боғлиқ ноаниқликни баҳолаш учун фойдаланиш мумкин, бундан ташқари бунда ҳалақит берувчи моддалар концентрациялари диапазони ҳақида ахборот олинади.

#### *Кузатиб бории*

Турли лабораторияларда ёки ҳар хил вақтда олинган натижаларни ишонч билан солишириш имконига эга бўлиш муҳим. Бу барча лабораториялар бир хил ўлчаш шкаласи ёки бир хил «санаш нуқтаси» дан фойдаланишлари билан таъминланади. Кўп ҳолларда бунга дастлабки миллий ёки ҳалқаро эталонларга, мукаммал ҳолларда эса (узоқ муддатли келишув мақсадида). Ҳалқаро бирликлар тизими (СИ) га олиб борувчи калибрлаш занжирини ўрнатиш билан эришилади. Яхши мисол бўлиб аналитик тарозилар хисобланади. Ҳар бир тарози этalon тошлари ёрдамида калибрланади, улар эса ўз навбатида (окибатда) миллий эталонларга нисбатан калибрланади, шу тарзда килограммнинг дастлабки эталони билан ўзаро муносабатда бўлади. Маълум бошланғич қийматга олиб борувчи такқослашларнинг узилмас занжири умумий санаш нуқтасига «кузатиб бориши»ни таъминлайди ва бу турли инсонларнинг бир хил ўлчаш воситаларидан фойдаланишларини кафолатлади. Оддий ўлчашларда турли лабораториялар ўртасидаги ўлчашларнинг келишилганлигига (ёки бир вақтда

ўлчашларнинг келишилганлиги) ўлчашлар натижасини олиш ёки текшириш учун фойдаланиладиган, бунга тегишли бўлган барча оралиқ ўлчашларни кузатиб боришни белгилаш туфайли эришилади. Шунинг учун кузатиб бориш ўлчашларнинг барча соҳаларида муҳим тушунча бўлиб ҳисобланади.

Кузатиб бориш ноаниқлик билан чамбарчас боғлиқ ва кузатиб бориш ўзаро боғлиқ бўлган барча ўлчашларни келишилган ўлчаш шкаласида жойлаштиришга йўл қўяди, бунда ноаниқлик бу занжир халқаларининг «чидамлилиги» ни ва ўхшаш ўлчашларни бажарувчи лабораториялар ўртасидаги кутилган келишув дарражасини тавсифлайди.

Умуман, аниқ этalonга кузатиб бориладиган бўлиб ҳисобланувчи натижা ноаниқлиги бу этalon ноаниқлиги ва бу этalonга тегишли ўлчаш ноаниқлиги сифатида ифодаланади.

Аналитик методика натижасининг кузатиб борилиши умуман қўйидаги процедураларнинг (муолажаларнинг) қўшилиши билан белgilаниши лозим:

- кузатиб борилаётган эталонлардан ўлчаш ускунасини калибрлаш учун фойдаланилади;
- дастлабки методни реализация қилиш ёки дастлабки метод натижалари билан солиштириш;
- таққослаш намуналаридан тоза моддалар сифатида фойдаланиш;
- матрица жихатидан мос келувчи стандарт намуналардан фойдаланиш;
- маълум, яхши аникланган методика билан солиштириш.

#### *Ўлчаш ускунасини калибрлаш*

Барча ҳолларда фойдаланилаётган ўлчаш ускунасини калибрлаш мувофиқ этalonга кузатиб борилиши лозим. Методнинг ўлчаш босқичи кўпинча микдорий тавсифномаси СИ га кузатиб бориладиган таққослаш намунаси ёрдамида даражаланади. Бундай амалиёт методиканинг бу қисми учун натижаларнинг СИ га кузатиб борилишини таъминлайди. Бироқ, ўлчаш босқичидан олдин бўладиган операциялар учун кузатиб боришни белгилаш ҳам зарурдир.

#### *Таққослаши намуналаридан тоза моддалар сифатида фойдаланиши*

Кузатиб боришни маълум микдордаги тоза моддани таркибига оловчи тоза модда ёки намуна кўринишидаги таққослаш намунаси ёрдамида кўрсатиш мумкин. Буни, масалан, маълум қўшимчаларни бўш намуналарга ёки таҳлил қилинаётган намунага қўшиш билан қилиш мумкин. Бироқ, ҳар доим фойдаланилган этalon ва таҳлил қилинаётган намуна учун ўлчаш тизими жавобидаги фарқни баҳолаш зарур. Афсуски, кўп ҳолларда, хусусан, маълум қўшимчаларни қўшишда, жавоблардаги бу фарқни тузатиш бу тузатишнинг ноаниқлигидек катта бўлиши мумкин. Бу тарзда, натижанинг кузатиб борилиши умуман олганда СИ бирликларига ўрнатилиши мумкин бўлса ҳам амалиётда энг оддий ҳолатлардан ташқари натижা ноаниқлиги номақбул бўлиши ёки микдорий аникланмаган бўлиши мумкин. Агар ноаниқликни микдорий аниклаш мумкин бўлмаса, у ҳолда кузатиб бориш ўрнатилмайди.

#### *Стандарт намунани қўллаши*

Кузатиб боришни матрица жихатдан яқин бўлган стандарт намуна (СН) да, бу СН нинг аттестатланган қиймати (қийматлари) билан олинган ўлчаш натижаларини солиштириш йўли билан кўрсатилади. Бу мос келувчи «матрица» СН мавжуд бўлганда, таққослаш намунасини тоза модда кўринишида қўллаш билан таққослаганда ноаниқликни камайтириши мумкин. Агар СН қиймати СИ га кузатиб борилган бўлса, у ҳолда бу ўлчашлар СИ бирликларига кузатиб боришни таъминлайди. Бироқ ҳатто шу ҳолда ҳам натижা ноаниқлиги айниқса намуна таркиби ва СН таркиби ўртасида етарли мувофиқлик бўлмаган ҳолларда номақбул катта ёки ҳатто микдорий аниклаб бўлмайдиган бўлиши мумкин.

#### *Маълум методика билан солиштириши*

Натижаларнинг айнан бир хил таққослана олинишига кўпинча факатгина яхши аникланган ва умум қабул қилинган методикага нисбатан эришилиши мумкин. Одатда бу методика кириш параметрлари атамаларида аникланади; масалан, экстракциянинг аниқ вақтининг, зарралар ўлчовининг вазифалари ва бошқалар. Бундай методикани қўллаш натижалари ушбу кириш параметрларининг қийматлари мувофиқ этalonларга кузатиб борилганда кузатиб бориладиган бўлиб ҳисобланади. Натижা

ноаниқлиги меъёрланган кириш параметрларининг ноаниқликларидан ҳам, меъёрланишнинг тўлиқ эмаслигидан ҳам, шунингдек методикани бажаришда ўзгарувчанликдан ҳам юзага келиши мумкин. Агар, кутилаётганидек, альтернатив методика натижалари умум қабул қилинган методика натижалари билан таққосланса, у ҳолда қабул қилинган қийматларга кузатиб боришига умум қабул қилинган ва альтернатив методикалар бўйича олинган натижаларни таққослаш йўли билан эришилади.

## 7.2. Ўлчаш ноаниқлигини баҳолаш

Умуман олганда ноаниқликларни баҳолаш оддий бўлиб хисобланади. Қандайдир ўлчаш натижасига хос бўлган ноаниқликни баҳолаш учун қуйидаги амалларни бажариш зарур.

### 1-босқич. Ўлчанаётган катталикини тасвирилаши.

Ўлчаш катталиги ва у билан боғлиқ бўлган параметрлар ўртасидаги нисбатни киритган ҳолда айнан нима ўлчанаётганлигини аниқ ифодалаш зарур (масалан, ўлчаш катталиклари, константалар, даражалаш учун эталонлар қийматлари ва бошқалар). Мумкин бўлган жойда маълум систематик эфектларга тузатишлар киритилади. Бундай тасвирий ахборот одатда мувофиқ ҳужжатда методикага ёки методнинг бошқа тасвирида келтирилади.

### 2-босқич. Ноаниқлик манбаларини аниқлаши.

Ноаниқлик манбаларининг рўйхати тузилади. У 1 босқичда белгиланган худди ўша нисбатда параметрлар ноаниқлигини ҳисса қўшадиган манбаларни ўз ичига олади, лекин ноаниқликнинг бошқа манбаларини, масалан, химиявий тахминлардан келиб чиқадиган манбаларни ҳам ўз ичига олиши мумкин.

### 3-босқич. Ноаниқликни ташкил этувчиларининг миқдорий тасвириланиши.

Ҳар бир аниқланган потенциал манбага хос бўлган ноаниқлик қиймати аниқланади ва баҳоланади. Кўпинча ноаниқликнинг бир қанча манбалар билан боғлиқ бўлган ягона ҳиссасини баҳолаш ёки аниқлаш мумкин. Шунингдек мавжуд маълумотлар ноаниқликнинг барча манбаларини етарли даражада ҳисобга олаётганлигини кўриб чиқиши мухим ва ноаниқликнинг барча манбаларининг адекват ҳисобга олинишини таъминлаш учун зарур бўлган қўшимча экспериментлар ва тадқиқотларни пухта режалаштириш зарур.

## 4-босқич. Якуний ноаниқликни ҳисоблаши.

3-босқичда олинган ахборот умумий ноаниқликка бўлган ёки алоҳида манбалар билан ёки бир қанча манбаларнинг якуний эфектлари (самаралари) билан боғлиқ бўлган бир қанча миқдорий тасвириланган хоссалардан иборатdir. Бу хоссаларни стандарт оғишлар кўринишида ифодалаш ва мавжуд коидаларга мувофиқ якуний стандарт ноаниқликни олиш учун уларни жамлаш зарур. Кенгайтирилган ноаниқликни олиш учун тегишли камров коэффициентидан фойдаланиш зарур.

## 7.3. Ўлчанаётган катталикини тасвириланиши

Ноаниқликни баҳолаш контекстида “ўлчаш катталигини тасвирилаш” айнан ўлчанаётган нафақат бир маъноли нарсанинг ифода қилинишини, балки ўлчаш катталигини у боғлиқ бўлган параметрлар билан боғловчи миқдорий ифодаланишини тақдим этишни ҳам талаб этади. Бу параметрлар бошқа ўлчаш катталиклари, тўғридан-тўғри ўлчанмайдиган катталиклар ёки константалар бўлиши мумкин. Шунингдек намуна танлаш босқичи методикага киритилганми ёки йўқми аниқ белгиланиши лозим. Агар у киритилган бўлса, у ҳолда намуна танлаш методикаси билан боғлиқ бўлган ноаниқликни баҳолаш ҳам зарур. Бу барча ахборотлар методикага ҳужжатда бўлиши лозим.

Аналитик ўлчашларда айниқса фойдаланилаётган методга боғлиқ бўлмаган натижаларни олиш учун мўлжалланган ва бунга мўлжалланмаган ўлчашлар ўртасидаги фарқни ўтказиш мухим. Охиргилари кўпинча эмпирик методлар контекстида кўриб чиқилади.

## 7.4. Ноаниқлик манбаларининг намоён бўлиши

Энг аввало, ноаниқликнинг мумкин бўлган манбалари рўйхатини тузиш зарур. Бу босқичда миқдорий аспектларни ҳисобга олишга зарурат йўқ; факатгина айнан кўриб чиқилиши керак бўлган нарсага нисбатан тўлиқ аниқликни таъминлаш мақсад бўлиб ҳисобланади.

Ноаниқлик манбаларининг рўйхатини тузишда одатда оралиқ катталиклардан натижаларни ҳисоблаш учун фойдаланиладиган асосий ифодалардан бошлаш кулайдир. Бу ифодадаги барча параметрлар ўз ноаниқликларига эга бўлишлари

мумкин ва шунинг учун улар ноаниқликтининг потенциал манбалари бўлиб хисобланади. Бундан ташқари, аниқ кўринишда ўлчанаётган катталик қийматини топиш учун фойдаланиладиган ифодага кирмайдиган, лекин шунга карамай натижага (масалан, экстракция вакти ёки температура) таъсир қиласидиган бошқа параметрлар ҳам бўлиши мумкин. Ноаниқликтининг яширин манбалари ҳам бўлиши мумкин. Бу барча манбалар рўйхатга киритилиши лозим.

Ноаниқлик манбалари рўйхати тузилгандан сўнг уларнинг натижага таъсирини асосан ҳар бир таъсир баъзи бир параметрлар билан боғлиқ бўлган ўлчашларнинг расмий модели деб ёки тенгламада ўзгарувчан деб тасвирлаш мумкин. Бундай тенглама натижага таъсир этувчи индивидуал омиллар атамаларида ифодаланган ўлчаш жараёнининг тўлиқ моделини ташкил этади. Бу функция жуда мураккаб бўлиши мумкин ва уни кўпинча аниқ кўринишда ёзиш мумкин эмас. Бироқ, у мумкин бўлган жойда бундай ифодаланиш шакли умумий ҳолда ноаниқликтининг индивидуал ташкил этувчиларини жамлаш усулини аниқлаганлиги сабабли уни бажариш зарур.

Ноаниқликтининг мувофиқ баҳосини олиш учун улардан ҳар бирини алоҳида баҳолаш мумкин бўлганда ўлчаш методикасини операцияларнинг мунтазамлиги кўринишида кўриб чиқиш (баъзидаги операциялар деб аталаидиган) фойдали бўлиши мумкин. Бу айниқса ўлчашларнинг бир хилдаги методикалари битта айrim операцияларни ўз ичига олганда фойдали ёндашув бўлади. Ҳар бир операциянинг алоҳида ноаниқликлари у ҳолда умумий ноаниқлика хисса қўшади.

Амалиётда таҳлилий ўлчашларда кўпроқ одатий бўлиб кузатилаётган прецизионлик ва солиширувнинг мос келувчи намуналарига нисбатан силжиш каби методнинг умумий эффективлиги элементлари хисобланади. Бу ташкил этувчилар одатда ноаниқлик баҳосига ортикроқ хисса қўшади ва натижага таъсир этувчи алоҳида эфектлар кўринишида яхшироқ тузилади. Бундай ҳолда бошқа мумкин бўлган ҳиссаларни фақатгина уларни аҳамиятлигини текшириш учун, улардан фақатгина аҳамиятлиларини миқдорий аниқлаб баҳолаш лозим,

Ноаниқликтининг типик манбалари бўлиб қуйидагилар хисобланади:

### *Намуна танлаш*

Лабораторияда ёки бевосита тахлил обьектида бажариладиган намуна танлаш операциялари тахлилий методика кисми бўлган ҳолларда намуналар ўртасидаги тасодифий фарқлар ва намуна танлаш процедурасида силжиш (систематик хатоликнинг) юзага келиши учун ҳар қандай имкониятлар каби эфектлар сўнгги натижага ноаниқлигининг ташкил этувчиларини шакллантиради.

### *Намуналарни сақлаши шартлари*

Ўлчанаётган (синалаётган) намуналар ўлчашлар бажарилгунга қадар қандайдир вақт давомида сақланса, сақлаш шартлари натижага таъсир этиши мумкин. Шунинг учун, сақлаш давомийлиги, шунингдек сақлаш шартлари ноаниқлик манбалари сифатида кўрилиши лозим.

### *Аппаратура эфектлари*

Бундай эфектлар, масалан, аналитик тарозилар аниқлик чегараларини; рўйхатга олингандаридан фарқ қилувчи (берилган чегараларда) ўртача температурани ушлаб тураладиган температура ростлагичининг мавжудлигини; ортиқча юклаш эфектларига дучор қилиниши мумкин бўлган автоматик анализаторни ўз ичига олиши мумкин.

### *Реактивлар тозалиги*

Хаттоқи бошлангич реактив текширилган бўлса ҳам бу текширув методикаси билан боғлиқ бўлган қандайдир ноаниқлик қолганлиги сабабли титрлаш учун эритма концентрацияси абсолют аниқлиқда белгиланиши мумкин эмас. Кўп реактивлар, масалан, органик бўёқлар 100 % га тоза бўлиб хисобланмайди ва таркибида изомерлар ва анорганик тузлар бўлиши мумкин. Бундай моддалар тозалиги тайёрловчи томонидан камида ўшандай даражада кўрсатилади. Тозалик даражасига тегишли бўлган ҳар қандай тахминлар ноаниқлик элементини киритади.

### *Тахмин қилинган стехиометрия*

Таҳлилий жараён аниқланган стехиометрияга бўйсунади деб тахмин қилинган ҳолларда кутилаётган стехиометриядан оғишиларни ёки реакциянинг тўлиқ эмаслигини ёки ёрдамчи реакцияларни ҳисобга олиш зарур бўлиши мумкин.

### *Үлчашлар шартлари*

Үлчовли шиша идиш, масалан, у калибрланган температурадан фарқ қилувчи температурада қўлланилиши мумкин. Катта температура эфектлари тузатишлар киритиш билан ҳисобга олиниши лозим, бироқ бу ҳолда ҳам суюқлик ва шиша температураси қийматларидаги ҳар қандай ноаниқлик кўриб чиқилиши лозим. Шунга ўхшашиб, агар қўлланилаётган материаллар намликнинг мумкин бўлган ўзгаришларига сезувчан бўлса атрофдаги ҳавонинг намлиги аҳамиятга эта бўлиши мумкин.

### *Намунанинг таъсири*

Мураккаб матрица таркиби аниқланаётган компонентнинг чиқариб олинишига ёки асбобнинг жавобига таъсир кўрсатиши мумкин. Аниқланаётган компонентни топиш шаклига сезувчанлик бу таъсири янада кучайтириш мумкин.

Намуна ёки аниқланаётган компонент барқарорлиги таҳлил жараёнида иссиқлик режимининг ёки фотолитик эфектнинг ўзгариши сабабли ўзгариши мумкин.

Чиқариб олиш даражасини баҳолаш учун баъзи «машхур қўшимча» ишлатилганда аниқланаётган компонентнинг намунадан аниқ чиқиши қўшимчани чиқариб олиш даражасидан фарқ қилиши мумкин, бу эса баҳолаш лозим бўлган қўшимча ноаниқликни киритади.

### *Ҳисоблаш эфектлари*

Даражалаш вактида мос келмайдиган моделни танлаш, масалан, ночизиқ жавобда чизиқли даражалашдан фойдаланиш жуда ёмон мослаштиришга ва кўпроқ ноаниқликка олиб келади.

Рақамларни олиб ташлаш ва яхлитлаш охирги натижанинг нотўғрилигига олиб келиши мумкин. Модомики бу вазиятларни олдиндан айтиш қийин экан баъзи бир ноаниқликка жоизлик тўғри деб топилиши мумкин.

### *Бўши намунага тузатиш*

Бўш намунага тузатиш қийматининг баъзи бир ноаниқлиги бу тузатишнинг зарурлигига шубҳа билан баробар ўринга эга бўлади. Бу айникса изларни таҳлил қилишда муҳимдир.

### *Операторнинг таъсири*

Үлчаш асбобларининг пасайтирилган ёки кўтарилилган кўрсаткичларини рўйхатга олиш мумкинлиги.

Методика интерпретациясида аҳамиятга эга бўлмаган фарқларнинг мумкинлиги.

### *Тасодифий эфектлар*

Тасодифий эфектлар барча аниқлашларда ноаниқликларга хисса кўшади. Бу бандни ўз-ўзидан маълум нарса сифатида ноаниқлик манбалари рўйхатига киритиш лозим.

## **7.5. Ноаниқликни тақдим этиш**

### *Умумий қоидалар*

Үлчаш натижаси билан бирга тақдим этиладиган ахборот унинг кейинги фойдаланиш мақсадига боғлиқ. Бунда куйидаги принципларни қўллаш лозим:

- агар янги ахборот ёки янги маълумотлар пайдо бўлса ноаниқлик баҳосини аниқлаштиришни ўтказиш учун етарли ахборотни тақдим этиш;
- етарли бўлмаган ахборотга қараганда керагидан ортиқ ахборотни тақдим этиш афзалроқдир.

Агар үлчаш тафсилотлари, ноаниқлик қандай баҳоланганинг ўз ичига олиб, чоп этилган хужжатларга тавсиялар кўринишида берилган бўлса бу хужжатлар долзарблаштирилиши ва лабораторияда қўлланилаётган методга мувофиқ бўлиши лозим.

### *Талаб қилинаётган ахборот*

Үлчаш натижасининг тўлиқ тақдим этилиши қуйидаги ахборотни ёки бундай ахборотни ўз ичига олган хужжатларга тавсияни ўз ичига олиши лозим:

- үлчаш натижасини ва унинг ноаниқлигини экспериментал кузатишлар ва кириш катталиклари ҳақидаги маълумотлар асосида ҳисоблаш учун фойдаланиладиган методларни тасвирлаш;
- ҳисоблашда ҳам, ноаниқликларни таҳлил қилишда ҳам фойдаланиладиган барча тузатишлар ва доимийликларнинг қийматлари ва манбалари;
- ноаниқликнинг барча ташкил этувчиларининг уларнинг хар бирига тегишли тўлиқ хужжатлари билан рўйхати.

Маълумотлар ва уларнинг таҳлили барча мухим босқичларни осон кузатиб туриш ва зарурият бўлганда сўнгги натижани ҳисоблашни қайтариш мумкин бўладиган тарзда тақдим этилиши лозим. Оралиқ қийматларни ўз ичига олган натижани батафсил

тақдим этиш талаб этилган ҳолларда ҳисобот қуидагиларни ўз ичига олиши лозим:

- ҳар бир кириш катталигининг қиймати, унинг стандарт ноаниқлиги ва унинг қандай олингандығын таърифи;

- натижә ва кириш катталиклари, шунингдек, бүтіншілктердегі ҳисобга олиш учун фойдаланылған айрим ҳосилалар, ковариациялар ёки корреляция коэффициентлари ўртасидаги ўзаро муносабат;

- ҳар бир кириш катталигининг стандарт ноаниқлиги учун эркинлік даражалари сони.

Изоҳ - Функционал боғлиқлик жуда мураккаб бўлган ёки аник қўринишда мавжуд бўлмаган ҳолларда (масалан, у фақатгина компьютер дастури сифатида мавжуд бўлиши мумкин) у умумий қўринишда ёки мувофиқ манбага тавсия йўли билан ифодаланиши мумкин. Бундай ҳолларда кимёвий тахлил натижаси ва унинг ноаниқлиги қандай қилиб олингандығы ҳар доим аник бўлиши лозим.

Оддий тахлиллар натижаларини тақдим этишда фақатгина кенгайтирилган ноаниқлик қийматини ва к қийматни кўрсатиш етарли бўлиши мумкин.

#### *Стандарт ноаниқликни тақдим этиши*

1. Ноаниқликни  $u_c$  якуний стандарт ноаниқлик қўринишида ифодаласангиз (яъни, битта стандарт оғиш қўринишида) ёзувнинг қуидаги шакли тавсия этилади:

«(Натижә):  $u_c$  (бирликлар) стандарт ноаниқликда X (бирликлар), [стандарт ноаниқлик Метрология соҳасидаги асосий ва умумий атамалар Халқаро лугати, 2-нашр, ИСО, 1993й. га мувофиқ аниқланадиган ва бир стандарт оғишга мувофиқ келадиган жой]».

## **7.6. Стандарт намуналар ноаниқлиги**

Кўпчилик СН лар учун, айниқса лабораториялараро эксперимент методи билан аттестатланыётган СН лар учун метрологик тавсифнома сифатида хатолик тушунчасидан кўра ноаниқлик тушунчасидан фойдаланиш мантиқиyoқdir. Шу сабабли СН ишлаб чиқувчилар, айниқса Farbий Европа мамлакатларининг СН ишлаб чиқувчилари СН га сертификатда кўрсатилганидек уларнинг аттестатланган қийматларини белгилаш ноаниқлиги тавсифномаларини келтирадилар.

СН нинг аттестатланган қийматларининг ноаниқлиги қуидаги тарзда ифодаланиши мумкин:

Сертификатда «кенгайтирилган» ёки «жамланган» сифатларсиз ноаниқлик белгиланган. Масалан, «MBN Analytical Ltd» (Англия) фирмаси чиқарган O'z DSN 03.0305:2004 СН «Ноаниқлик» тавсифномасига эга.

Сертификатда қандайдир ( $P$ ) ишончли эҳтимоллигига ва ( $K$ ) қамров коэффициентида кенгайтирилган ноаниқлик белгиланган. Масалан, «Paragon Scientific Ltd» (Англия) фирмаси чиқарган O'z DSN 03.0241:2004 СН « $P=95\%$  ишончли эҳтимоллигига ва  $K=2$  қамров коэффициентида ( $U$ ) кенгайтирилган ноаниқлик тавсифномасига эга.

Сертификатда қандайдир ( $P$ ) ишончли эҳтимоллигига қамров коэффициентини кўрсатмасдан кенгайтирилган ноаниқлик белгиланган. Масалан, «Petrolet Analyzer Corporation Gmbh» (Германия) фирмасининг СН « $(S_p)$  ўртача квадрат оғишга эга бўлган методика бўйича ( $P$ ) ишончли эҳтимоллиги лабораториялар ( $n$ ) иштирокида олинган  $U = (t \cdot S_{(P)}) / \sqrt{n}$  ўртача қийматнинг кенгайтирилган ноаниқлиги».

Хатолик ва ноаниқлик тавсифномаларининг тўғридан-тўғри таққосланиши тўғри эмас, шунинг учун қоидага кўра бу метрологик асбобларнинг статистик баҳолари таққосланади.

Агар стандарт ёки якуний ноаниқлик берилган бўлса, у холда уларнинг баҳоларига ўртача квадратик оғишлар мос бўлади:

$$\sigma(A) = u(A),$$

ёки

$$\sigma(A) = u_c(A),$$

бу ерда  $u(A)$  ва  $u_c(A)$  - СН нинг аттестатланган қийматини белгилашнинг мос стандарт ва якуний ноаниқлиги;

$A$  - СН нинг аттестатланган қиймати;

$\sigma(A)$  - СН нинг аттестатланган қийматининг ўртача квадратик оғиши.

Агар ( $P$ ) ишончли эҳтимоллиги ва ( $k$ ) қамров коэффициентида кенгайтирилган ноаниқлик берилган бўлса ёки ( $U_p$ ) ишончли эҳтимоллигиги кўрсатиш билан ва ( $k_p$ ) ишончли эҳтимоллигини кўрсатиб қамров коэффициентини кўрсатиш билан

кенгайтирилган ноаниқлик берилган бўлса, у ҳолда унинг баҳосига ўртacha квадратик оғиш мос бўлади:

$$\sigma(A) = U(A)/k,$$

ёки

$$\sigma(A) = U_p(A)/k_p,$$

бу ерда  $U(A)$  ва  $U_p(A)$  - СН нинг аттестатланган қийматини белгилашнинг мувофиқ кенгайтирилган ва белгиланган ишончли эҳтимоллиги билан кенгайтирилган ноаниқлик.

Агар қандайдир ( $P$ ) ишончли эҳтимоллигига қамров коэффициентини кўрсатмасдан кенгайтирилган ноаниқлик берилган бўлса ва бунда ёки лабораториялар, стандарт намуналарнинг метрологик тавсифномаларини баҳолаш бўйича лабораторияларро эксперимент қатнашчилари сони ёки эркинлик даражасининг мувофиқ сони билан ( $t$ -критерий) Стъюдент критерийси кўрсатилган бўлса, у ҳолда унинг баҳосига ўртacha квадратик оғиш мос келади:

$$\sigma(A) = [U(A)\sqrt{n}]/t.$$

Ноаниқликни ўртacha квадратик оғиш кўринишида ифодалангандан сўнг СН танлаш худди ўлчаш воситалари (СН) хатолиги тенг эҳтимолликлар қонуни бўйича тақсимланганидек ўлчаш воситалари учун амалга оширилганидек аниқлик бўйича амалга оширилади.

### **Такрорлаш учун саволлар.**

1. Ўлчашлар ноаниқлиги нима?
2. Стандарт ноаниқлик нима?
3. Ўлчашлар ноаниқлиги қандай баҳоланади?
4. Ноаниқликни баҳолаш жараёни неча босқичдан иборат?

## **VIII-боб. Ўлчаш воситалари**

### **Режа.**

- 8.1. Ўлчаш воситаларининг аниқлик класслари.
- 8.2. Ўлчаш воситаларининг асосий метрологик тавсифлари.
- 8.3. Ўлчаш асбобларининг табақаланиши. Аналогли ўлчаш асбоблари.
- 8.4. Электромеханик туридаги аналогли асбоблар тўғрисида умумий маълумотлар.
- 8.5. Электромеханик туридаги ўлчаш асбобларининг турлари, метрологик тавсифлари.
- 8.5.1. Магнитоэлектрик ўлчаш асбоблари.
- 8.5.2. Электромагнит тизимли ўлчаш асбоблари.
- 8.5.3. Электродинамик ўлчаш асбоблари.
- 8.5.4. Электростатик ўлчаш асбоблари.
- 8.5.5. Индукцион тизимли ўлчаш асбоблари.

**Таянч сўзлар:** аниқлик класси, метрологик тавсиф, ўзгартиш функцияси, сезирлиқ, вариация, ўлчаш диапазони.

### **8.1. Ўлчаш асбобларининг аниқлик класслари**

Одатда ўлчаш асбоби олинадиган натижага киритувчи хатолигини олдиндан белгилаш учун хатоликнинг меъёрланган қийматидан фойдаланилади. Хатоликнинг меъёрланган қиймати деганда берилган ўлчаш воситасига тегишли бўлган хатоликни тушунамиз. Алоҳида олинган ўлчаш воситасининг хатолиги ҳар хил, мунтазам ва тасодифий хатоликларининг улуши эса турлича бўлиши мумкин. Аммо, яхлит олиб қаралганда ўлчаш воситасининг умумий хатолиги меъёрланган қийматдан ортиб кетмаслиги керак. Ҳар бир ўлчаш асбобининг хатоликларини чегараси ва таъсир этувчи коэффициентлар ҳақидаги маълумотлар асбобнинг паспортида келтирилган бўлади.

Ўлчаш асбоблари кўпинча йўл қўйилиши мумкин бўлган хатолиги бўйича классларга бўлинади. Масалан: электромеханик туридаги кўрсатувчи асбобларда стандарт бўйича куйидаги аниқликлар ишлатилади:

$$\delta_{a,k} \in \{0,02; 0,05; 0,1; 0,2; 0,5; 1; 1,5; 2,5; 4\}$$

Одатда, асбобларнинг аниқлик класлари асбобнинг шкаласида берилади ва уларнинг келтирилган хатолигини билдириб, қуидагича боғланган бўлади

$$\delta_{a,k} = \beta_{k,max} \geq \beta_k; \quad \delta_{a,k} = \beta_{k,max} \geq \beta_k = \Delta/A_{x,max}$$

Агар ўлчаш асбобининг шкаласидаги аниқлик класи айлана билан чегараланган бўлса, масалан 1,5, у ҳолда бу асбобнинг хатолиги шкала охирида 1,5 % га тенглигини билдиради.

Агар ўлчаш асбобининг аниқлик класи чизиқчасиз бўлса, у ҳолда аниқлик класи рақами келтирилган хатоликнинг қийматини билдиради. Лекин бир нарсани унумаслик лозим, agar асбоб, масалан амперметр келтирилган хатолик бўйича 0,5 класс аниқлигига эга бўлса, унинг барча ўлчаш диапазони оралигидаги хатоликлари  $\pm 0,5\%$  дан ортмайди дейишилик хато бўлади. Чунки, бу турдаги асбобларда шкаланинг бошланишига яқинлашган сари ўлчаш хатолиги ортиб бораверади. Шу сабабдан бундай асбобларда шкаланинг бошлангич бўлакларида ўлчаш тавсия этилмайди.

Агар асбобнинг шкаласида аниқлик класи ёнбош каср чизиги билан берилган бўлса, масалан,  $0,02/0,01$  у ҳолда асбобнинг шкаласининг охиридаги хатолиги  $\pm 0,02\%$  шкаланинг бошида эса  $\pm 0,01\%$  эканлигини билдиради.

## 8.2. Ўлчаш асбобларининг асосий метрологик тавсифлари

Хар қандай ўлчаш асбобини танлашда энг аввало унинг метрологик тавсифларига эътибор беришимиз лозим бўлади.

**Ўзгартириши функцияси** - буни аналоги ўлчаш асбобларида шкала тенгламасидан ҳам билишимиз мумкин. Танланётган асбобда ўзгартириш функцияси чизиқли бўлиши қайдномаларни олишни осонлаштиради, субъектив хатоликларни эса камайтиради.

**Сезгирилиги.** Умуман сезгирилик - бу ўлчаш воситасининг ташқи сигналга нисбатан таъсиричанлиги, сезувчанлигидир. Умумий ҳолда сезгирилик ўлчаш воситасининг чиқиши сигнални орттирмасини, кириш сигнални орттирмасига нисбатидан аниқланади:

$$S = \lim_{\Delta X \rightarrow 0} \Delta Y / \Delta X \approx \Delta Y / \Delta X;$$

Бевосита кўрсатувчи асбоблар учун сезгирилик асбоб кўзғалувчан қисмининг оғиш бурчагини ўлчанадиган катталик бўйича биринчи ҳосиласи бўлиб, қуидагича ифодаланади:

$$S = d\alpha/dx,$$

бу ерда  $d\alpha$  - асбоб кўзғалувчан қисмининг оғиш бурчаги.

**Сезгирилик останаси** - бу ўлчанадиган катталиктининг шундай энг кичик (бошлангич) қийматики, у ўлчаш асбобининг чиқиши сигналини сезиларли ўзгаришига олиб келади.


$$S = X_{min}/X_{nom} * 100 \%,$$

бу ерда  $X_{min}$  - ўлчанадиган кагваликнинг энг кичик (бошлангич) қийматидир.

**Асбоб кўрсатишининг вариацияси** - ўлчанаётган катталиктининг бирор қийматини, ўлчаш шароитини ўзgartирмаган ҳолда, такрор ўлчаганда ҳосил бўладиган энг катта фарқдир ва у қуидагича аниқланади:

$$\gamma = (A_0' - A_0'')/A_{x,max} * 100 \%,$$

бу ерда  $A_0'$ ,  $A_0''$  - ўлчанаётган катталиктининг (намунаий асбоб ёрдамида) такрор ўлчашдаги қийматлари. Вариация асосан кўзғалувчан қисми таянчга ўрнатилган асбобларда ишқаланиш ҳисобига келиб чиқади.



**Асбобнинг ўлчаши хатолиги.** Бу хатолик сифатида мутлақ хатолик, нисбий хатолик ёки келтирилган хатолик берилган бўлиши мумкин. Бу хатоликлар хусусида олдинги мавзууларда етарли маълумотлар берилган.

**Үлчаш диапазони.** Бу асосан кўп диапазонли асбобларга тегишли. Аксарият ҳолларда асбобнинг ҳар бир үлчаш диапазонига таалукъли хатоликлари ҳам берилади.

**Хусусий энергия сарфи.** Бу тавсиф ҳам муҳим ҳисобланиб, асбобнинг үлчаш занжирига уланганидан сўнг киритиши мумкин бўлган хатоликларини баҳолашда аҳамиятли саналади. Айниқса, кам қувватли занжирларда үлчашларни бажаришда бу жуда муҳимдир.

Хусусий энергия сарфи үлчаш асбобининг тизимига ва конструктив ишланишига боғлиқ бўлиб, айниқса, кичик қувватли занжирларда үлчашларни бажаришда жуда муҳимдир.

**Ишончлилиги (чиdamлилиги)** – үлчаш воситасининг маълум үлчаш шароитида, белгиланган вақт мобайнида ўз метрологик хусусиятларини (кўрсаткичларини) сақлашидир. Бу кўрсаткичларни чегарадан чиқиб кетиши асбобни лаёқатлиги пасайиб кетганинидан далолат беради. Үлчаш асбобининг ишончлилиги, одатда, бузилмасдан ишлаш эҳтимоллиги билан баҳоланади ва тахминан куйидагича топилади.

$$\tau = n / n_{ym},$$

бу ерда  $n$ - ишончлиликка синалган асбоблар сони;

$n_{ym}$  - умумий (кўп серияли) ишлаб чиқарилган асбоблар сони.

Аксарият үлчашларда бирор сигнални бошқа турга ўзгартриш лозим бўлади. Ушбу вазифани одатда үлчаш ўзгарткичлари бажаради.

**Үлчаш ўзгарткичи** деб үлчаш маълумоти сигналини ишлаб чиқиш, узатиш, кейинчалик ўзгартриш, ишлов бериш ва ёки сақлашга мўлжалланган, лекин кузатувчининг кўриши учун мосланмаган үлчаш воситасига айтилади.

Үлчаш ўзгарткичларининг турлари жуда кўп. Одатда үлчаш занжирида биринчи бўлган, яни үлчанаётган катталик сигналини қабул қиласиган үлчаш ўзгарткичига бирламчи үлчаш ўзгарткичи дейилади. Ундан кейинги жойлашган үлчаш ўзгарткичларига эса оралиқ ўзгарткичлар номи берилган.

Үлчаш ўзгарткичларининг кенг тарқалган турларига **масштабли** ва **параметрик** үлчаш ўзгарткичлари киради.

Масштабли үлчаш ўзгарткичлари үлчаш сигналини шу турдаги, факат бошқа қийматдаги сигналга масштабли (аник) тарзда айлантириб беради. Масалан, электр токининг масштабли үлчаш ўзгарткичларига шунтлар, кучланишникига эса бўлувчилар (делитель) номи берилган.

Параметрик үлчаш ўзгарткичларида киришдаги сигнал турлича (механик силжиш ёки кўчиш, босим, оғирлик кабилар) бўлиб, чиқищдагиси эса факат электр сигнални (электр қаршилиги, электр сигфими каби) бўлади.

Параметрик үлчаш ўзгарткичлари резисторли, сигфимли, тензометрик, индуктив гурухларига бўлинади.

### 8.3. Үлчаш асбобларининг табакаланиши. Аналогли үлчаш асбоблари.

Куйидаги жадвалда ҳозирда ишлатилиб келинаётган ва чиқарилаётган үлчаш асбобларининг гурухлари келтирилган. Одатда, үлчаш асбобларининг номида ушбу гурух ва модификация тартиб рақамлари берилган бўлади:


8.1-жадвал

Гурух	Гурух номи	Кичик гурух	Кичик гурух номи
B	Кучланишни үлчаш асбоблари	B1 B2 B3 B4 B7	V-метрларни киёслаш қурилмалари Ўзгармас ток вольтметрлари Ўзгарувчан ток вольтметрлари Импульси вольтметрлар Универсал вольтметрлар
E	Занжир ва унинг элементларининг параметрларини үлчаш асбоблари	E1 E2 E3 E7 E8 Ч1	Киёслаш қурилмаси Актив қаршилик ўлчовлари Индуктивлик ўлчовлари Индуктивлик асбоблари Сигфимни үлчаш асбоблари Киёслаш қурилмаси
Ч	Частотани үлчаш асбоблари	Ч2 Ч3 Ч5	Резонанс частотомерлар Электрон хисоблаш частотомерлари Кварцли частотомерлар

C	Сигнал ва спектрни ўлчаш асбоблари	C1	Электрон нурли осциллографлар
		C2	Модуляция чукурлиги асбоблари
		C4	Спектр анализаторлари

#### 8.4. Электромеханик туридаги аналоги асбоблар түрлерида умумий маълумотлар

Ўлчаш асбоби деб, ўлчаш учун кўлланиладиган ва мөъёрланган метрологик хоссаларга эга бўлган техник воситага айтилади. Аналоги ўлчаш асбоблари ёки бевосита кўрсатувчи асбоблар электр ўлчашлар ва умуман ўлчаш техникасида кенг ўрин олган асбоблардан хисобланади. Бу турдаги асбобларда кўрсатув қайдномаси узлуксиз (функционал) равишда ўлчанаётган катталик билан боғлиқликда бўлади. Бу турдаги асбобларнинг структура схемаси 8.1-расмда кўрсатилган.



8.1 расм. Аналоги ўлчаш асбобининг структура схемаси

Бевосита кўрсатувчи электр ўлчаш асбоблари, (хусусан электромеханик асбоблари) икки асосий қисмдан, яъни ўлчаш занжири ва ўлчаш механизмидан иборат деб қараш мумкин.

**Ўлчаш занжири** ўлчанадиган электр катталикини (кучланиш, кувват, частота ва хоказони) унга пропорционал бўлган ва ўлчаш механизмига таъсир қилувчи катталикка ўзгартириб беради.

**Ўлчаш механизми** унга бериладиган электр энергиясини кўзгалувчан қисм ва у билан боғлиқ бўлган кўрсатич харакатининг механик энергиясига айлантириб беради. Электромеханик ўлчаш механизмлари магнитоэлектрик, электромагнит, электродинамик, индукцион ва электростатик механизмлардан иборат бўлади.

Ўлчаш асбоблари қайси тизимга таалуқли механизмдан иборат бўлишидан қатъий назар, асбоб кўзгалувчан қисмининг харакатланиши электромагнит майдон энергиясининг ўзгаришига боғлиқ.

Ўлчанадиган катталик таъсири остида ҳосил бўлиб, асбоб кўрсаткичини кўпайиш томонига оғдирувчи момент айлантирувчи момент дейилиб, у умумий ҳолда қуйидагича ифодаланади:

$$M=dW_e/d\alpha, \quad (8.1)$$

бу ерда  $W_e$  - электромагнит майдон энергияси,  $\alpha$  - асбоб кўзгалувчан қисмининг бурилиш бурчаги.

Юкоридаги ифодани (8.1) бошқача кўринишда ёзиш мумкин:


$$M=F(X, \alpha),$$

яъни айлантирувчи моментни ўлчанадиган катталик ва асбоб кўзгалувчан қисмининг бурилиш бурчаги функцияси деб қараш мумкин. Ўлчаш асбобининг кўзгалувчан қисмiga айлантирувчи моментдан ташқари акс (тескари) таъсир этувчи момент ҳам таъсир этиши лозим. Акс таъсир этувчи момент бўлмагандан эди, асбобнинг стрелкаси шкаласидан четга чиқиб кетган бўлар эди. Акс таъсир этувчи момент айлантирувчи моментга қарама-карши йўналган бўлиб, кўзгалувчан қисмининг бурилиш бурчаги катталashiши билан ортиши лозим. Акс таъсир этувчи момент  $M_\alpha$  айлантирувчи моментга тенглашгунча ( $M=M_\alpha$ ) кўзгалувчан қисм айлантирувчи момент таъсиридан бурилади. Кўп электр ўлчаш асбобларида акс таъсир этувчи момент тортки, пружина ва осмаларнинг буралиши билан ҳосил қилинади. Бундай қурилмада акс таъсир этувчи момент кўзгалувчан қисмининг бурилиш бурчагига тўғри пропорционал бўлади, яъни  $M_\alpha = W \cdot \alpha$ , бу ерда  $W$  тортки ёки пружинанинг материали ва унинг ўлчамларига боғлиқ бўлган ўзгармас катталик, бу  $\alpha$  бурчагининг бирлигига ( $1^\circ$  ёки 1 радианга) мос келувчи момент бўлиб, солиштирма акс таъсир этувчи момент деб аталади.

Асбоб кўзгалувчан қисмининг тургун бурилиш ҳолати айлантирувчи ва акс таъсир этувчи моментларнинг тенглигидан топилади  $M=M_\alpha$  ва у умумий ҳолда қуйидагича ифодаланади:

$$\alpha = \frac{1}{W} \cdot F(X, \alpha) \quad (8.2)$$

бу ҳолатни 8.2-расмда кўрсатилган графикдан ҳам кузатиш мумкин.



### 8.2 расм

Асбоб динамик режимда ишлаганида, бошқача айтганда асбоб кўрсаткичи (сурилишида) жойидан кўзгалаётганида, юкорида айтилган айлантирувчи ва акс таъсир этувчи моментлардан ташқари бошқа моментлар ҳам ҳосил бўлади. Бу моментлар кўзғалувчан қисмнинг инерция моментидан, ташки муҳит қаршилигидан ва металл элементлари бўлган ҳолда ҳосил бўладиган уюрма ток ва хоказолардан вужудга келади.

Асбоб кўзғалувчан қисмнинг ҳаракатланганида вужудга келадиган ва унинг ҳаракатини тинчлантиришга интилевчи момент - тинчлантирувчи момент дейилади.

$$M_T = P(d\alpha/dt) \quad (8.3)$$

Бу момент тинчлантириш коэффициенти  $P$  га ва кўзғалувчан қисмнинг бурчакли тезлигига  $d\alpha/dt$  пропорционалдир. Тинчлантирувчи момент маълум даражада асбобнинг муҳим эксплуатацион параметрларидан бири - тинчланиш вақтини белгилайди.


### 8.5. Электромеханик туридаги ўлчаш асбобларининг турлари, метрологик тавсифлари

Электромеханик турдаги асбоблар магнитоэлектрик, электромагнит, электродинамик, ферродинамик, электростатик ва индукцион тизимли асбобларга бўлинади. Бу тизимдаги асбоблар нисбатан кенг тарқалган бўлиб, қуйидаги 8.1-жадвалда уларнинг тавсифлари келтирилган.

8.1-жадвал.

Асбоб тизими	Шартли белгиси		Ток тури	Частота диапазони	Айлантирувчи момент тенгламаси	Шкала тенгламаси	Аниқлик класслари	Вазифаси
	$M_{\alpha, \text{мех}}$	$M_{\alpha, \text{эл}}$						
МЭ			-	0	$B_{sw}I$	$KX$	$0,1;0,2;0,5$	A, V, $\Omega$ , G
			-	0	$B_{sw}I$	$KX$	-//-	-//-
ЭМ			1~	kHz	$\frac{1}{2} I^2 \frac{dL}{d\alpha}$	$KX^2$	$0,5;1,1;1,5$	A, V, Hz, $\Phi$
ЭД			1~	Бир неча ўн kHz ларда	$I_1 I_2 \frac{dM_{1,2}}{d\alpha}$	$KX_1 X_2$	$0,05;0,1;0,2$	A, V, W, Hz, $\Phi$
ФД			1~	- // -	$KI_1 I_2$	$KX_1 X_2$	$0,5;1,1;1,5$	-//-
ЭС			~	MHz	$\frac{1}{2} U^2 \frac{dC}{d\alpha}$	$KX^2$	$0,5;1,1;1,5$	V
И			~	50 Hz	$c f \Phi_1 \Phi_2 i n \psi$	$KN$	$1;1,5;2$	W, Wh

### 8.5.1. Магнитоэлектрик ўлчаш асбоблари



8.3-расм. Магнитоэлектрик ўлчаш асбоби.

Магнитоэлектрик ўлчаш асбоби 1-доимий магнит; 2-магнит кутуб учликлари; 3-ўзак; 4-чулғам (қўзғалувчан рамка); 5, 6-ўқ; 7, 8-спиралсимон пружиналар; 9-стрелка; 10-посонгилардан тузилган.

Рамкадан ўтаётган ток билан доимий магнит майдонининг ўзаро таъсирида рамкани ҳаракатга келтирувчи жуфт куч  $F=BIlw$  ҳосил бўлади. Ифодадаги  $B$ -кутуб учликлари ва цилиндросимон ўзак оралиғидаги магнит индукцияси;  $w$ -рамканинг ўрамлар сони;  $l$ -магнит майдонида жойлашган рамка фаол қисмининг узунлиги;  $I$ -рамкадан ўтадиган ток. Бу кучларнинг йўналиши чап қўл қоидасига биноан топилади ва улар ҳосил қилган айлантирувчи момент қўйидагича ифодаланади:

$$M = 2F \frac{b}{2} = Fb = BIlbw = BswI, \quad (8.4)$$

бу ерда  $b$ -рамканинг кенглиги;  $s$ -рамканинг юзаси.

Айлантирувчи момент таъсирида рамка ўқ атрофида айланганида спираль пружиналар буралиб тескари таъсири этувчи момент  $M_\alpha$ -ҳосил қиласи.

$$M_\alpha = -W \cdot \alpha, \quad (8.5)$$

бу ерда  $W$ -солиштирма тескари таъсири этувчи момент бўлиб, спирал пружинанинг материали ва ўлчамларига боғлиқ;  $\alpha$  -

рамканинг бурилиш бурчаги (асбоб кўрсаткичининг шкала бўйлаб сурилишини кўрсатадиган бурчак ёки бўлаклар сони.)

Рамкага таъсири этаётган икки момент (айлантирувчи ва тескари таъсири этувчи) ўзаро тенглашганда ( $M=M_\alpha$ ) рамка ҳаракатдан тўхтаб, мувозанат ҳолатида бўлади (ёки бу ҳолатни асбоб қўзғалувчан қисмининг тургун мувозанат ҳолати дейилали)

$$BswI = W\alpha, \quad (8.6)$$

бундан

$$\alpha = \frac{Bsw}{W} I \quad (8.7)$$

Охирги ифода магнитоэлектрик ўлчаш асбобларининг шкала тенгламаси деб аталади. Агар магнит индукцияси  $B$  ни, рамканинг юзаси  $S$  ни, унинг ўрамлар сони  $w$  ва солиштирма тескари таъсири этувчи момент  $W$  ларнинг ўзгармаслигини ҳисобга олиб,  $Bsw/W=S$ ; десак, у ҳолда  $S$  ни ўлчаш механизмини ток бўйича сезгирилиги дейилади, яъни  $S=\text{const}$ .

Шуни ҳисобга олиб, (8.7) ни қўйидагича ёзиш мумкин:

$$\alpha = S_I I, \quad (8.8)$$

яъни рамканинг бурилиш бурчаги  $\alpha$  ўлчанадиган токнинг қийматига тўғри пропорционал, бундан чиқадики, токнинг йўналиши ўзгарса,  $\alpha$  нинг ҳам йўналиши ўзгаради. Шу сабабли магнитоэлектрик ўлчаш асбоблари ўзгармас ток занжира ишлатилади ва уларнинг шкаласи бир текис даражаланади.

Магнитоэлектрик ўлчаш механизмлари амперметр, вольтметр, омметр ва гальванометрлар сифатида ишлатилади.


#### Афзалликлари:

- шкаласи тўғри чизиқли;
- сезгирилиги юкори;
- ўлчаш хатолиги кичик.

#### Камчиликлари:

- факат ўзгармас ток занжирларидагина ишлай олади;
- бевосита катта қийматдаги токларни ўлчай олмайди;
- таннархи баланд.

### 8.5.2. Электромагнит тизимли ўлчаш асбоблари



8.4-расм. Электромагнит ўлчаш асбоби

Электромагнит ўлчаш механизми 1 - кўзгалмас электромагнит ғалтаги; 2- ўзак; 3- спиралсимон пружина; 4- тинчлантиргичдан иборат.

**Электромагнит ўлчаш механизмлари ясси** (8.4-а расм) ва думалоқ (8.4-б расм) ғалтакли қилиб тайёрланади. Бу ғалтаклар кўзгалмас бўлиб, улардан ўлчанувчи ток ўтади. Бунда ҳосил бўлган магнит майдони кўзгалувчан икки ўзакка таъсир этиши оқибатида (8.4-б расм) бу ўзак ғалтак ичига тортилади. Натижада ўқ айланиб кўрсаткични бирор бурчакка буради. 8.4-б расмда кўрсатилган механизимда кўзгалмас ва кўзгалувчан ўзаклар бир хilda магнитланади. Натижада кўзгалувчан ўзак кўзгалмас ўзакдан итарилиб ўқни айлантиради.

Умуман айлантирувчи момент  $M$  магнит майдони энергиясидан кўзгалувчан қисмнинг бурилиш бурчаги бўйича олинган ҳосиласига teng:

$$M = dW_e / da.$$

Ферромагнит ўзакли ғалтак магнит майдонининг энергияси:

$$W_e = \frac{1}{2} \cdot LI^2,$$

бу ерда  $L$  ғалтак индуктивлиги, у ўзакнинг ҳолатига ва ғалтакнинг ўлчамларига боғлик.

$I$  – ғалтақдан ўтаётган доимий ток.

Кўзғалувчан қисм мувозанат ҳолатида бўлганда:

$$M = M_\alpha \text{ ёки } \frac{1}{2} \cdot LI^2 = Wa, \quad (8.9)$$

бундан

$$\alpha = \frac{1}{2W} \cdot I^2 \frac{dL}{d\alpha} \quad (8.10)$$

(8.10) ифода электромагнит ўлчаш механизмларининг шкала тенгламаси деб аталади. Бурилиш бурчаги  $\alpha$  ўлчанаётган токнинг квадратига тўғри пропорционал. Ғалтақдан ўзгарувчан ток ўтганда ҳам  $\alpha$  учун бир хил (8.10) ифодага эга бўламиз. Бу ҳолда (8.9) ифодадаги  $I$  – токнинг эффектив қийматидир, шу сабабли электромагнит ўлчаш асбоблари ўзгарувчан ва ўзгармас ток занжирларида кўлланилиши мумкин. Уларнинг шкаласи нотекис бўлиб, квадратик характеристика эга ва бундай шкаланинг бошланғич қисмидан фойдаланиш анча нокулай.

Электромагнит ўлчаш механизмлари амперметр, вольтметр сифатида ва логометрик механизми принципида ясалганда эса фазометр, фарадометр ва чатотомерлар сифатида ишлатилади.


#### Афзаликлари:

- ҳам ўзгарувчан, ҳам ўзгармас ток занжирларида ишлатилади;
- бевосита катта қийматдаги токларни ҳам ўлчали мумкин;
- конструкцияси нисбатан содда.

#### Камчиликлари:

- шкаласи нотекис (квадратик) даражаланади;
- ўлчаш хатолиги бироз катта (магнитоэлектрикка нисбатан);
- сезгирилиги юқори эмас.

### 8.5.3. Электродинамик ўлчаш асбоблари



8.5-расм. Электродинамик ўлчаш асбоби

Электродинамик ўлчаш асбоби 1, 1'-кўзгалмас ғалтаклар; 2-кўзгалувчан ғалтақдан иборат.

Иккита бир хил 1 ва 1' кўзгалмас ғалтаклардан, кўзгалувчан 2 ғалтақдан ўзгармас токлар  $I_1$ ,  $I_2$  ўтганда ҳар бир ўрам атрофида магнит майдони ҳосил бўлади (8.5-расм).  $I_1$ ,  $I_2$  токлар ҳосил қилган магнит майдонларининг ўзаро таъсирида айлантирувчи момент  $M$  ҳосил бўлади. Токли кўзгалмас ва кўзгалувчан ғалтакларнинг электромагнит майдон энергияси қуйидагига тенг

$$W_e = \frac{1}{2} L_1 I_1^2 + \frac{1}{2} L_2 I_2^2 \pm I_1 I_2 M_{12}, \quad (9.11)$$

бу ерда

$L_1$ - кўзгалмас ғалтакнинг индуктивлиги;

$L_2$  - кўзгалувчан ғалтак индуктивлиги бўлиб, улар ғалтакларнинг ўзаро ҳолатига боғлиқ эмас;

$M_{12}$  – ўзаро индуктивлик коэффициенти бўлиб, унинг қиймати кўзгалмас ва кўзгалувчан ғалтак ўқлари ўртасидаги бурчакка боғлиқ.

$W_e$  қийматини (9.1) ифодага қўйиб айлантирувчи момент ифодасини ёзамиз.

$$M = I_1 I_2 \frac{dM_{12}}{d\alpha} \quad (9.12)$$

Айлантирувчи ва тескари таъсир этувчи моментлар ўзаро тенг бўлганларида асбоб қўзгалувчан кисми учун турғун мувозанат ҳолати вужудга келади.

$$I_1 I_2 \frac{dM_{12}}{d\alpha} = W \alpha, \quad (9.13)$$

бундан

$$\alpha = \frac{1}{W} I_1 I_2 \frac{dM_{12}}{d\alpha} \quad (9.14)$$

(9.14) ифода электродинамик ўлчаш механизмларининг шкала тенгламаси деб аталади. Токлар ўзгарувчан бўлса қуйидаги ифодага эга бўламиш:

$$\alpha = \frac{1}{W} I_1 I_2 \cos \varphi \frac{dM_{12}}{d\alpha}, \quad (9.15)$$

бу ерда  $\varphi = I_1$  ва  $I_2$  токлар ўртасидаги фаза силжиш бурчаги.  $I_1$  ва  $I_2$  токларнинг эффектив қиймати. Кўзгалмас ва кўзгалувчан ғалтаклар кетма-кет уланганда (9.15) ифода қуйидагича ёзилади:

$$\alpha = \frac{1}{W} I^2 \cos \varphi \frac{dM_{12}}{d\alpha} \quad (9.16)$$

Бундай асбобларнинг шкаласи нотекис (квадратик) характерга эга бўлади. Электродинамик ўлчаш механизмлари амперметр ва вольтметрлар сифатида кам ишлатилади. Улар асосан қувватни ўлчаш учун ваттметр сифатида ва логометрик механизми принципида ясалганида эса фазометр ва частотомер сифатида ишлатилади.

#### Афзаликлари:

- ҳам ўзгарувчан, ҳам ўзгармас ток занжирларида ишлатилади;
- юқори даражадаги аниқликка эга;
- электр қуввати сарфини ҳисоблашда қўлланилиши мумкин;
- бир вақтнинг ўзида иккита катталикни текшириш мумкин.

#### Камчиликлари:


- хусусий энергия сарфи катта;

- ташқи температурага боғлиқлиги кучли;
- катта кийматларни бевосита ўлчай олмайды.


#### 8.5.4. Электростатик ўлчаш асбоблари

Электростатик ўлчаш механизмлари кўзгалувчан ва қўзгалмас (пластинка) ўтказгичлардан иборат бўлиб, уларда айлантирувчи момент зарядланган икки система пластинкаларининг, ўтказгичларнинг ўзаро таъсирилашувидан ҳосил бўлади. Электростатик ўлчаш механизмларида кўзгалувчан қисмнинг ҳаракатга келиши (бурилиши) сифимнинг ўзгаришига яъни пластинкаларнинг актив юзаси ёки улар орасидаги масофани ўзгаришига боғлик бўлади. Шунинг учун бу система асбоблари факат кучланишини ўлчашда яъни вольтметр сифатида ишлатилади.

Биринчи турдаги электростатик ўлчаш механизмлари асосан 10 ва 100 вольтлардаги кучланишларни ўлчашда ишлатилади, иккинчи туридаги эса юқори, яъни киловольтлардаги кучланишларни ўлчашда ишлатилади.



8.6-расм.



8.7-расм.

6.6-расмда электродларнинг актив юзасини ўзгаришига боғлик бўлган механизм кўрсатилган. Унда 1-битта ёки бир нечта камерадан иборат бўлиб, ҳар қайси камера бир-биридан маълум масофада жойлашган иккита металл пластинкадан иборат бўлади. Агар кўзгалувчан ва қўзгалмас пластинкаларга ўлчанадиган кучланиш берилса, улар тескари ишорада зарядланади ва натижада

кўзгалувчан пластинка электростатик тортиш кучи таъсирида камера ичига тортилади.

Ўқ (3) га маҳкамланган кўзгалувчан пластинканинг кўзфалиши (бурилиши), тескари (акс таъсири этувчи) момент ҳосил қилувчи спирал пружинани (ёки тортқини) буралишига олиб келади. Айлантирувчи ва акс таъсири этувчи моментлар тенглашганда кўзгалувчан қисм ҳаракатдан тўхтайди ва асбоб шкаласининг кўрсаткичи бўйича ўлчанадиган кучланиш аникланади. Электростатик ўлчаш механизмининг иккинчи тури (электродлар орасидаги масофани ўзгаришига боғлик) 8.7-расмда кўрсатилган бўлиб, иккита кўзгалмас пластинка (электрод) лардан 1, юпқа металл лентасига осиб қўйилган кўзгалувчан 2 пластинкадан иборатdir. Кўзгалувчан электрод кўзгалмас пластинкаларнинг бирига уланган бўлиб, бошқасидан изоляцияланган бўлади. Электродлар орасида потенциаллар фарки ҳосил бўлиши кўзгалувчан пластинка кўзгалмас пластинкадан итарилиб тескари ишора билан зарядланган пластинкага тортилади.

Пластинка бурилишининг йўналиши кучланишнинг ишорасига боғлик эмас. Кўзгалувчан пластинканинг ҳаракатга келиши кўзгалувчан ўқ 6 ни ва ниҳоят асбоб кўрсаткичи 5 нинг шкала бўйлаб сурилишига олиб келади. Бундай механизмларда акс таъсири этувчи момент кўзгалувчан пластинканинг оғирлигидан ҳосил бўлади.

Электростатик ўлчаш механизмларининг кўзгалувчан қисмини оғиш бурчаги қуйидагиларга асосланаб топилади.

Зарядланган жисмлар системасини электр майдони энергияси

$$W_e = CU^2/2, \quad (8.17)$$

бу ерда  $C$  – зарядланган жисм сифими;  $U$  – уларга қўйилган кучланиш

Айлантирувчи момент ифодасини (8.17) асосан қуйидагicha ёзиш мумкин

$$M = \frac{dW_e}{d\alpha} = \frac{1}{2} U^2 \frac{dc}{d\alpha} \quad (8.18)$$

Акс таъсир этувчи момент эластик элемент ёрдамида ҳосил бўлишини хисобга олсан, турғун бурилиш ҳолати қуйидагича ифодаланади.

$$\frac{1}{2} U^2 \frac{dC}{d\alpha} = W\alpha, \quad (8.19)$$

бундан

$$\alpha = \frac{1}{2W} U^2 \frac{dc}{d\alpha} \quad (8.20)$$

Ифодадан кўриниб турибдики, электростатик вольтметрлар ҳам ўзгармас ҳам ўзгарувчан ток занжирларида қўлланилиши мумкин, чунки кучланиш  $U$  ни кутби ўзгариши билан қўзгалувчан қисмини бурилиш йўналиши ўзгармайди.

Агар ифодадаги (8.20)  $dC/d\alpha = \text{const}$  бўлса, электростатик вольтметрни шкаласи квадратик характерда бўлади(даражаланади). Электростатик асбобини шкаласини бир текис даражалашга қўзгалувчан ва қўзгалмас пластинкаларни формасини танлаб олиш билан ёки сифимни қўзгалувчан қисмини оғиш бурчаги бўйича маълум қонуният бўйича ўзгаришини таъминлаш билан эришиш мумкин. Бу усул амалда асбоб шкаласини 15-20 % дан юкори қисмида бир текис даражаланишига имкон беради.

Электростатик асбобларини кўрсатишига ўлчанадиган кучланиш частотаси, атроф-мухит температурасининг ўзгариши ва ташки майдонлар деярли таъсир этмайди. Бунга қарама-қарши ўлароқ ташки электр майдонининг таъсири сезиларли даражада бўлади. Электростатик асбобларининг хусусий энергия сарфи жуда кам: масалан, ўзгармас токда у деярли нолга teng.

Электростатик вольтметрлар кам қувватли занжирларда жуда кенг, ҳатто 30 MHz гача бўлган частота диапазонида кучланиш ўлчашда ишлатилади. Аниқлиги бўйича электростатик вольтметрлар кўпинча 1,0-1,5 класларига мўлжаллаб ишланади. Махсус ишланган аниқлиги 0,1;0,05 бўлган вольтметрлар ҳам мавжуд.

Ташки электр майдон таъсирини камайтириш мақсадида электростатик экран ишлатилади.


### 8.5.5. Индукцион тизимли ўлчаш асбоблари

Индукцион ўлчаш механизлари бир ёки бир нечта қўзғалмас электромагнитдан ва қўзғалувчан қисми алюминидан ишланган дисқдан иборат бўлади. 8.8-расмда икки оқимли индукцион механизм кўрсатилган.

Диск юзасига перпендикуляр йўналган ўзгарувчан магнит оқимлар уни кесиб ўтиши натижасида уюрма токлар индуктивлайди. Ўзгарувчан магнит оқимлари дисқдаги индуктивланган токлар билан ўзаро таъсиридан қўзғалувчан қисми айланади.

Индукцион механизмлар қўзғалувчан қисмини кесиб ўтувчи оқимлар сони бўйича бир оқимли ва кўп оқимли механизмларга бўлинади.

Ўлчаш техникасида кўпроқ кўп оқимли механизмлар ишлатилади. Электромагнит 1 ва 2 чўлғамларидан ўтадиган  $I_1$  ва  $I_2$  токлар электромагнит ўзаклари бўйлаб йўналган  $\Phi_1$  ва  $\Phi_2$  оқимларини ҳосил қиласиди.  $\Phi_1$  ва  $\Phi_2$  оқимлар дискни кесиб ўтиши натижасида  $E_1$  ва  $E_2$  - ЭЮК ларини индуктивлайди.



8.8-расм.

Ўзгарувчан магнит оқими  $\Phi_1$  ва шу оқим дискни кесиб ўтиши натижасида индуктивланган уюрма токни ўзаро таъсиридан ҳосил бўлган айлантирувчи моментнинг оний қиймати қуидагича ифодаланади:

$$M_t = c\Phi_{1t}i_{12}, \quad (8.21)$$

бу ерда,  $c$  – пропорционаллик коэффициенти. Индукцион механизмнинг кўзгалувчан қисми айлантирувчи моментнинг ўртача қиймати таъсиридангина харакатга келади, яъни

$$\begin{aligned} M_{yp} &= \frac{1}{T} \int_0^T M_t dt = \frac{1}{T} c\Phi_{1m} I_{12m} \int_0^T \sin \omega t \cdot \sin(\omega t - \varphi) dt = \\ &= c\Phi_{1m} I_{12m} \cos \varphi. \end{aligned} \quad (8.22)$$

Икки оқимли индукцион механизмларнинг кўзгалувчан қисми  $\Phi_1$  ва  $\Phi_2$  оқимларидан ҳосил бўлувчи иккита моментларнинг суммаси таъсирида айланади ва у қуидагича ифодаланади:

$$M = cf\Phi_1\Phi_2 \sin \psi, \quad (8.23)$$

бу ерда  $c$  - пропорционаллик коэффициенти,  $f$  – оқимларнинг ўзариш частотаси;  $\Phi_1$ ,  $\Phi_2$  - ўзгарувчан магнит оқимлар;  $\psi$  -  $\Phi_1$  ва  $\Phi_2$  оқимлар орасидаги фаза фарқи.

Юқорида келтирилган (8.23) ифода икки ва кўп оқимли индукцион ўлчаш механизми учун умумий айлантирувчи момент ифодаси хисобланади.

Индукцион механизmlарда айлантирувчи момент ҳосил бўлиши учун камида иккита ёки икки ташкил этувчидан иборат битта, фаза жаҳатидан бир-биридан фарқ қилувчи ва бир-бирига нисбатан узокроқ жойлашган ўзгарувчан магнит оқимлари бўлиши керак.

Ўзгарувчан магнит оқимлар орасидаги фаза фарқи  $90^\circ$  га тенг бўлганида айлантирувчи момент ўзининг максимал қийматига етади.

Айлантирувчи момент ўзгарувчан ток частотасига боғлиқдир.

Индукцион тизимли ўлчаш механизmlари асосан қувват ўлчашда - ваттметр, электр энергиясини хисоблашда – хисоблагич (счётчик) сифатида ишлатилади.

### Такрорлаш учун саволлар.

1. Турли тизимда ишлайдиган аналог ўлчаш асбобларининг афзаллик ва камчилик томонларини тушунтириб беринг.
2. Электр занжиридаги ток кучининг қиймати 50 А. Уни ўлчаш учун қандай асбобдан фойдаланиш мумкин?
3. Ўлчаш асбобининг сезгирилиги деганда нимани тушунасиз?
4. Ўлчаш асбобининг сезгирилигини ошириш учун қайси параметларга эътибор бериш лозим бўлади?
5. Ўлчаш асбобларидаги шартли белгилар нима учун керак?

## IX-боб. Рақамли ўлчаш асбоблари

### Режа.

9.1. Умумий маълумотлар.

9.2. Комбинацияланган рақамли ўлчаш асбоблари.

9.3. Микропроцессор билан бошқариладиган рақамли ўлчаш асбоблари.


**Таянч сўзлар:** рақамли ўлчаш асбоби, кодлаш, интеграл схемалар.

### 9.1. Умумий маълумотлар

Рақамли ўлчаш асбоби деб, ўлчаш борасида узлуксиз ўлчанаётган катталикни натижаси рақамли қайд этиш қурилмасида ёки рақамларни ёзиб борувчи қурилмада дискрет тарзда ўзгартирилиб, индикацияланадиган асбобларга айтилади. Рақамли ўлчаш асбоблари ҳозирги кунда жуда кенг тарқалган.

Рақамли ўлчаш асбобининг функционал чизмаси 9.1-расмда келтирилган.

**КАЎ - аналог ўзгарткич; АРЎ – аналог-рақамли ўзгарткич; РҚҚ - рақамли қайд этиш қурилмаси.**



**9.1-расм. Рақамли ўлчаш асбобининг функционал чизмаси**

“X” аналог сигнали киришдаги аналог ўзгарткич КАЎ да кейинги ўзгартириш учун қулай формага ўзгартирилади, сўнгра аналог-рақамли ўзгарткич (АРЎ) ёрдамида дискретлаштирилади ва кодланади. Ва ниҳоят, рақамли қайд этиш қурилмаси РҚҚ ўлчанаётган катталик бўйича кодланган маълумотни рақамли қайднома тарзида, операторга қулай формада кўрсатади. Тавсия этиладиган маълумотни қулайлиги ва аниқлиги сабабли рақамли ўлчаш асбоблари илмий-тешириш лабораторияларидан кенг ўрин олган.

Рақамли ўлчаш асбоблари аналог ўлчаш асбобларига нисбатан қуйидаги афзалликларга эгадир:

- юқори аниқлик;
- кенг иш диапазони;
- тезкорлик;
- ўлчаш натижаларини қулай тарзда тавсия этилиши;
- автоматлаштирилган тармоқларга улаш мумкинлиги;
- ўлчаш жараёнини автоматлаштириш имконияти мавжудлиги ва ҳоказолар.

Лекин, ҳар тўқисда бир айб деганларидек, рақамли ўлчаш асбобларининг ҳам муайян камчиликлари мавжуд:

- мураккаблиги;
- таннархининг баландлиги;
- нисбатан ишончлилиги пастроқ.

Лекин, интеграл схемаларининг тезкор ривожи натижасида юқоридаги камчиликлар тобора чекиниб бормоқда.

Рақамли ўлчаш асбобининг асоси бўлиб АРЎ хисобланади. Унда маълумот дискретлаштирилади, сўнгра квантланиб кодланади. Дискретлаштириш - бу муайян (жуда қисқа) дискрет вакт оралиғида қайдномаларни олишдир. Одатда, дискретлаш кадмини доимий қилишга ҳаракат қилинади. Квантлаш эса,  $X(t)$  катталигининг узлуксиз қийматларини  $X_n$  дискрет қийматларининг тўплами билан алмаштириш хисобланади. Катталикнинг узлуксиз қийматлари муайян тартиблар асосида квантлаш даражаларининг қийматлари билан алмаштирилади. Кодлаштириш эса, муайян кетма-кетликда ифодаланган сонли қийматларни тавсия этишдан иборат.

Дискретлаштириш ва квантлаш рақамли ўлчаш асбобининг асосий хатолик манбалари хисобланади. Бундан ташқари, квантлаш даражаларининг сони ҳам ўзига яраша хатоликлар киритади.


Суюқ кристалли индикаторларининг тезкор ривожи рақамли ўлчаш асбобларининг ихчамлашувига, энергия сарфининг камайишига замин яратмоқда.

## 9.2. Комбинацияланган рақамли ўлчаш асбоблари

Хозирги замон электроникасининг элементлар базаси кенг имкониятларга эга бўлган рақамли ўлчаш асбобларини яратишга имкон беради.

Комбинацияланган рақамли асбоблар (КРА) нинг асосий қисми интегралловчи хоссага эга ўзгармас ток кучайтиргичидан иборат. Комбинацияланган рақамли асбобларнинг кириш қисмига ўзгарувчан токни ўзгармас токка айлантирувчи, қаршилик, индуктивлик ва сифимни кучланишга ўзгарттирувчи ўзгарткичлар уланади.

9.2-расмда резистор қаршилигини ўлчовчи рақамли асбоб схемаси келтирилган бўлиб,  $R_x$  кучайтиргич  $K$  нинг манфий тескари боғланиш занжирига уланади. Кучайтиргични кучланиш бўйича кучайтириш коэффициенти жуда катта бўлгани учун резистор  $R_x$  кучайтиргичга уланганда кучайтиргичнинг чиқиш қисмидаги кучланиш ҳосил бўлади. Кучайтиргичнинг кириш қисмидан ўтувчи ток кичик бўлганлиги туфайли асосий ток  $R_x$  резистор қаршилик орқали ўтади.



9.2-расм Комбинацияланган рақамли асбоб схемаси

Шунинг учун кучайтиргичнинг чиқиш кучланиши:

$$U_{чиқ} = IR_x$$


бўлади. Комбинацияланган ШЧ-4313 русумли рақамли асбоблар 5 мВ дан 500 В гача ўзгармас ва ўзгарувчан кучланиши, 5  $\mu\text{A}$  дан

500 mA гача ўзгармас ва ўзгарувчан токни, 50 Ом дан 5000 kОм гача қаршиликни ўлчашга мўлжалланган. Юқоридаги қайд этилган параметрларни 45-20000 Hz частота диапазонида ўлчаш мумкин. Бу асбобнинг оғирлиги 3kg, габарит ўлчамлари 300x70x300 мм. бўлиб, у 220 V ўзгарувчан кучланишли тармоқдан ёки 17,5 V ли автоном манбадан таъминланади.

## 9.3. Микропроцессор билан бошқариладиган рақамли ўлчаш асбоблари

Рақамли ўлчаш асбоблари таркибида микропроцессорни кўллаш ўлчаш жараёнини соддалаштиради, уларни қиёслашни ва калибрлашни автоматлаштиради, ўлчаш натижаларига (ахборотига) статистик ишлов беради ва асбобларнинг метрологик характеристикаларини яхшилади.

10.3-расмда рақамли **микропроцессорли вольтметрни** схемаси келтирилган.



9.3-расм Рақамли микропроцессорли вольтметр схемаси.

Рақамли микропроцессорли вольтметрнинг кириш блоки масштабли ўзгарткич ( $M\bar{U}$ )дан иборат бўлиб, у бир йўла ўзгарувчан ( $U_x$ ) кучланишни ўзгармас кучланишга ўзгарттиради. Кейин эса ўзгармас ток кучланиши аналог – рақамли ўзгарткич ( $AP\bar{U}$ ) га берилади ва у ерда рақам шаклига келтирилади. Хозирги замон микропроцессорли асбобларда  $AP\bar{U}$  ларнинг икки босқичда интеграллайдиган турлари кенг тарқалган.

Кириш кучланишига пропорционал бўлган маълум кетма – кетлиқдаги импульслар сони  $AP\bar{U}$ дан **микропроцессорнинг** ( $M\bar{P}$ ) интерфейсига узатилади. Масштабли ўзгарткич ( $M\bar{U}$ ) ва микропроцессор ( $M\bar{P}$ ) лар ўзаро токли импульс орқали боғланади.


Микропроцессор интеграллаш жараёнини бошқаради ва рақамли ахборотни **рақамли дисплейга** (РД) чиқарib беради.

Рақамли дисплей (РД) ўлчанган катталиктини ва унга тегишли матнли ахборотни ҳам ёзиб чиқаради.

Микропроцессорли вольтметрлар кўп дастурли асбоблар ҳисобланиб, улар ёрдамида ўлчанган катталиклар устида барча *арифметик* ва *алгебраик* амалларни, ўртача квадратик четланиш (оғиш), дисперсия, математик кутилишларни ҳисоблаш ҳамда хотирлаш амалларини бажариш мумкин.

Хозирги пайтда Россия Федерациясида ишлаб чиқариладиган Ш 1531. Ш 1612. В7-39, В7-40 русумли ҳамда Германияда ишлаб чиқариладиган 7055, 7065 турдаги микропроцессорли вольтметрлар кенг кўламда ишлатилмоқда.

**Микропроцессорли частотомерда** (9.4-расм) ўлчаш кетма-кет ҳисоблаш усулида бажарилади.



9.4-расм. Микропроцессорли частотомер

Ўлчанаётган кучланиш частотаси *масштабли ўзгартикич* (МҮ) орқали *импульс шакллантиргич* (ИШ) га узатилади. ИШ да кучланиш импульсларнинг даврий кетма-кетлигига ўзгартирилиб, *вақт селектори* (ВС)га берилади. *Микропроцессор* (МП) маълум давомийли (мисол учун 1s бўлган) импульслар ишлаб чиқаради ва уларни *вақт селектори* (ВС) нинг иккинчи кириш қисмларига узатади. Бу импульсларнинг давомийлиги *импульсли генератор* (ИГ) билан белгиланади. Вақт селектор (ВС) нинг иккала киришига таъсир қилаётган сигналга кўра, унинг микропроцессор белгилайдиган вақт давомийлиги билан чегараланган импульслар сони ҳосил бўлади. Вақт давомида ишлаб чиқарилган импульслар *импульс ҳисоблагич* (ИХ) да саналади ва микропроцессор

хотирасидаги частота константаси (доимийлиги) билан солиширилади. Солишириш натижаси *рақамли дисплей* (РД) га берилади.

Рақамли ўлчаш асбоблари турли катталиклар ва параметрларни ўлчашда ишлатиладиган энг замонавий ва истиқболли ўлчаш воситаси ҳисобланади. Рақамли ўлчаш асбобларининг нархи аналогли асбобларга қараганда қиммат бўлишига қарамай, уларга бўлган талаб жуда юкори.

#### Тақрорлаш учун саволлар.

1. Рақамли ўлчаш асбобларда ўлчаш сигналини қандай ўзгартиришлар қилинади?
2. Рақамли ўлчаш асбобларининг структура схемасини чизинг ва унинг ишлашини тушунтиринг.
3. Рақамли ва аналогли ўлчаш асбоблари нима билан фарқланади?
4. Микропроцессорли рақамли ўлчаш асбобларининг имкониятларини ва хусусиятларини тушунтиринг.
5. Микропроцессорли рақамли асбоблар аналогли асбобларга қараганда қандай афзалликларга эга?

## **X-боб. Ўлчаш техникасининг ҳозирги кундаги ҳолати**

### **Режа**

10.1. Ўлчаш техникасидаги янги ва автоматлаштирилган тизимлар.

11.2. Ўлчаш техникасининг ҳозирги кундаги ҳолати ва ривожланиш истиқболлари.

**Таянч сўзлар:** сунъий онг (интеллект), микропроцессор, микроконтроллер, аниқлик назарияси.

### **10.1. Ўлчаш техникасидаги янги ва автоматлаштирилган тизимлар**

Ўлчаш техникасининг ривожи учун янги ўлчаш усуллари асос бўлиб хизмат қиласди. Кейинги пайтларда янги ўлчаш усулларининг пайдо бўлиши нафакат атроф муҳитни текшириш учун фойдаланиш мумкин бўлган янги физикавий ҳодисаларнинг очилиши, балки янги ҳусусиятларга эга бўлган бирламчи ўлчаш ўзgartичлари ишлаб чиқариш технологиясининг тез ривожланишига ҳам боғлиқдир. Бундай янги ўлчаш усуллари ичida ярим ўтказгичли ўзgartичлардан, ёруғлик ўзgartичларидан, юпка плёнкали ўзgartичлардан, ЎЮЧ-ўзgartичлардан фойдаланишга мўлжалланган усулларни айтиб ўтиш мумкин.

Микропроцессорли ахборотларни қайта ишлаш воситаларининг янги, замонавий турларини яратилиши ўлчашлар назарияси ва аниқлиятининг ривожига салмоқли туртки бўлди.

Микропроцессор - сонларнинг иккили кодидан иборат муйян арифметик ва мантикий амалларни бажаришга мўлжалланган курилмадан иборат. Микропроцессорларнинг аниқ турига боғлиқ равишда бу операция (команда) лар йиғиндиси сифат ҳамда мазмун жиҳатдан ҳам кескин фарқ қилишлиги мумкин. Лекин ҳар қандай ҳолда ҳам командалар йиғиндиси учун улар комбинацияси орқали ҳар қандай талаб қилинган сонлар ўзгартиришини таъминлайдиган командалар йиғиндисининг тўлалик шарти бажарилиши керак. Одатда, микропроцессор бир ёки бир неча интеграл микросхемалар кўринишида ясалади. Микропроцессорларнинг кичик ўлчамлари ва нисбатан арzonлиги

уларни ўлчаш асбоблари ва тизимлари таркибида муҳим ўзgartичлардан бири сифатида ишлатиш имконини беради.

Автоматлаштирилган лойиҳалаш тизимлари (АЛТ) назариясининг муваффакияти ўлчаш воситаларини ишлаб чиқариш аниқлиётининг эҳтиёжи туфайли юзага келди. АЛТ лойиҳалаш муддатларини бир неча марта қисқартириш билан биргаликда лойиҳалаш сифатининг ошишини таъминлайди. АЛТ нинг мақсади лойиҳалашдаги ўта қийин ва майда ишларни ЭҲМ ёрдамида бажаришдан иборатdir. Бундай операцияларга қуидагилар мансубдир:

- мавжуд техникавий ечимлар ҳақидаги ахборотларни қидириш;
- мумкин бўлган ечим варианtlарини ажратиб олиш;
- тавсифларни ҳисоблаш ва параметрларни мақбуллаштириш (оптималлаштириш);
- лойиҳа ҳужжатларини тайёрлаш.

Ўлчаш воситаларини ишлаб чиқишини тезлаштириш ва сифатини сезиларли даражада ошириш бир хил метрологик асосдаги комплекс лойиҳалаш тизимларини яратиш ва кенг кўламда тадбиқ этиш эвазига эришилиши мумкин. Бундай усул элементлари ўлчаш тизимларининг кенг автоматлаштирилган лойиҳа тизимларида (ЎТКАЛТ) ишлатилган.

ЎТКАЛТ тизимларини услубий таъминлаш асосида қуидагилар ётади:

- ўлчаш воситаларининг информацион тавсифларини баҳолаш;
- информацион операторлар ёрдамида информацион жараёнларни моделлаш;
- информатив сигналларни ўзгартиришнинг операторли тенгламаларидан фойдаланиб структурали схемаларни синтез қилиш;
- алоҳида лойиҳали ечимларининг дастлабки берилмалари мажмуи асосида муқобиллаштириш усулларидан фойдаланиш.

Сунъий яратиш йўлида тўртта асосий масалани ечиш лозим бўлади:

1. Фикрлаш қонунларини текшириш ва уларга мос келадиган алгоритмларни яратиш;
2. ЭҲМ га келиб тушаётган ахборотларни, ҳамда фикрлашнинг "социал" аспектларини тўғри тушунишни таъминловчи жуда кўп миқдордаги бошлангич билимлар базасини ЭҲМ да йиғиш;

3. Билим ва ривожланиш жараёнининг асоси сифатида сунъий онг тизимларнинг амалий фаолиятини таъминловчи воситалар яратиш, яъни биринчи навбатда инсон кўлини моделлаштириш;
4. Сунъий сезги органлари ва образларни аниқлаш (таниш, илғаш) тизимларини яратиш.

Юқоридаги санаб ўтилган масалалардан охиргиси ўлчаш техникасининг ютуқларига таянади. Уни ечишда олимлар ўз олдиларига инсон сезги органларига яқин тавсифларга эришиш масаласини қўйишмайди. Аввалроқ биз инсон сезги органлари қанчалик мукаммал эмаслиги хақида гапирган эдик. Шунинг учун табиат томонидан яратилган нарсаларни кўр-кўронга тақрорлаш шарт эканми? Кўринишидан сунъий онг тизимлари ихтисослаштирилиб, ҳар бир ихтисослаштириш доирасида уларнинг сезги органлари хилма-хил ва инсоннидан мукаммалроқ бўлади. Масалан, яқин келажакда тибиёт бўйича ихтисослашган сунъий онг яратилишини жуда катта эҳтимоллик билан айтиш мумкин.

Бундай тизим кўринишидан, нафақат кўриш ва эшитиш қобилиятига, балки температура ва электр потенциаллари аниқ ўлчаш воситаларига, ташҳиснинг ультратовуш воситаларига ва бошқа ўлчаш курилмаларига эга бўлади. Албатта, мукаммал ўлчаш воситалари билан таъминланган бошқа ихтисослашган онгли тизимлар ҳам яратилади.

Илмий-техник тараққиётнинг бош йўналишларидан бири кенг кўламли информацион тармоқларни ривожлантириш бўлиб, бунда етакчи роллардан бири ўлчаш техникасига тегишилдири. Бундай тармоқларнинг илфор ютуқлари тадбиқини тезлаштириш, режалаш ва бошқаришни координациялаш ҳамда мукаммаллаштиришда улкан аҳамиятга эга бўлиб, илмий-техникавий адабиётларда ҳам, хукуматнинг муҳим қарорларида ҳам бир неча маротаба таъкидланган. Аммо, афсуслар бўлсинким, ҳамиша ҳам бу муаммони ечишнинг ўта муҳим томонларидан бири - тармоққа ҳақиқий маълумот киритишга дикқат қилинмаяпти.

Маълумот манбаи информацион тармоққа ўлчаш курилмаси ва ҳужжатларини киритаётган оператор-инсон бўлиши мумкин. Агар биринчи икки манбадан келаётган ахборотларда хатолар ва ақлий чалкаштиришлар бўлиши мумкинлигини ҳисобга олинса,

бунда информацион тармоқларнинг самарадорлигини таъминлашдаги ўлчаш курилмаларининг улкан роли аниқ бўлади.

Информацион тармоқ таркибига биринчи навбатда киритилиши лозим бўлган ўлчаш курилмалари ичida даставвал хом-ашё, материаллар, тайёр маҳсулотлар, энергетик ва бошқа ресурсларни ҳисобловчи ҳар хил воситаларни айтиб ўтиш керак. Бу объектив ва муқобил режалаш имконини бериб, юқоридаги маҳсулотлар учун корхоналар, ташкилотлар ва алоҳида кишилар орасидаги ҳисоблаш ишларини осонлаштиради ва автоматлаштириш имконини беради. Кенг кўламли информацион тармоқлар таркибига алоҳида корхоналарнинг ўлчаш информацион тизимларини киритиш, унинг имкониятларини кескин оширади.

Бундай информацион тармоқлар самарадорлигининг зарур шарти-тармоқ учун мўлжалланган ўлчаш ахборотларини стандартлаштирилган формада тасвирловчи, етарли даражада арzon ва оддий, ҳамда ишончли ўлчаш асбобларини оммавий ишлаб чиқаришдир. Ушбу шартни таъминлаш учун метролог-олимлар, муҳандислар, лойиҳачилар, Давлат метрология ва стандартлаштириш органлари, ишлаб чиқарувчилар ҳали кўп фаолият кўрсатишларига тўғри келади.

Микроконтроллерлар ва микропроцессорлар асосида ишлайдиган ўлчаш асбоблари яна ҳам кўпаймоқда. Бу эса, турли ишлаб чиқариш ва технологик жараёнларнинг самарадорлигини янада оширишда қўшимча имкониятлар яратади. Дарҳақиқат, микроконтроллерлар ва микропроцессорларнинг ўлчаш асбоблари ва курилмаларида кенг кўлланилиши ўлчаш амалини бирмунча соддалаштиради, сарф-ҳаражатларни камайтиради, ўлчаш аниқлигини эса оширади. Бу эса ишлаб чиқарилаётган маҳсулотларнинг сифатлари жаҳон андозаларига мос бўлишини таъминлашда муҳим аҳамият касб этувчи омиллардан бири бўлиб ҳисобланади.

## **10.2. Ўлчаш техникасининг ҳозирги қундаги ҳолати ва ривожланиш истиқболлари**

Ўлчаш техникаси фундаментал илмий изланишларга бевосита боғланган бўлиб, табиий фанларнинг энг яхши ютуқларини ўзида мужассамлаштирган. Бу эса унга улкан

имкониятлар ва ривожланиш истиқболларини яратиш билан бир катор муаммоларни келтириб чиқарди. Биринчи навбатда қуидагиларни айтиб ўтиш лозим:

- ўлчашлар бирлигини таъминлаш муаммоси;
- умумий ўлчашлар назариясининг ривожланиши;
- янги физикавий усуллар ва ҳар хил ҳисоблаш қурилмаларига асосланган ўлчаш амалларини соддалаштириб, бир вақтнинг ўзида уларнинг самарадорлигини ошириш;
- янги анализ ва синтез усулларига асосланган, тавсифлари олдиндан айтиладиган ўлчаш воситаларини ишлаб чиқаришни тезлаштириш;
- лойиҳалашни автоматлаштириш;
- ишлаб чиқаришни технологик тайёрлашга асосланган янги ўлчаш воситаларини яратиш ва тадбиқ қилиш.

Юкорида қайд этилган жараёнлар гарчанд мухим ва кенг бўлса ҳам, алоҳида олинган аспектларини, шу билан бирга беҳисоб изланишлар, текширишларни, хусусий усулларни ҳамда ўлчаш тартибларини кўриб чиқувчи бир катор ўлчаш назариялари мавжуд. Улар бу жараённинг алоҳида бўлса ҳам, етарли даражада фарқли ва ҳар хил аспектларини қарайди. Хусусий усул ва ўлчаш принципларини ичida қуидагиларни эслатамиз:

- ўлчаш қурилмаларининг аниқлилик назарияси;
- статистик ўлчашлар назарияси;
- ўлчаш ўзгарткичларининг умумий энергетик назарияси;
- ўлчашнинг информацион назарияси;
- динамик ўлчашлар назарияси;
- ўлчаш қурилмаларининг инвариантлик назарияси;
- ўлчашларнинг алгоритмик назарияси;
- ўлчаш воситаларининг мослашув назарияси.

Ўлчашлар аниқлиги назарияси асосида ўлчаш натижаларининг хатоликларини баҳолаш ва текшириш усули ётади.

Эсингизда бўлса керак, “хатолик” деганда ўлчаш амалида олинган натижа қийматининг ўлчанаётган катталиктининг ҳақиқий қийматидан тафовути тушунилади. Аниқлик назариясининг туб маъносини хатолик ва унинг ташкил этувчиликларини баҳолаш, хатоликлар ҳосил бўлишининг манба ва сабабларини аниқлаш ҳамда хатоликларни камайтириш усуллари ташкил этади.

Замонавий ўлчаш техникаси халк хўжалигининг ҳамма соҳаси билан ягона боғламда ривожланиб бормоқда. Илмий-техник тараққиётни таъминлашда унинг роли жуда каттадир. Шу сабабдан олимлар ва муҳандис-асбобсолзлар олдида турган мухим вазифалардан бири илмий техник тараққиёт йўлида ортда қолмаслик, бу тараққиёт йўлидаги тўсиқ бўлмасдан, аксинча, уни олға силжитувчи кудратли омил бўлишдир! Албатта бу осон эмас.

Бизнинг олдимиизда жуда кўп, ўта мураккаб, ҳал қилиниши лозим бўлган муаммолар турибди. Булардан **биринчиси** - янги, прогрессив ютуқларни тез ва кенг кўйламда ишлаб чиқишга тадбиқ этиш ва ҳалқ хўжалигига кўллаш. Бу муаммони ечиш учун асбобсолзликдаги режалаш ва бошқариш принципларини тубдан қайта куриш керак. **Иккинчи** муаммо-ўлчаш асбобларининг сифатини кескин ошириш. Бу масалани ечиш учун фақат асбобсолзларнинг харакатларини ўзи камлик қиласи. Статик асбоб ускуналарнинг аниқлиги ва ишончлилигини ошириш, юқори сифатли материаллар ишлаб чиқаришни кенгайтириш, электрон техникаси маҳсулотларининг тавсифларини яхшилаш ва ишончлилигини ошириш лозим.

Кўриниб турибдики, бу масалаларни ечиш учун ўз навбатида ўлчаш-назорат техникасини мукаммаллаштириш зарурдир. Бу жараённинг диалектик бирлиги илмий-техник тараққиёт муаммоларига ҳамма талабларни чукур таҳлил қилиш асосида атрофлича ёндошиш лозимлигини таъкидлайди. Шубҳа йўқки, бу муаммолар ечилиб, улар ортидан янгилари, янада мураккаблироқлари кун тартибига кўйилади. Илмий-техник тафаккурнинг олдинги қаторларида доимо олға қараб ҳаракат қилиш - метрология фанининг асосий шиоридир.

### Такрорлаш учун саволлар

1. Ўз соҳангизга тегишли, замонавий ўлчаш тизимлари ҳақида нималарни биласиз?
2. Сунъий онг (интеллект) деганда нимани тушунасиз?
3. Механизациялаш, автоматлаштириш ва автоматик атамаларга тавсиф беринг ва уларнинг ўхшаш ҳамда тафовутли томонларини тушунтиринг.
4. Информацион тармоқ нима?
5. Замонавий ўлчаш тизимларини қандай тасаввур қиласиз?

## **Фойдаланилган ва тавсия этиладиган адабиётлар**

Ушбу “Метрология асослари” фани бўйича ўқув кўлланма куйидаги адабиётлар асосида тайёрланди ва албатта, талабаларга тўпламни ўзи билан чекланмай, улардан ҳам фойдаланишни тавсия этамиз:

1. Каримов И.А. Ўзбекистон - бозор муносабатларига ўтишнинг ўзига хос йўли. Т. Ўзбекистон, 1994 й.
2. Каримов И.А. Ўзбекистон иқтисодий ислоҳотларни чукурлаштириш йўлида. Т. Ўзбекистон, 1996 й.
3. Метрология ҳакида. Ўзбекистон Республикаси қонуни. 1993 йил.
4. Стандартлаштириш ҳакида. Ўзбекистон Республикаси қонуни. 1993 йил.
5. Махсулот ва хизматларни сертификатлаш ҳакида. Ўзбекистон Республикаси қонуни. 1993 йил.
6. Исматуллаев П.Р., Маъруфов Э.А., Абдуллаев А.Х. Метрология бўйича изоҳли лугат. Тошкент, 1993 й.
7. Исматуллаев П.Р., Тўхтамуродов З.Т. Сифат ва сертификат. Конструктор ИЧБ. 1994 й.
8. Исматуллаев П.Р., Тўхтамуродов З.Т., Абдуллаев А.Х. Стандартлаштириш, метрология ва сертификатлаштиришга муқаддима. Конструктор ИЧБ. 1995 й.
9. Крылова А.Н. Основы метрологии, стандартизации и сертификации. М.: Аудит, 1998 г, ЮНИТИ.
10. ЎзРСТ 8.010-93. Метрология. Атамалар ва таърифлар.
11. ЎзРСТ 1.0-92. Ўзбекистон Республикаси стандартлаштириш давлат тизими. Асосий қоидалар.
12. ЎзРСТ 5.0-92. Ўзбекистон Республикаси миллий сертификатлаш тизими. Асосий қоидалар.
13. ISO 9000-1-94. Стандарты по общему руководству качеством и обеспечению качества.
14. Исматуллаев П.Р., Абдуллаев А.Х., Турғунбоев А., Аъзамов А.А. Ўлчашларнинг фан ва турмушдаги тутган ўрни. ТДТУ, 1999 й.
15. Исматуллаев П.Р., Абдуллаев А.Х., Қодирова Ш.А., Аъзамов А.А., Миралиева А.Қ. Метрология, стандартлаштириш ва сертификатлаштириш. Маърузалар матни. ТДТУ, 2000.
16. Шишкин И.Ф. Метрология, стандартизация и управление качеством. М.: Изд. Стандартов, 1990 г.
17. Электрические измерения. Под ред. А.В.Фремке, Ленинград, “Энергия”, 1985.
18. Бегунов А.А., Исматуллаев П.Р., Икрамов Г.И. Измерения в технологических отраслях промышленности. Ташкент, “Мехнат”, 1991 г.
19. Артемьев Б.Г., Голубев С.М.. Справочное пособие.М., Изд.Стандартов, 1986 г.
20. Козлова А.В. Стандартизация, метрология, сертификация в общественном питании. М.: 2002г.
21. Лифиц Н.М. Основы стандартизации, метрологии и управление качеством товаров. М., 1999г.
22. Лифиц Н.М. Стандартизация, метрология и сертификация. М., 2002 г.
23. [www.Standart.ru](http://www.Standart.ru); [www.usst.uz](http://www.usst.uz)
24. Кудряшов Л.С. Стандартизация, метрология и сертификация в пищевой промышленности. М., 2001г.
25. Сергеев А.Г., Крохин В.В. Метрология. М.: 2001г.
26. Козлов М.Г. Стандартизация, метрология. М.: 2001г.
27. Исматуллаев П.Р. ва бошқалар. Метрология стандартлаштириш ва сертификатлаштириш. Тошкент, 2001 й.
28. Абдувалиев А.А. и др. Основы стандартизации, сертификации и управления качеством. Ташкент, 2005.
29. Абдувалиев А.А. и др. Основы обеспечения единства измерений. Ташкент, 2005.
30. Рекомендация. ГСИ. Применение “Руководства по выражению неопределенности измерений”. Санкт-Петербург, 2000.
31. Хакимов О.Ш. Метрология. Атамалар ва таърифлар.
32. [www.smsiti.uz](http://www.smsiti.uz)
33. [www.standart.uz](http://www.standart.uz)
34. [www.uniim.ru](http://www.uniim.ru)

## МУНДАРИЖА

СҮЗ БОШИ .....	3
I-БОБ. МЕТРОЛОГИЯ АСОСЛАРИ БҮЙИЧА АСОСИЙ	
МАЪЛУМОТЛАР .....	6
1.1. Метрология асослари фанининг мақсад ва вазифалари .....	6
1.2. Метрологиянинг ривожланиш босқичлари ва унинг илмий-техникавий тараққиётга таъсири .....	9
1.3. “Метрология тўғрисида” Республика қонуни .....	19
1.4. Метрологиянинг аксиомалари .....	20
1.5. Метрологиянинг асосий постулатлари .....	22
1.6. Ўлчашларнинг сифат мезонлари .....	24
II-БОБ. КАТТАЛИКЛАР ВА УЛАРНИНГ ЎЛЧАШ БИРЛИКЛАРИ .....	26
2.1. Катталиклар .....	26
2.2. Катталиктининг ўлчамлиги .....	29
2.3. Катталикларнинг бирликлари .....	30
2.4. Бирликларни ва ўлчамларни белгилаш ва ёзиш қоидалари .....	32
2.4.1. Халқаро бирликлар тизимининг ҳосилавий бирликлари ..	34
2.4.2. Каррали ва улушли бирликларининг номлари ва белгиларини ҳосил қилиш қоидалари .....	38
III-БОБ. МЕТРОЛОГИК ХИЗМАТ ВА МЕТРОЛОГИК ТАЪМИНОТ .....	46
3.1. Ишлаб чиқариш ва унинг тармоқларида метрологик хизмат ва метрологик таъминот .....	46
3.2. Метрология бўйича халқаро ташкилотлар .....	48
3.3. Метрология бўйича асосий атамалар .....	50
IV-БОБ. ЎЛЧАШЛАР, УНИНГ УСУЛЛАРИ .....	55
4.1. Ўлчашлар тўғрисида асосий таърифлар, тушунчалар .....	55
4.2. Ўлчаш турлари .....	57
4.3. Ўлчаш усуллари .....	58
4.4. Дискрет ўлчаш усули .....	60
V-БОБ. ЎЛЧАШ ХАТОЛИКЛАРИ .....	62
5.1. Ўлчаш хатоликлари, уларнинг табакаланиши .....	62
5.2. Мунтазам хатоликлар ва уларни камайтириш усуллари. Аддитив ва мультиплектив хатоликлар .....	65
VI-БОБ. ТАСОДИФИЙ ХАТОЛИКЛАР .....	67
6.1. Тасодифий хатолик ва уларнинг тақсимланиши .....	67

6.2. Тасодифий хатоликнинг нормал қонун бўйича тақсимланиши ва уни эҳтимолий баҳоланиши .....	68
6.3. Билвосита ўлчаш натижаларини қайта ишлаш .....	72
VII-БОБ. ЎЛЧАШЛАР НОАНИҚЛИГИ .....	75
7.1. Ўлчаш ноаниқлиги бўйича атамалар ва таърифлар .....	75
7.2. Ўлчаш ноаниқлигини баҳолаш .....	83
7.3. Ўлчанаётган катталиктин тасвирланиши .....	84
7.4. Ноаниқлик манбаларининг намоён бўлиши .....	84
7.5. Ноаниқликни тақдим этиш .....	88
7.6. Стандарт намуналар ноаниқлиги .....	89
VIII-БОБ. ЎЛЧАШ ВОСИТАЛАРИ .....	92
8.1. Ўлчаш асбобларининг аниқлик класслари .....	92
8.2. Ўлчаш асбобларининг асосий метрологик тавсифлари .....	93
8.3. Ўлчаш асбобларининг табакаланиши. Аналогли ўлчаш асбоблари .....	96
8.4. Электромеханик туридаги аналогли асбоблар тўғрисида умумий маълумотлар .....	97
8.5. Электромеханик туридаги ўлчаш асбобларининг турлари, метрологик тавсифлари .....	99
8.5.1. Магнитоэлектрик ўлчаш асбоблари .....	101
8.5.2. Электромагнит тизимли ўлчаш асбоблари .....	103
8.5.3. Электродинамик ўлчаш асбоблари .....	105
8.5.4. Электростатик ўлчаш асбоблари .....	107
8.5.5. Индукцион тизимли ўлчаш асбоблари .....	110
IX-БОБ. РАҶАМЛИ ЎЛЧАШ АСБОБЛАРИ .....	113
9.1. Умумий маълумотлар .....	113
9.2. Комбинацияланган рақамли ўлчаш асбоблари .....	115
9.3. Микропроцессор билан бошқариладиган рақамли ўлчаш асбоблари .....	116
X-БОБ. ЎЛЧАШ ТЕХНИКАСИННИГ ҲОЗИРГИ КУНДАГИ ҲОЛАТИ .....	119
10.1. Ўлчаш техникасидаги янги ва автоматлаштирилган тизимлар .....	119
10.2. Ўлчаш техникасининг ҳозирги кундаги ҳолати ва ривожланиш истикболлари .....	122

**Исматуллаев Патхулла Рахматович  
Қодирова Шарофат Абдуваҳобовна  
Аъзамов Абдураҳим Аъзамович**

**“Метрология асослари”**

**Ўқув қўлланма**

**Муҳаррир**

**М.М.Ботирбекова**

